

Siunnersuummut oqaaseqaatit

Oqaaseqaatit nalinginnaat**1. Aallaqqaasiut**

1.1. Tunuliaqut pingaarneq

Siunnersuut suliarineqarpoq, ilinniarfinnut tamanut qaffasinnerusumik ilinniakkanik neqerooruteqartartunut tunngatillugu ataasiinnarmik ataatsimoortumillu Inatsisartut inatsiseqalernissaannik kissaateqarneq tunuliaqutaralugu.

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nr. 6, 6. juni 2016-imeersup (inuutissarsiutinik ilinniartitsineq pillugu inatsit) akuersissutiginera sioqqullugu, Iisimatusarfik kisimiilluni qaffasinnerusumik ilinniakkanik neqerooruteqarsinnaatitaa voq. Kisianni 1. august 2016-ip kingorna qitiusumik inuutissarsiutinillu ilinniarfiit qaffasinnerusumik ilinniakkanik neqerooruteqarsinnaalerput, taamaamallu siunertamut naapertuukkunnaarpoq, qaffasinnerusumik ilinniakkat pillugit malittarisassat aqutsineq pillugu inatsimmi taamaallaat Iisimatusarfimmut atuuttumi allassimanissaat. Taamaammat ilutigisaanik siunnersuutigineqarpoq Iisimatusarfik pillugu Inatsisartut inatsisaat nr. 19, 19. november 2007-imeersoq nutarterneqassasoq, taamaallaallu Iisimatusarfiup aqunneqarnera pillugu malittarisassanik imaqalerluni, siunnersuullu manna aalajangersakkanik qaffasinnerusumik ilinniakkanut tunngasuinnarnik imaqarluni.

Tamatumunngattaaq ilanngunneqassaaq, nunarsuarmioqatigiit imminnut qanilligaluttuinnarnerisa pisariaqalersimmassuk, Kalaallit Nunaata nunat allat assigalugit qaffasinnerusumik ilinniakkani pitsaassutsikkut nakkutilleeriaatsinik, nunani tamani pitsaassusiliinermik naammassinnittumik atuilernissaa.

1.2. Inatsimmik piareersaanermi immikkoortut pingaarnerit

Ilinniartitaanermut, Kultureqarnermut Ilageeqarnermullu Naalackersuisoqarfik Kalaallit Nunaanni ilinniarfinnut tamanut akisussaasuvoq, aamma Iisimatusarfimmik kiisalu qitiusumik ilinniarfinnik inuutissarsiutinillu ilinniarfinnik ingerlaavartumik attaveqarluni. Taamaammat inatsisinik nutaanik inatsisinilu atuuttuni allannguinissamik kissaatit pisariaqartitsinerillu ingerlaavartumik oqallisigineqartarput. Aammattaaq Naalackersuisoqarfiup Iisimatusarfik pillugu Inatsisartut inatsisaat nr. 19, 19. november 2007-imeersoq, 2011-mi nutarterlugu aallartippaa, aamma Iisimatusarfik pillugu Inatsisartut inatsisissaattut siunnersuut nutaaq siuartinniarneqarpoq matumunnga ilutigitillugu, inatsisit pineqartut marluk imminnut ataqatiginnerat pissutigalugu.

10. aamma 11. november 2016 isumasioqatigiittoqarpoq, taamani Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfi usoq, Aningaasaqarnermut Naalakkersuisoqarfik, Inuussutissarsiornermut Naalakkersuisoqarfik, Kalaallit Nunaanni Sulisitsisut, Pinngortitaleriffik, Ilinniartut Peqatigiiffiat Ili Ili, ilinniartut kalluarneqartut, tamatumani ilanngullugit Ilisimatusarfik, Perorsaanermik Ilinniartut aamma Niuernermik Ilinniartut il.il. peqataatitaqarlutik. Suliassaqarfimmi inatsisit atuuttut misissorneqarput, kingornalu sammisat assigiinngitsut oqaluuserineqarlutik, inatsisit atuuttut nutarternissaat naleqqussarnissaallu Inatsisartullu inatsisissaanut matumunnga siunnersuuteqarnissaq siunertaralugu.

Tamatuma saniatigut Ilisimatusarfik naalakkersuisoqarfillu ataatsimeeqatigiittarput, inatsimmik allannguinermut atatillugu universitetip aamma naalakkersuisoqarfiup inatsisitigut allannguutissanut ilimagisaasunut naleqqiullugu naatsorsuutigisaasa paasisaqarfiginissaat siunertaralugu.

1.3. Siunnersuutip imarisai ataatsimut isigaluni

Aallaqqaasiullugu siunnersuutip imarivai Inatsisartut inatsisaata atuuffissaa pillugu aalajangersakkat.

Tamatuma kingorna tulliuppoq kapitali ilinniakkani pineqartuni pissutsinik malittarisassiuffiusoq, tamatumunnga ilanngullugit neqeroortarneq aamma ilinniartut aqutsineq, ilinniakkat imaat siunertaallu, ilinniakkat aqqissugaanerit kiisalu pitsaassutsimik qularnaarineq. Neqeroortarneq aamma ilinniartut aqutsineq aamma ilinniakkat imaat siunertaallu pillugit aalajangersakkat annertunerusutigut malittarisassai inatsimmi atuuttumi kapitali 2-mi malittarisassanik tunngaveqarput, kisiannili malittarisassanut maanna atuuttunut naleqqiullugu annertuumik annertusaavigineqarnissaat itisilerneqarnissaallu siunnersuutigineqarluni.

Tamatuma kingorna malitsigaa kapitali qinnuteqartarnermut aamma ilinnialernissamut piimasaqaatinut tunngasoq, tassani allaaserineqarlutik qinnuteqarnermut piffissaliussat qinnuteqarnermi periaasissat kiisalu ilinniakkanut ataasiakkaanut ilinnialernissamut piimasaqaatit pillugit malittarisassat, tamatumunnga ilanngullugit kia piimasaqaatit aalajangersartarnerai, piimasaqaatit ersittusaaneri kiisalu ilisimatitsisarnernut malittarisassat il.il.

Ingerlaqqilluni siunnersuummi kapitalimi aalajangersaasoqarpoq qaffasinnerusumik ilinnialersinnaasunik killilersuineq aamma ilinniartunngortitanut inissaqartitsinissat pillugit. Tamatumani ilinniartut ataasiakkaani ilinnialersinnaasunik killilersuineq aamma ilinniartunngortitanut inissaqartitsinissaq pillugit isersinnaaneq aalajangersaaffigineqarput.

Siunnersuummi kapitali tulliuttoq aalajangersakkanik assigiinngitsunik imaqarpoq. Aallarniutigalugu siunnersuutigineqarput aalajangersakkat Kalaallit Nunaata avataani

ilinniarneq pillugu aalajangersakkat, taakkunanilu ersilluni bacheloritut ilinniartut tamarmik ilinniarnerminnut atatillugu Kalaallit Nunaata avataani ilinniartassasut. Tamatuma kingorna malinnaavoq aalajangersagaq, Naalakkersuisut malittarisassanik aalajangersaasinnaanerat pillugu, ilinniartitsisuusut qaffasinnerusumik ilinniarfinni ilinniartitsisuusussat piginnaanerinit tunngatillugu piumasaqaatinik imaqartoq.

Kingornagut tulliuppoq aalajangersagaq ilinniarfiup pisussaaffigigaa ilinniagaqartunik ilitsersuisarneq, aammalu aalajangersagaq aqutsisuusooq maalaaruteqarsinnaanermut tunngatillugu, siunnersuut manna tunngavigalugu aalajangikkanut tunngasuni.

Naggasiullugulu siunnersuutigineqarput atortuulersitsinissamut aalajangersakkat aamma atorunnaarsitsinissamut aalajangersakkat.

Siunnersuummi allaaserineqartut itisilernerinit tunngatillugu, siunnersuummi qulequttat pingaarnerit pillugit allaaserisat aamma oqaaseqaatit immikkut ittut innersuunneqarput.

2. Siunnersuummi qulequttat pingaarnerit

a) Inatsisit atuuttut

Inatsisit atuuttut tassaapput, Ilisimatusarfik pillugu Inatsisartut inatsisaat nr. 19, 19. november 2007-imeersoq, Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik allangortinneqartoq Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allangortinneqarneranik Inatsisartut inatsisaat nr. 6, 6 juni 2016-imeersoq aqutugalugu aamma Isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersoq.

Tamatumunngalu atatillugu eqqaaneqassaaq ingerlatsinikkut maleruaqqusat arlallit Ilisimatusarfik pillugu Inatsisartut inatsisaat tunngavigalugu atortuutinneqarmata.

Nalunaarutit tulliuttut suliassaqarfimmi pissutsinik aqutsisuupput:

- Ilisimatusarfimmi malinneqataasoqartarnissaa pillugu Namminersornerullutik Oqartussat nalunaarutaat nr. 6, 2. januar 1990-imeersoq
- Namminersornerullutik Oqartussat nalunaarutaat nr. 4, 2. januar 1990-imeersoq Ilisimatusarfimmi ilinniartitsisut ilisimatuutullu suleqataasut atorfinitsinneqartarnissat pillugu
- Ilinniarfissuarmi ilinniaqqinneq il.il. pillugu Namminersornerullutik Oqartussat nalunaarutaat nr. 23, ulloq 8. juli 1991-imeersoq
- Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat nr. 27, 1. september 1995-imeersoq
- Ph.D-grad pillugu Namminersornerullutik Oqartussat nalunaarutaat nr. 36, 9. oktober 2001-imeersoq

- Karakteriisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Iisimatusarfik pillugu Inatsisartut inatsisaanni nr. 19, 19. november 2007-imeersumi Iisimatusarfimmi pissutsit aqunneqarput. Tassani ilaapput aqutsinerup malittarisassiornera aamma Iisimatusarfimmi ilinniakkat neqeroorutigineqartut. Taamaattoq kapitali 2 ilinniakkanut tunngasoq siunnersuummi matumani kisimi ilaatigut ingerlateqqinneqarpoq, kiisalu aamma ilitsersuisarnernut aamma maalaaruteqartarnermut aalajangersakkat.

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik allangortinneqartoq Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allangortinneqarneranik Inatsisartut inatsisaat nr. 6, 6 juni 2016-imeersoq aqutigalugu, aqutsivoq qitiusumik ilinniarfiit aamma inuussutissarsiutinik ilinniarfiit atugaannik. Inatsimmik allanguinnermi kingullermi aalajangersakkamik ilangussisoqarpoq qitiusumik ilinniarfinnik aamma inuussutissarsiutinik ilinniarfinnik periarfissiisumik qaffasinnerusumik ilinniakkanik neqerooruteqarsinnaanernik. Inatsisartut inatsisaanni § 5, imm. 6-imi imatut imaqarpoq: "Qitiusumik inuussutissarsiutinillu ilinniarfiit Naalakkersuisut akuersereernerisigut ilinniakkat ilaat qaffasinnerusunut assingusut Kalaallit Nunaanni ilinniarfinnit neqeroorutaanngitsut neqeroorutigisinnaalissavaat."

Inatsisartut inatsisaat allatigut qaffasinnerusumik ilinniartitsinerinik aqutsinngilaq, taamaattumillu annertunerusumik tamatumani allaaserinnittoqassanani.

Isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersoq, Inunnik isumaginnittussat ilinniartitaasarnerat pillugu Namminersornerullutik Oqartussat nalunaarutaat nr. 14, 15. april 1991-imeersoq aamma Inunnik isumaginnittussat ilinniartitaaneranni fagit pillugit Namminersornerullutik Oqartussat nalunaarutaat nr. 16, 15. april 1991-imeersoq aqutsisuupput isumaginninnermi perorsaanikkut ilinniakkanik, Perorsaanermut Ilinniarfimmit neqeroorutigineqartartunik. Taamaattoq ukiuni kingullerni taakku ilinniakkamut tunngaviusimangillat, ilinniakkami allanguuteqarnikummat peqqussutip akuersissutigineqarnerata kingorna. Ilinniagarlu paarlattuanik peqqussummi misileraanissamut § 24-mi aalajangersagaq naapertorlugu ingerlanneqarsimalluni.

Iisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat nr. 27, 1. september 1995-imeersoq aqutsisuvoq pissutsini aalajangersimasuni bacheloritut-, kandidatitut aamma ph.d.-tut ilinniakkani. Nalunaarummi ilinniakkat ilusaat pingasuinnaat sammineqarnerannut pissutaavoq nalunaarut taanna 1995-imeersuummat, Iisimatusarfillu taamaalinerani periarfissaqarani ilinniakkanik arlaqartunik assigiinngitsunik neqerooruteqarnissamut. Aatsaat Iisimatusarfik pillugu Inatsisartut

inatsisaata 2007-imeersup akuersissutigineqarneratigut, qaffasinnerusumik ilinniakkat allatut ilusillit neqeroorutigineqarsinnaanerat ammaanearpoq. Nalunaarut 2007-imilli assingusumik paasinnineq naapertorlugu, ilinniakkanut ilisimatusarfik pillugu Inatsisartut inatsisaanni pineqartunut atorineqarnikuvoq.

Nalunaarummi kapitalit siulliit marluk ilinniakkat eqqaaneqartut siunertaannik, kiisalu imaannik aamma aqqissuussaaneriniq aqutsisuupput. Taakkua annertunerusutigut siunnersuummi ingerlateqqinneqarput. Malittarisassat ilaatigut takuneqarsinnaapput immikkoortumi ilinniakkat imaannut tunngasumi, siunnersuummi kapitalimi 2-mi. Nalunaarummillu nutarterinissami aggersumi naatsorsuutigineqarpoq kapitalit taakkua marluk peerneqassasut, taakkua siunnersuummi matumani ingerlateqqinneqarmata.

Tulliuppoq kapitali nalilersuisarnernut aamma soraarummeernermit uppersaatitut tunngasooq. Tassani soraarummeersitsisarnerit, tamatumunnga ilanngullugit malittarisassat ilinniarfimmi namminerimi aamma avataani soraarummeertarnernut, ataasiakkaarluni aamma ataatsimoortukkaarluni soraarummeertarnernut, soraarummeernissanut nalunaartarnernut, soraarummeernerit qassiuunissaannut aamma soraarummeersimanernut uppersaatip il.il. sunik imarisassaanut piumasaqaatit pillugit malittarisassat. Kapitalini taakkunani malittarisassat siunnersuummi allaaserineqanngillat, kissaataamat taakkua nalunaarutit ingerlaqqissasut.

Tamatuma kingorna tulliuppoq ilinniakkat aqqissugaanerit pillugu kapitali, tassanilu ersilluni suut ilinniakkat aqqissugaaneranni erseqqinnerusumik malittarisassiugassaanersut. Aalajangersagaq taanna iluarsiivigineqarpoq siunnersuummilu ingerlateqqinneqartussatut innersuunneqarluni. Taamaattoq siunnersuut naapertorlugu ilinniakkat aqqissugaanerit pillugu annertunerusunik malittarisassiortoqarsinnaavoq. Naatsorsuutigineqarpoq nalunaarut iluarsiivigineqassasooq, inatsisissatut siunnersuut akuersissutigineqareerpat.

Ilisimatusarfimmi nalileeataasoqartarnissaa pillugu Namminersornerullutik Oqartussat nalunaarutaanni nr. 6, 2. januar 1990-imeersumi pineqarput nalileeataasartoqarnermik aqqissuussineq, nalileeataasartut, nalileeataasartussanik toqqaasarneq, nalileeataasartut sulinerat, nalileeataasartut siulittaasussannik toqqaasarneq aamma maalaaruteqartarnernut periarfissat. Malittarisassat atuutissapput qaffasinnerusumik ilinniakkanut tamanut, siunnersuutip akuersissutigineqareernerani. Naatsorsuutigineqarporli malittarisassat nutarterneqarlutillu naleqqussarneqassasut, siunnersuut akuersissutigineqareerpat.

Ph.d-grad pillugu Namminersornerullutik Oqartussat nalunaarutaat nr. 36, 9. oktober 2001-imeersooq taamaallaat ph.d.-tut ilinniakkamut tunngasuvoq. Taamaalilluni ph.d.-tut ilinniagaq ilinniakkani kisiartaalluni namminerisamik nalunaarusiuussaaavoq. Tamatumunnga pissutaavoq ilinniagaq taanna malunnaatilimmik ilinniakkanit allanit allaanerussuteqarmat, tamatumani pineqarmat ilinniagaq ilisimatusarnermut tunngasuunerusoq. Siunnersuummi aalajangersakkat arlaqartut ph.d.-tut ilinniakkamut atuuttuunngillat, ilaatigut ilinniakkap

aaqqissugaaneranik suliaqartoqarnissaanik aalajangersakkat. Ph.d.-tut ilinniagaq pillugu nalunaarutip nassataraa ilinniakkap aaqqissugaanera pisariaqartinneqanngimmat.

Ilinniarfissuarmi ilinniaqqinneq il.il. pillugu Namminersornerullutik Oqartussat nalunaarutaat nr. 23, ulloq 8. juli 1991-imeersoq inatsisitigut tunngaviuvoq Ilinniarfissuarmi qaffasinnerusumik ilinniakkamut. Naatsorsuutigineqarportaaq nalunaarut nutarterneqarumaartoq siunnersuutip matuma akuersissutigineqareernerani.

Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq, Kalaallit Nunaanni ilinniakkanut tamanut atuuppoq, apeqqutaanani qaffasinnerusumik ilinniakkat, inuutissarsiummik ilinniakkat, ilinniakkat ilageeqarnermut inatsimmi aalajangersakkat naapertorlugit neqeroorutigineqartartut il.il. pineqarnersut. Nalunaarut taamatut isikkoqarluni atortuutinneqaannassaaq.

Ilisimatusarfimmi sulisunik atorfinitsitsisarneq uani aalajangersakkat naapertorlugit aqutarineqarpoq, Namminersornerullutik Oqartussat nalunaarutaat nr. 4, 2. januar 1990-imeersoq Ilisimatusarfimmi ilinniartitsisut ilisimatuutullu suleqataasut atorfinitsinneqartarnissaat pillugu. Nalunaarummi ersippoq ilinniartitsisut aamma ilisimatusarnikkut suleqataasut Ilisimatusarfimmi aallaavittut universitetini soraarummeersimasuusassasut imaluunniit qaffasinnerusumik ilinniarfimmi allami soraarummeersimasuullutik, imaluunniit pineqartunut nallersuussinnaasumik ilinniaqaqarsimasuusassallutik.

Aammattaaq nalunaarummi ersippoq professorinik, adjunktinik/lektorinik imaluunniit lektorinik avataaneersunik atorfinitsitsisarnerni periaatsit qanoq ituussanersut, tamatumunnga ilanngullugit atorfinnik inuttassarsiuussinerit, nalilersuisartunik ataatsimiititaliaqarneq, nalilersuisarneq, inassuteqaateqartarneq, atorfinitsitsigallartarneq, atorfinitsitsisarneq il.il. pillugit malittarisassat. Naatsorsuutigineqarpoq nalunaarut nutarterneqassasoq Inatsisartut inatsisissaat una akuersissutigineqareerpat, tassami malittarisassat siunnersuummi matumani aamma Ilisimatusarfik pillugu Inatsisartut inatsisissaattut siunnersuummi pineqartunut naapertuukkunnaartussaapput.

b) Siunnersuut

Siunnersuummut tunngaviupput Ilisimatusarfik pillugu Inatsisartut inatsisaanni nr. 19, 19. november 2007-imeersumi qaffasinnerusumik ilinniakkat pillugit malittarisassat maannamut atuuttut. Tamatuma saniatigut nutaanik ilassusiisoqarpoq, maannamut allassimanngitsutut ileqquusimasunik, malittarisassiuunnissaannulli pisariaqartitsiviusimasunik. Siunnersuut immikkoortitigaavoq kapitalikkaartumik, tulliuttuni nassuiaateqarfigineqartussanik.

Atuuffia

Siunnersuut aallartippoq kapitalimik Inatsisartut inatsisaata atuuffigisassaanik aalajangersaaffiusumik. Aalajangersakkami siullermi aalajangerneqarpoq Inatsisartut inatsisaat atuutissasoq qaffasinnerusumik ilinniakkanut neqeroortigineqartunut, Iisimatusarfimmit, qitiusumik inuutissarsiutinillu ilinniarfinnit ilinniarfinnillu allanit neqeroorutaasartunut.

Nangillugu aammattaaq ersippoq Naalakkersuisut qaffasinnerusumik ilinniakkanik ataqatigiissakkanik aaqqissuussissasut.

Ilinniakkat

Tulliuppoq ilinniakkat pillugit kapitali, tamatumunnga ilanngullugit neqeroorutaasut aamma ilinniarfissanik aqutsineq, ilinniakkat imaat siunertaallu kiisalu pitsaassusissanik qularnaarisarneq.

Immikkoortumi siullermi, neqeroorutit aamma ilinniarfissanik aqutsineq, ersippoq Iisimatusarfik qaffasinnerusumik ilinniakkanik neqerooruteqarsinnaasoq. Iisimatusarfiup ilaatigut siunertaraa, ilinniakkanik ilisimatusarnermik tungaveqartunik neqerooruteqartarnissaq, ilinniartitsissutigisami iluanni nunat tamat akornanni qaffasissutsip annertunarpaap nalinganik. Tamanna Iisimatusarfik pillugu Inatsisartut inatsisaanni atuuttumi § 1, imm. 1-imi aalajangersagaavoq, aammattaarlu Iisimatusarfik pillugu Inatsisartut inatsisissaattut siunnersuummut ilaalluni. Taamaattumik pisariaqartutut isigineqanngilaq, Iisimatusarfiup qaffasinnerusumik ilinniakkanik neqeroorutaanut naleqqiullugu akuersissuteqartarnissamik piumasaqaatip ilanngunnissaa.

Qitiusumik ilinniarfiit aamma inuutissarsiutinik ilinniarfiit tamatuma paarlattuanik siunertaraat, inuutissarsiutinik ilinniakkanik imaluunniit inuutissarsiutinik tungaviusumik ilinniakkanik neqerooruteqartarnissaq, inuussutissarsiutit sammiviinut aalajangersimasunut ilaasunik. Qitiusumik ilinniarfiit aamma inuutissarsiutinik ilinniarfiit taamaalillutik pilersitaanngillat qaffasinnerusumik ilinniakkanik neqerooruteqartarnissaat siunertaralugu. Taamaammat piumasaqaatit ilanngunneqarpoq, qitiusumik ilinniarfiit aamma inuutissarsiutinik ilinniarfiit taamaallaat qaffasinnerusumik ilinniakkanik neqerooruteqarsinnaasut Naalakkersuisut tamatumunnga akuersinerisigut. Aammattaaq aalajangersarneqarpoq, qaffasinnerusumik ilinniakkat qitiusumik ilinniarfinnit aamma inuutissarsiutinik ilinniarfinnit neqeroortigineqartut, ilinniarfiit pineqartut suliassaqarfiisa iluanniittassasut. Tamanna inuutissarsiutinik ilinniakkat pillugit inatsimmi § 5, imm. 6-imi ingerlatitseqqiineruvoq, tassanilu ilanngullugu piumasaavoq ilinniakkat assingusut Kalaallit Nunaanni ilinniarfinni allani neqeroortigineqassanngitsut. Piumasaqaat taanna aamma uani siunnersuummi ingerlateqqinneqarpoq, kisianni qaffasinnerusumik ilinniakkat neqeroortigineqarsinnaasutut akuerineqarnissaannut piumasaqaatit ilaattut. Piumasaqaatit taakkua Iisimatusarfimmut aamma qitiusumik ilinniarfinnut aamma inuussutissarsiutinik ilinniarfinnut, qaffasinnerusumik ilinniakkanik neqerooruteqarnissamik kissaateqartunut atuupput.

Qitiusumik aamma inuutissarsiutitik ilinniarfiit qaffasinnerusumik ilinniakkanik neqerooruteqarnissamut periarfissaqarnissaannut tunuliaqutaasoq tassaavoq, suliassaqarfimminni immikkut ilisimasanik peqarnerat. Immikkut ilisimasaqarneq taanna iluaqusiisumik atorluarneqarsinnaavoq qaffasinnerusumik ilinniakkanut, inuutissarsiutitut aalajangersimasunut sammiveqartunik ilinniakkanuunnaannngitsoq, tamannalumi atuutereerpoq inuutissarsiutitik ilinniartitsineq pillugu inatsimmi inuutissarsiutitik qitiusumillu ilinniarfiit qaffasinnerusumik ilinniakkanik neqeroorsinnaanissaat tunngavissinneqarmat.

Aammattaaq periarfissaavoq ilinniarfiit allat qaffasinnerusumik ilinniakkanik neqerooruteqarsinnaanermut akuerineqarnissaat. Tassuunakkut siunnersuut siunissamut qularnaagaavoq, siunissami ilinniarfiit allatut ilusillit pilersinneqarsinnaanerat eqqarsaatigalugu.

Kingornagut ersippoq piumasaqaatit qanoq ittut iluanni qaffasinnerusumik ilinniakkat neqeroorutigineqartut akuerineqarsinnaassanersut. Piumasaqaatit taakkua ersersitsinerupput qaffasinnerusumik ilinniakkat taamaallaat neqeroorutigineqarsinnaanerinut ilinniarsimasunik pisariaqartitsinermik, pitsaassusissanik aamma inuiaqatigiinni pisariaqartitsinermik naammassinnittuugunik.

Tulliupput ilinniartitsissutitik ataasiakkaanik aamma ilinniartitsissutitut aalajangersimasunut tunngatillugu pikkorissartitsinernik, ilinnialereersimasunut naammattusaammik ilinniartitsinissamik neqerooruteqarsinnaaneq, ilinnialereersimasunut piginnaaneqarluartunut ilassutitut ilinniartitsinernik ingerlatsinerit, nunani allani ilinniarfinnik suleqateqarneq il.il. pillugit aalajangersakkat. Tamanna tassaavoq Ilisimatusarfik pillugu Inatsisartut inatsisaanni malittarisassanik assingusunik ingerlatitseqqinneq (§ 3, imm. 3 aamma § 6). Taamaattoq naammattusaammik immikkullu ilinniartitsinerit pillugit aalajangersakkat nutaajupput. Aammattaaq ilinniarfiit periarfissinneqarput, siunnersuummi § 5 naapertorlugu, ilinniartitsissutini ataasiakkaani aamma ilinniartitsissutitut aalajangersimasunut tunngatillugu pikkorissarnernut peqataanermi, ilinniartinneqarnermut akiliteqartitsinissamut.

Immikkoortumi tassani naggasiullugu aalajangersaaffigineqarpoq, Naalakkersuisut qaqugukkut qaffasinnerusumik ilinniakkamik neqerooruteqarsinnaanermut akuersissummik tunuartitsisinnaanersut. Siunertamut naapertuuttutut isigineqarpoq Naalakkersuisut akuersissummik tunuartitsisinnaanissaat, inuiaqatigiit ineriartortuurtuummata, ilinniakkallu ineriartornerup kingunerisaanik pisariaarussinnaammata imaluunniit nutaanngilisoorsinnaallutik. Aammattaaq tunuartitsinissaq pisariaqalersinnaavoq ilinniakkami pineqartumi pitsaassusissanut piumasaqaatit naammassineqartanngippata. Ilisimatusarfik pillugu Inatsisartut inatsisaanni maanna atuuttumi Ilisimatusarfiup oqaaseqaateqareerneratigut Naalakkersuisut ilinniartitsissutini ataatsimoortuni nutaani ilinniakkat akuersissutigisarpaat. Naalakkersuisut ilinniakkat neqeroorutigineqartut killilersinnaavaat, ilinniakkap

Ilisimatusarfimmit neqeroorutigineqarnissaa pisariaarussimappat, imaluunniit ilinniagaq ilinniakkani ilisimatusarnermik tunngaveqartuni pitsaassusissanik piumasqaatinik naammassinnissinnaajunnaarsimappat. Taamaalilluni akuersissummik tunuartitsinissamut malittarisassani tunngaviupput Ilisimatusarfik pillugu Inatsisartut inatsisaanni aalajangersakkat atuuttut. Aalajangersakkat taakku Inatsisartut inatsisaanni § 4, imm. 1 aamma 2-mi ersipput.

Immikkoortumi ilinniakkat imarisaannik siunertaannillu sammisaqarfiusumi, qaffasinnerusumik ilinniakkat siunnersuut naapertorlugu neqeroorutigineqarsinnaasut tulleriiarlugit saqqummiunneqarput. Ilisimatusarfik pillugu Inatsisartut inatsisaanni maanna atuuttumi ilinniakkat pillugit taamaallaat aalajangersarneqarpoq, taakku sivisussusaat, imarisaat, ilikkagassatigut qaffasissusaat aamma pisortatigoortumik sannaat ilusilersugaassasut, nunatsinni aamma nunat tamat akornanni ilinniakkat neqeroorutaasartunut naapertuuttumik, tassuunakkut ilinniakkanik nuussisinnaaneq, ilinniagaqartunik paarlaasseqatigiissinnaaneq aammalu nunarsuarmioqataasuni akuerineqarsinnaaneq anguneqarsinnaaqullugit. Tamanna ersippoq Inatsisartut inatsisaanni § 3, imm. 4-mi. Taakku saniatigut Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaanni ilinniakkat imarisaat pillugit aalajangersagaqarpoq.

Siunnersuummi immikkoortumi tassani ilaatigut takuneqarsinnaavoq ilinniakkat ECTS-pointinik qassinik naleqarnerisut. Taakkua – annikinnerusunik allannguuteqarlutik - assigaat ECTS-pointit Ilisimatusarfik pillugu Inatsisartut inatsisaanni atuuttumi nalunaarneqarsimasut. Aammattaaq ilaapput ilinniakkat qanoq aaqqissuunneqarsimaneri, taakkualu qanoq ittunik siunertaqarneri. Tamatumani ilaatigut aallaaviupput Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaanni pineqartut pillugit aalajangersakkat.

Inatsisit atuuttut naapertorlugit atorfinissutaasinnaasumik bacheloritut ilinniarnert aamma nalinginnaasumik bacheloritut ilinniarnert immikkoortitaapput. Immikkoortitsineq taanna siunnersuummi ingerlateqqinneqanngilaq. Tamatumunnga patsisaatinneqarpoq ilinniakkat malunnaatilimmik assigiinngissuteqarunnaarsimasutut isumaqartoqarmat, tassami bacheloritut ilinniakkat neqeroorutaasut amerlanersaat Ilisimatusarfimmit neqeroorutaapput, taassumalu ilinniakkat ilisimatusarnermik tunngaveqarnerat qularnaartarlugu. Aammattaaq nunarsuaq tamakkerlugu ineriartornerup takutippaa, immikkoortitsisarneq qimakkartorneqarpoq. Taamaattumik siunnersuutigineqarpoq immikkoortitsineq pisariaqarunnaartoq, taamaattumillu atorfinissutaasinnaasumik bacheloritut ilinniakkat siunnersuutigineqarlutik siunissami bacheloritut ilinniakkanik taaguuteqartinneqassasut. Tamatumunngalu ilanngunneqassaaq bacheloritut ilinniakkat aamma atorfinissutaasinnaasumik bacheloritut ilinniakkat pitsaassusissanik sinaakkusiussani qaffasissuseqatigiissillugit inissinneqartarmata, tak. ataaniittoq.

Ilinniakkat Danmarkimi ilinniakkanik aaqqissuussisarnermut qanipput, taakkulu Europamiut aaqqissuussinerannik aallaaveqarput. Nunat EU-mi ilaasortaasut 2008-mi aalajangiuppaat Europamiut Pitsaassusissanut Sinaakkusiussat (EQF) pilersinniarlugu, europamiut akornanni innersuussisarnerni aallaaviusartussatut, paasiuminarnerulersitsisussamik, sanilliusisinnaalersitsisussamik aamma akuersisussamik piginnaanernik Europa-mi nunat assigiinngitsut akornanni atuuttunik, nunanilu taakkunani aaqqissuussinernik. EQF taamaalilluni tassaavoq qilerut naalagaaffiit akornanni piginnaanernik nalilersuisarnerni killiliussanut. EQF kinguneqartanngilaq isumamineertumik akuerinnittarnermik ilinniakkanik aamma piginnaanernik, kisiannili sakkuulluni iluaqutaasoq, ilinniakkanik sanilliusisarnerni.

Danmarkimi suliarineqarnikuupput ”Kvalifikationsramme for Livslang Læring” (Inuuneq naallugu ilinniarnermut Pitsaassusissanut Sinaakkusiussat), Ilinniartitsinermut Ilisimatusarnermullu ministeeriaqarfiup nittartagaani takuneqarsinnaasut. Pitsaassusissanut Sinaakkusiussaq aallaaveqarpoq EQF-imik. Sinaakkusiussaq qaffasissutsimit 1-imiit – tassalu meeqqat atuarfiata qaffasissusaa – qaffasissuseq 8-mut – tassalu ph.d-gradimut - nalunaarsorneqarput. Qaffasissutsini tamani ilisimasat, pisinnaasat piginnaasat allaaserineqarput. Taakku katigullutik allaaseraat qaffasissutsini ataasiakkaani ilikkagassatigut pissarsiassat. Kalaallit Nunaanni ilinniakkanik aaqqissuussinerit danskit aaqqissuussinerinut assingusuummata, siunertamut naapertuuttut isigineqarpoq Pitsaassusissanut Sinaakkusiussat pineqartut qanillattornissaat. Taamaattumillu immikkoortunut ataasiakkaanut oqaaseqaatini danskit pitsaassusissanut sinaakkusiussaannut innersuussisoqartassaaq, ilinniakkat ataasiakkat tassunga inissikkumallugit.

Tulliulluni ersippoq qaffasinnerusumik ilinniakkat aaqqissugaanerini ataasiakkaani suut aalajangersagassaanersut, paasissutissat pineqartut qaffasinnerusumik ilinniakkani ataasiakkaani pingaaruteqarpata. Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat nr. 27, 1. september 1995-imeersumi § 28-mi aalajangersarneqarpoq Ilisimatusarfik ilinniakkanut ataasiakkaanut malittarisassiussasoq ilinniakkat aaqqissugaanerisigut, ilanngullugulu aamma aalajangersarneqarluni ilinniakkat aaqqissugaanerini ataasiakkaani suut malittarisassiuunneqartussaaneersut. Siunnersuummi annertuutigut ilinniakkat aaqqissugaaneri pillugit aalajangersakkat ingerlateqqinneqarput. Taamaattoq ilanngunneqarpoq ilinniakkat aaqqissugaanerit paasissutissanik imaqassasut, ilinniakkat kalaallisut, qallunaatut aamma tuluttut taaguutaat pillugit, ilinniakkap qaffasissusianik aalajangiineq nalunaarneqartoq ECTS-inngorlugu, ilinnialernissamut piumasaqaatit, tamatumunnga ilanngullugit tulleriarinerimut malittarisassat, atorneqarsinnaasussat inissaqartinneqartunit qinnuteqartut amerlanerunerisigut. Aammattaaq siunnersuutigineqarpoq malittarisassanik peqassasoq ilinniakkamut atatillugu nunani allaniinnermut tunngasunik, aammalu malittarisassanik ilinniartup kingusinnerpaamik qaqugukkut ilinniakkamik naammassinnissimanissaa pillugu, aallartinnerminiit.

Kiisalu aamma ilinniakkat aqqissugaaneri, aamma taakkuninnga annertuumik allannguinerit siunnersuut naapertorlugu Naalakkersuisunit akuerineqartussaapput, illuanilu nalunaarummi § 28, imm. 6-imi nalunaarneqarsimalluni Naalakkersuisut tamanna pillugu ilisimatineqartussaasut.

Naalakkersuisut ilinniakkat aqqissugaaneriniq malitsigisaanillu taakkunani annertuumik allannguutiniq akuersisarnissaannik aalajangersaanikkut aamma ilinniakkat aqqissugaanerisa imarisassaannut piumasaqaatit inatsisitigut aalajangersarneqarnerisigut, anguniarneqarpoq Naalakkersuisut ilinniakkat qaqugukkulluunniit pisariaqartitsinerimik, pitsaassusissanik aamma naleqquttuunissamik naammassinnittuunissaanerat qularnaassagaat. Ilutigisaanik qularnaarneqassaaq Naalakkersuisut qaffasinnerusumik ilinniakkanik tamanik neqeroortigineqartartunik malinnaasinnaanerat. Naalakkersuisut ilinniakkat aqqissugaaneriniq akuersisarnissaasa kingunerisaanik, ilinniakkat aqqissugaaneriniq malittarisassat taamaallaat ilinniarfinnit ataasiakkaanit aalajangersarneqartut sanioqqunneqarsinnaanerit siunnersuutaajunnaarpoq, tak. nalunaarummi § 28, imm. 3.

Kiisalu aamma ilanngunneqarpoq piginnaatitsissutitut aalajangersagaq, tassuunakkut Naalakkersuisut ilinniakkat aqqissugaaneri pillugit annertunerusunik malittarisassalorsinnaalersillugit, tamatumunnga ilanngullugit soraarummeernermit nalilleeqataasartut aamma soraarummeernerit kiisalu piffissap ilinniarfiusup sivilunerpaaffissaa pillugit malittarisassat.

Kiisalu kapitalimi tassani siunnersuutigineqarpoq, qaffasinnerusumik ilinniakkat ataasiakkaat pitsaassusissaat qularnaarneqartassasut nunat tamat akornanni aalajangersakkat naapertorlugit, aamma Naalakkersuisut ilinniakkat pitsaassusissaannut tunngatillugu malittarisassanik aalajangersaassasut. Malittarisassat Kalaallit Nunaanni ilinniakkat Europamiut malittarisassiaannik European Standard Guidelines-imik maleruaanissaannut tunngasut suli suliarineqanngillat. Taamaattumik siunnersuutaavoq Naalakkersuisunut piginnaatitsissutitut aalajangersakkamik ilanngussisoqarnissaa, taamaalilluni pitsaassusissanut malittarisassanik suliaqartoqarsinnaassamat. Malittarisassat taakkua qularnaarsinnaassavaat, Kalaallit Nunaanni ilinniarfiit aamma ilinniakkat piffissap ingerlanerani nunat tamat akornanni pisortatigoortumik akuerineqarsinnaalernissaat. Ilisimatusarfik pillugu Inatsisartut inatsisaanni maanna atuuttumi § 7-imi aalajangersagaavoq Naalakkersuisut tamanna pillugu Ilisimatusarfimmiit oqaaseqartitsereernikkut ilinniarneq pillugu malittarisassanik aalajangersaassasut, tamatumunnga ilaatigut ilanngullugu pitsaassusissanik ineriartortitsineq.

Qinnuteqartarnek ilinnialernissamullu piumasaqaatit

Ilinniakkat pillugit malittarisassat kingornagut tulluupput qinnuteqartarnermut aamma ilinnialernissamut piumasaqaatit tulluupput. Nutaajuvoq tamatuma inatsisitigut malittarisassiunneqarnera. Ilisimatusarfik pillugu Inatsisartut inatsisaanni maanna atuuttumi § 7-imi aalajangigaa voq Naalakkersuisut, Ilisimatusarfimmiit tamanna pillugu oqaaseqateqareernikkut ilinniakkat pillugit malittarisassanik aalajangersaassasut,

tamatumunnga ilaatigut ilanngullugit ilinnialernissamut piumasaqaatit. Taamaattoq maannamut taamatut aalajangersagaliortoqarnikuunngilaq. Taamaalilluni maannamut ilinniarfiit ataasiakkaat namminneq ilinnialernissamut piumasaqaatit, qinnuteqarnissamut piffissaliusaaq il.il. pillugit aalajangersaasarput. Ilinniartut inatsisitigut illersugaanerat qularnaarumallugu pisariaqartinneqarpoq malittarisassiornissaaq.

Siunnersuutigineqarpoq qaffasinnerusumik ilinniakkanut tamanut tunngatillugu piffissaaq qinnuteqarfiususaaq assigiimmik aaqqissuunneqassasooq, taamaalillunilu aalajangiunneqarluni killigissagaa 1. marts. Maanna ilinniakkanut amerlasuunut qinnuteqarnissamut killigitinneqarpoq 1. marts. Taamaattoq tamatuma inatsisitigut malittarisassiuunnissaa pingaartinneqarpoq qinnuteqartarnermi aaqqissuussineq ataatsimoortoq piffissallu ingerlanerani tamakkiisumik digitaliseererneqarsinnaasooq pilersissinnaajumallugu. Taamaattumik aamma siunnersuutigineqarpoq Naalakkersuisut qinnuteqartarneq, qinnuteqarneq ilaannakortumik tamakkiisumilluunniit digitaliusanersoq il.il. pillugit malittarisassanik erseqqinnerusunik aalajangersaasinnaassasut.

Tulliullugu ilinnialernissamut piumasaqaatit pillugit malittarisassat siunnersuutigineqarput. Immikkoortumi tassani ersipput piumasaqaatit pingaernerit qanoq ittut ilinniakkanut assigiinningsutunut atortinneqarnerisut, tamatumunnga ilanngullugit soraarummeernerit ilinnialissutaasinnaasut pillugit piumasaqaatit, ilinnialernissamut piumasaqaatit aalajangersimasut aamma karakteritigut piumasaqaatit. Aammattaaq siunnersuummi aalajangerneqarpoq, kikkut ilinnialernissamut piumasaqaatinik aalajangersaassanersut. Aammattaaq ilinnialernissamut piumasaqaatinik sukaterinerit atuutlernissaat ukiunik 2-nik sioqqullugit ilisimatitsissutigineqartassapput. Nalunaaruteqarneq ilinniarfiup nittartagaatigut pisassaaq, tamatumunngalu patsisaatinneqarpoq ilinniartut piumasaqaatinut naleqqussarsinnaanissaat. Oqaatigineqareersutut ilinnialernissamut piumasaqaatit taakkulu nalunaarutigineqartarnerat pillugit malittarisassanik maannamut aalajangersaasoqarnikuunngilaq. Tamanna siunertamut naapertuutinngilaq, tassami qinnuteqarniartut ilinnialissutaasinnaasumik ilinniarnertik ilinnialernissamut piumasaqaatinut naleqqussarlugu aaqqissuussinissaminut periarfissaqanngillat.

Ilinnialersinnaasunik killilersuineq aamma ilinniartunngortitanik inissaqartitsineq
Ilinnialersinnaasunik killilersuineq aamma ilinniartunngortitanik inissaqartitsineq pillugu kapitalimi imaritinneqarput, ilinniarfinni ataasiakkaani ilinniartunngortitanik inissaqartitsinermut tunngasut, tassanilu aallaaviuvoq ilinniarfiit ataasiakkaat tamanna aalajangersinnaagaat. Taamaattoq Naalakkersuisut ilinniartunngortitat amerlanerpaaffissanik aamma ikinnerpaaffissanik aalajangersaasinnaapput, qularnaarumallugu ilinniarfiit ilaanni inuiaqatigiit pisariaqartitaannut naleqqiullugu amerlavallaartunik ilinniartitsisoqannginnissaa, imaluunniit ilinniakkap neqeroorutiginnissaa akisuallaarpat, ilinniartunngortitat ikippallaarnerat pissutigalugu. Aammattaaq ilinniakkani ataasiakkaani qinnuteqartut piginnaaneqartut inissanut naleqqiullugu amerlavallaarnerini tullerriaarisarnissaaq pillugu malittarisassanik aalajangersaasoqarpoq. Taakkua saniatigut ilinniartussatut akuerisaaneq

ilinniarfimmilu inissamik imaluunniit utaqqisuniinnissamik neqerooruteqarneq pillugit nalunaaruteqartarnissat malittarisassiuunneqarput.

Inatsisit atuuttut naapertorlugit (Ilisimatusarfik pillugu Inatsisartut inatsisaani § 4, imm. 2.) Naalackersuisut ilinniakkanik neqeroorutaasunik killiliisinnaapput, ilinniakkap Ilisimatusarfimmi neqeroorutigineqarnissaa pisariaqarunnaarpat, imm. 3-milu aalajangersagaq naapertorlugu ilinniakkami ilinnialersussat killilersinnaallugit. Taamaattoq pisariaqartinneqarsimavoq malittarisassat taakkua itisilerneqarnissaat. Tamatuma saniatigut pisariaqartinneqarsimavoq malittarisassiornissaq ilinniagaqalernissamut inissamik neqerooruteqartarneq aamma utaqqisutut allatsittarneq pillugit.

Aalajangersakkat allat

Kapitalimi tassani pissutsit assigiinnigitsut malittarisassiuunneqarput. Siullermik ilinniarnermut atatillugu Kalaallit Nunaata avataaniittarneq pillugu malittarisassat siunnersuutigineqarput, tamatumalu kingunerissavaa bacheloritut ilinniartut tamarmik ilinniarnermik ingerlanerani nunatta avataani ilinniartarnissaat. Siunertaasoq tassaavoq ilinniartut nukittorsartarnissaat inerikkiartortarnissaallu, avatitsinniillu misilittakkanik aallertarnissaat nunatsinni iluaqutaasinnaasunik. Taamaattoq saneqqutsinissamut periarfissamik aalajangersaasoqarpoq, tassami pissutsit immikkut ittut pissutigalugit ilinniartut Kalaallit Nunaat qimallugu ilinniariarnissamut periarfissaqanngitsoorsinnaammata. Aammattaaq ikaarsaariarnermi aalajangersagaq ilanngunneqarpoq, piumasaqaammut matumunnga naleqqiullugu ilinniarfiit ilinniartullu piffissami pisariaqartumi piareersarnissaminnut piffissaqarnissaasa qularnaarnissaat siunertaralugu.

Tamatuma kingorna siunnersuutigineqarpoq, Naalackersuisut qaffasinnerusumik ilinniakkani ilinniartitsisut piginnaasassaannik piumasaqaatit pillugit malittarisassamik aalajangersaassasut. Malittarisassani pineqassapput ilinniakkatigut piumasaqaatit, piginnaanngorsarnissamut periarfissat ilinniaqqissinnaaneq il.il. Nalilerneqarpoq iluaqusiisumik malittarisassat allaffissornikkut ileqqoreqqusani aalajangersarneqarsinnaasut, taamaattut ajornannginnerusumik allanngortinneqartarsinnaammata ilinniartitsinermut tunngasutigut angusaasartut qaffakkiartortillugit. Ungasinnerusumut anguniagaavoq qaffasinnerusumik ilinniakkani ilinniartitsisut ph.d.-tut ilinniagaqartuusalernissaat, kisiannili maanna ph.d.tut ilinniagaallit atorfiit tamarmik inuttalernissaannut naammattut pigineqannginnerat nassuerutigalugu, anguniakkap angujartuaarnissaanut peqataasussamik malittarisassamik aalajangersaasoqartariaqarpoq.

Ilisimatusarfimmi sulisussamik atorfinitsitsisarneq pillugu nalunaarummi atuuttumi ersippoq, ilinniartitsisut aamma ilisimatusarnikkut sulisuusut universitetimi soraarummeersimasuussasut, imaluunniit assingusumik qaffasinnerusumik ilinniarfimmi imaluunniit ilinniakkami assingusuni soraarummeersimassasut. Periarfissaa vorli Ilinniartitaanermut Naalackersuisoqarfiup qinnuteqartumik akuersissuteqarsinnaanera allatigut uppersaasinnaasumik assingusunik ilisimasassamik piginnaaneqartutut.

Ilinniartitsisut piginnaasaannut tunngatillugu piumasaqaatinik malittarisassiornermi naatsorsuutigineqarpoq piginnaasanut tunngatillugu piumasaqaataasartut annertusineqarnissaat, tamannalu pisariaqartinneqarsimalluni nunat tamat akornanni pitsaassutsinut ilisimatusarnermillu tunngavilimmik ingerlatsinernik piumasaqaatit annertusiarturnerat ilutigalugu.

Ilinniarfiit siunnersuut naapertorlugu pisussaaffilerneqassapput ilitsersuisarnissamut. Tamanna aamma ersippoq Ilisimatusarfik pillugu Inatsisartut inatsisaani atuuttumi (§ 8) aamma inuutissarsiutinik ilinniakkanut inatsimmi atuuttumi (§ 20, imm. 2), taamaattumillu tamanna ilinniarfinnut nutaajussanani. Ilitsersuisarneq ingerlanneqartartussavoq ilinniarnernup nammineq ingerlanerani, kisiannili aamma kingornagut suliffissani periarfissanut atatillugu. Kiisalu aamma ilitsersuisoqartartussavoq ilinniaqaqartunut piffissaliussaasup iluani ilinniakkamik naammassinninniarnermikkut kinguartooqqasunut.

Tulliupput maalaaruteqartarnermut tunngatillugu aalajangersakkat, tassanilu ersippoq Inatsisartut inatsisaat naapertorlugu aalajangiinerit Naalakkersuisunut maalaarutigineqarsinnaasut, kisiannili aatsaat ilinniartut inatsisitigut inissisimanerannut apeqqutit tunngasuuppata. Taanna Ilisimatusarfik pillugu Inatsisartut inatsisaani § 30-imik ingerlatitseqqiineruvoq.

Naggasiullugu siunnersuutigineqarput atuutsitsilernissamut, atorunnaarsitsinissamut ikaarsaariarnermilu piffissaliussassatut aalajangiussassat. Inatsisip atuutilernerata 1. august 2019-imut aalajangiunneqartup ilutigisaanik, siunnersuutigineqarpoq Isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersoq aamma nalunaarutit peqqussutip malitsigisaanik atuuttut atorunnaarsinneqassasut. Taassuma atorunnaarsinnissaa siunnersuutigineqarpoq, ilinniakkap neqeroorutiginnissaanut inatsisitigut tunngavik maanna inatsimmiilissammat Inatsisartut peqqussutaaniinnani. Ikaarsaariarnermut aalajangersakkami pineqarput nunani allani ilinniarnissamik piumasaqaammut tunngasut. Siunnersuutigineqarpoq piumasaqaat aatsaat atuutilissasoq ilinniartunut 1. august 2021-p kingorna aallartittunut. Tamatumuuna qularnaarniarneqarpoq ilinniarfiit ilinniartullu piumasaqaatinut piareersarsinnaanissaat.

3. Pisortanut aningaasaqarnikkut aamma allaffissormikkut kingunerisassai

Siunnersuut naatsorsuutigineqarpoq aningaasaqarnikkut kinguneqartussatut, piumasaqaataalissammat bacheloritut ilinniartut tamarmik ilinniarnermik ingerlanerani ilinniarnerninut atatillugu nunatta avataaniittassasut. Taamaattoq tamanna ilinniartunut 1. august 2021-mi kingusinnerusukkulluunniit bacheloritut ilinnialersunut aatsaat atuutilissaaq.

Kalaallit Nunaata avataani ilinniartarnissatut § 36-mi siunnersuutigineqartup aningaasaqarnikkut kingunerisassai pillugit missingisoqarpoq. Missingineq nalorninartoqarpoq, pissutsit nikerarsinnaasut arlaqarmata. Tamatumunnga ilaapput nunani allaniinnerit sivissusaat, ilinniartut sanioqqutitsisinnaanermik akuerineqartut amerlassusaat

il.il. Missingiineq takorloorneqarsinnaasut aallaavigalugit suliaavoq, ilimagisariaqarporlu nuna allaniittarnissaq Namminersorlutik Oqartussanut ukiumut aningaasartuutaasarumaartoq 1.639.750 kr.-it aamma 3.045.250 kr.-it akornanni. Naatsorsuinerni ilaatinneqanngilaq maanna ilinniartut arlaqartut nunani allaniittareernerat. Taamaalilluni missingiussat Namminersorlutik Oqartussanut aningaasartuutaanerpaasussat nalunaarpaat. Aningaasartuutit matussuserneqartarput kontonit pingaarnernit 2-nit ataani taaneqartunit.

40.02.06 Ilinniarnermi tapiissutit meeqqanullu tapit (Inatsisitigut aalajangersakkamik aningaasaliissutit)

40.02.07 Immikkut ikiorsiissutit, angalanermut aningaasartuut il.il. ilinniarfiit (Tapiissutitut aningaasaliissutit)

Aammattaq siunnersuut aningaasaqarnikkut kinguneqassasoq ilimagineqarpoq, tassami siunnersuummi § 18-imi qaffasinnerusumik ilinniartitaanerit tamarmik pitsaassusiinik qularnaarisarnissamik piomasagaatip kingunerisaanik, ilimagineqarmat nuna tamakkerlugu pitsaassutsimik qularnaarinnermut instituttimik pilersitsisoqarnissaa. Pitsaassutsimik qularnaarinnermi aaqqissuussineq ENQA-mit akuerineqarsinnaassaaq, tamatumalu piomasagaatitarivaa nuna tamakkerlugu pitsaassutsimik qularnaarinissamut instituttimik pilersitsisoqarnissaa. Ingerlatsinnermut ukiumut aningaasartuutissat ilimagineqarput 4 mio. kr-ussasut. Nuna tamakkerlugu pitsaassutsimik qularnaarinnermut institutti ilimagineqarpoq 2019-imi aallartissasoq.

Siunnersuut pisortanut allaffissornikkut kinguneqartussaannngilaq.

4. Aningaasaqarnikkut aamma allaffissornikkut inuussutissarsiortunut kingunerisassai

Siunnersuut aningaasaqarnikkut imaluunniit allaffissornikkut inuussutissarsiortunut kinguneqartussaannngilaq.

5. Avatangiisinut, pinngortitamut innuttasullu peqqissusiannut kingunerisassai

Siunnersuut avatangiisinut, pinngortitamut imaluunniit innuttaasut peqqissusiannut kinguneqartussaannngilaq.

6. Innuttaasunut kingunerisassai

Siunnersuutip innuttaasut qaffasinnerusumik ilinniakkanut tunngatillugu malittarisassanut atuuttunut tamakkiisumik takunnissinnaalersissavai. Taamaalilluni ersarinnerusumik akimullu ersittumik aaqqissuussisoqassaaq, innuttaasut inatsisitigut illersugaanerannik pitsaanerulersitsisumik.

Kiisalu siunnersuutip qularnaassavaa qaffasinnerusumik ilinniakkat pitsaassusaasa pitsanngorsarneqarnissaat.

7. Allatigut pingaaruteqartunik kingunerisassai

Siunnersuut allatigut pingaaruteqartunik kinguneqartussaannngilaq.

8. Pisortanik aamma kattuffinnik il.il. tusarniaaneq

Siunnersuut 27. november 2017-imiit 2. januar 2018-imut tusarniaassutigineqarpoq, ukununga:

Naalakkersuisut Siulittaasuata Naalakkersuisoqarfia
Kommuninut, Nunaqarfinnut, Isorliunerusunut, Attaveqatigiinnermut Ineqarnermullu
Naalakkersuisoqarfik
Aningaasaqarnermut Akileraartarnermullu Naalakkersuisoqarfik
Aatsitassanut Ikummatissanullu Naalakkersuisoqarfik
Aalisarnermut Piniarnermullu Naalakkersuisoqarfik
Inuussutissarsiornermut, Suliffeqarnermut, Niuernermut Nukissiuuteqarnermullu
Naalakkersuisoqarfik
Isumaginninnermut, Ilaqutariinnut, Naligiissitaanermut Inatsisinillu Atuutsitsiner
Naalakkersuisoqarfik
Peqqissutsimut Naalakkersuisoqarfik
Namminiilivinnermut, Nunanut Allanut Nunalerinnermullu Naalakkersuisoqarfik
Pingortitamut Avatangiisinullu Naalakkersuisoqarfik
MIO
Knud Rasmussenip Højskolia
Sulisartut Højskolia
Avannaani Ilinniarnertuunngorniarfik
Qeqqani Ilinniarnertuunngorniarfik
Kalaallit Nunaanni Teknikimik Ilinniarfik
Campus Kujalleq
INULI
Imarsiornermik Ilinniarfik
NI-Nuuk
Peqqinnissaqarfik
Iisimatusarfik
Perorsaanermik Ilinniarfik
Nunalerinnermik Ilinniarfik
Eqqumiitsuliornermik Ilinniarfik
Kalaallit illuat, Århus
Kalaallit illuat, Odense
Kalaallit illuat, Aalborg
Kalaallit Illuutaat, København
Sulisitsisut (GE)
SIK
KANUKOKA
Kommune Kujalleq
Kommuneqarfik Sermersooq
Qeqqata Kommunua

Qaasuitsup Kommunia
IMAK
ASG
AK
Avalak
ILI ILI
Nuna Tamakkerlugu Iitsersuisarfik
NPK
NIISIP

Tusarniaarnermut atatillugu siunnersuummut oqaaseqaatissaqaratik uku nalunaarput:

Naalackersuisut Siulittaasuata Naalackersuisoqarfia, Aatsitassanut Ikummatissanullu Naalackersuisoqarfik, Namminii livinnermut, Nunanut Allanut Nunalerinermullu Naalackersuisoqarfik, GUX Aasiaat, MIO, KANUKOKA aamma Peqqissutsimut Naalackersuisoqarfik.

Tusarniaaffigisat uku siunnersuut pillugu oqaaseqaateqarput:

IMAK, Sulisitsisut (GE), Iisimatusarfik, Kalaallit Nunaanni Qitiusumik Ilinniarfiit, Iisimatusarfiup siulersuisui, AVALAK, ILI ILI, Aningaasaqarnermut Akileraartarnermullu Naalackersuisoqarfik, Aningaasaqarnermut Sulisoqarnermullu Aqutsisoqarfik aamma Qeqqata Kommunia.

Tusarniaanermut akissutini arlaqartuni tusarniaassutigineqartumi § 3, maanna siunnersuummi § 10-nngortoq ECTS-pointinut tunngasoq pillugu oqaaseqaateqartoqarpoq. Uparuarneqarpoq allassimammatt ukiup affaani suliassat annertussusaat tassaasut 20 ECTS-point. Tamanna aalajangersakkamit peerneqarpoq, taamaalillunilu aalajangersakkami taamaallaat ersilerluni ukioq ilinniarfiusoq ataaseq ECTS-pointinik qassinik naleqarnermoq. Ilinniarfiit ECTS-pointit pillugit nunat tamat akornanni malittarisat maleruartussaavaat, taamaaliortareerlutillumi. Taamaattumik tamanna pillugu immikkuualuttut ilanngullugit malittarisassiornissaq pisariaqartutut isigineqanngilaq.

Aammattaaq tusarniaaffigisat ilaasa marlussuit uparuarpaat sivikitsumik qaffasinnerusumik ilinniakkat siunnersuummi eqqaaneqarnissaat amigaataasoq. Tassunga tunngatillugu oqaatigineqassaaq, qaffasinnerusumik ilinniakkat qaffasinnerusumik ilinniakkanut tamanut ataatsimoortumik taaguutaammata, taakkununga ilanngullugit sivikitsumik, akunnattumik sivissusilimmik sivisuumillu qaffasinnerusumik ilinniakkat. Sivikitsumik qaffasinnerusumik ilinniakkat sivikitsumik qaffasinnerusumik ilinniakkanut ataatsimoortumik taaguutaavoq, imaappoq qaffasinnerusumik ilinniagaq aalajangersimasoq pineqanngilaq. Oqaatsip taamaallaat ilinniarnerup sivissusisaa ersersippaa. Oqaatsit *sivikitsumik*, *akunnattumik sivissusilimmik aamma sivisuumik* qaffasinnerusumik ilinniakkat

siunnersuummi atorneqanngillat. Ilinniakkat sivikitsumik qaffasinnerusumik ilinniakkanut ilaasut, siunnersuummi ersipput, kisiannili taamatut siunnersuummi taaneqaratik. Inuussutissarsiornermut akademimi, tak. § 14, tassaavoq sivikitsumik qaffasinnerusumik ilinniagaq.

Aammattaaq tusarniaaffigisat arlallit eqqaavaat siunnersuummi § 7-imi ”ilinniartut piginnaaneqarluartut” ersernerluttoq, aamma amigaataasoq kikkut aalajangersakkamut tassunga ilaatinneqarsinnaanerannik aalajangiisuussanersut. Nalilerneqarpoq aalajangersakkap allanngortinnissaa pisariaqanngitsoq, tassami toqqaannartumik taaneqanngikkaluartoq aalajangersakkameereerpoq, pineqartoq ilinniarfiit ataasiakkaat aalajangiiffigisassagaat. Taamaattoq oqaaseqaatini erseqqissaasoqarpoq, nalornissutigineqarsinnaajunnaarlugu.

Tusarniaaffigisat akissutaanni arlalinni aalajangersagaq eqqaaneqartoq alla tassaavoq tusarniaassummi § 36, pinngitsoorani ilinniarnermut atatillugu Kalaallit Nunaata avataani ilinniartarnissamut tunngasoq. Tusarniaaffigisat arlallit ilinniartut Kalaallit nunaata avataani ilinniartarnissaannik siunertaq taperserpaat, kisiannili aamma assigiinngitsunik uparuaallutik aalajangersakkallu allannguutissanik siunnersuuteqarlutik. Uparuaassutit allannguutissatullu siunnersuutit ilaatigut nunani allaniinnissap sivilissusaaanut, kollegiani ininut tunngatillugu ajornartorsiutinut, bacheloritut ilinniartut pinnatik kandidatitut ilinniartuunissaannik siunnersuuteqarnermut, oqaatsitigut aporfissanut, paarlaallugu Kalaallit Nunaanni sungiusarluni sulisinnaanermik imaluunniit nammineq piumassutsimik sulinissamik siunnersuuteqarnermut il.il. tunngapput. Tusarniaanermut akissutit allannguuteqartitsinermik nassataqarput, tassami maanna nunani allaniinnissap sivilissusissaa siunnersuummi piumasaqaataajunnaarpoq, aamma siunnersuummi ikaarsaariarnermi aalajangersagaq ilanngunneqarpoq, taamaalilluni ilinniartut ilinniarfiillu piareersarnissaminut periarfissaqaqullugit. Uparuakkanut allannguutissatullu siunnersuutininut ataasiakkaanut tunngatillugu itisilerilluni oqaaseqaatit ataani skemamiittut innersuunneqarput.

Nr.	Tusarniaaffigis aq	Tusarniaaffigisap oqaaseqaatai	Akissuteqaammut oqaaseqaatit
1	Naalakkersuisut Siulittaasuata Naalakkersuisoq arfia	Oqaaseqaateqartoqanngilaq	
2	Aatsitassaleriner mut Naalakkersuiso- qarfik	Oqaaseqaateqartoqanngilaq	
3	Namminersuler- nissamut, Nunanut allanut Nunalerinermul-	Oqaaseqaateqartoqanngilaq	

	lu Naalakkersuisoqarfik		
4	GUX Aasiaat	Oqaaseqaateqartoqanngilaq	
5	MIO	Oqaaseqaateqartoqanngilaq	
6.1	IMAK	<p>Kalaallit Nunaanni ilinniakkat tamarmik, inuiaqatigiit pisariartitaat naapertorlugit, nalequssarneqartarnissaat, tassungalu ilaatillugu ilinniakkat atorunnaarsinneqartarnerat pilersinneqartarnerallu IMAK-ip siulersuisuisa ilisimaarilluarpaat. Ilinniakkanili assigiinngitsuni qanoq sunillu ilinniartitsisoqartarnissaa politikkikkut aalajangiiffiqineqanngisaan-nartussaavoq. Ilisimatusarfik brancheskolillu tamarmik siulersuisoqarput. Siulersuisullu pineqartut katitigaanermikkut ilinniarfinnilu atorfilittanik piginnaasaqarlualutik suleqateqatiginnermikkut pitsaassutsimik qulakkeerisussaasut IMAK-ip siulersuisuisa naatsorsuutigivaat. Taamaammat ilinniakkatigut aaqqissuussinernut aalajangersakkanik Naalakkersuisut akuersissuteqartarnissaannut aalajangersakkat ilanngunneqartariaqanngillat.</p>	<p>Oqaaseqaat allannguisoqarnissamik toqqammaviliinngilaq.</p> <p>Ilinniakkanut aaqqissuussinernit ataasiakkaarlugit ilinniagartuut ataatsimiittartuisa brancheskolillu siulersuisuisa suli akuersissutigisartussavaat, taamaattumik ilinniakkat imarisaat ilinniagalinnik nalilersorneqartarput. Naalakkersuisullu naggataarutaasumik akuersissuteqarsinnaatitaanissaat pissusissamisoortinneqarsimavoq. Inuussutissarsiutigut ilinniartitaanernit maannakkorpiaq inatsisitigut taamatut inissisimapput, tamannalu ajornartorsiutitaraqarani. Aalajangiunneqarpoq Naalakkersuisut ilinniakkat qaqugukkullu unniit pisariaqartitsinermik, pitsaassusissanik aamma naleqquttuunissanerat qularnaassagaat. Ilutigisaanik qularnaarneqassaaq Naalakkersuisut qaffasinnerusumik ilinniakkanik tamanik neqeroorutigineqartartunik malinnaasinnaanerat.</p>
6.2		Inatsisissatut siunnersuutip	Oqaaseqaat allannguisoqarnissamik

		<p>Ilisimatusarfimmut tunngasup nalinginnaasumik oqaaseqaatitaani aamma qaffasinnerusumik ilinnia gaqarnerit pillugit inatsisissatut siunnersuutip nalinginnaasumik oqaaseqaatitaani ersippoq professioninut sammitillugit bachelorinngorniarnert nalinginnaasumillu bachelorinngorniarnert immikkortillugit inissisimatinneqarunnaassasut.</p> <p>Tamatumunnga pissutaatinniarneqarpoq ilinniakkat malunnaatilimmik assigiinngissutaarusimarnerat.</p> <p>IMAK isummernermut tassunga assut paasiuminaatsitsivoq, pissutigalugu ilinnia gaqarnerit aaqqissuussanut maanna atuuttunut isummernerup toqqammaveqannginnera. Ilinniakkat imarisamikkut sivilissutsimikkullu assigiinngillat. Siulersuisut isumaqarput allanngineq taamatut ittoq, assersuutigalugu, ilinniartitsisutut ilinniakkamik nalikillinermik sunniuteqassasoq. Ilinniakkatut aaqqissuussaq maannamut atorneqartoq nalinginnaasumik</p>	<p>toqqammaviliinngilaq.</p> <p>Ilinniakkat taagutaannik allannginerup ilinniakkanut sunniuteqarnissaa ilimagineqanngilaq. Ilinniakkat imarisat taakkuujuassapput. Bacheloritullu ilinniarnerni minnerpaamik ECTS-point-it 180-it anguneqarsimassasut aalajangersakkami aamma ersippoq, taamaattumik ukiuni 4-ni ilinnia gaqarsinnaaneq suli neqeroorutaasinnaalluni.</p> <p>Tassungalu ilaliullugu siunnersuutip pitsaassutsimik qulakkeerinissaq pillugu § 18-ita eqqaaneqassaaq.</p> <p>Taassuma ilinniakkanut ataasiakkaanut piumasaqaatit naammassineqarsimanissaat qulakkeertussavaa. Taamaalilluni siusinnerusukkut professioninut sammitillugit bachelorinngorniarnertut taaneqartut ingerlaavartumik ilinniakkamut piumasaqaatinik naammaginartumik naammassinnissimanissaat qulakkeersimaneqassaaq.</p>
--	--	---	---

		<p>bachelorinnngorniarluni ilinniarnermut naleqqiullugu sivisuneruvoq, ilinniakkanullu taaguutit assigiilersinnerisigut oqariartuutigineqassaaq ilinniartitsisutut ilinniakkap ”asuli” nalinginnaasumik bacheloritut ilinnia gaannaaneranik. Kalaallit Nunaanni meeqqat atuarfiannik naliliinerup ersarilluinnartumik takutippaa ilinniartitsisunngorniarneq aalajangersimalluinnartumik meeqqat atuarfianni ilinniartitsisussatut ilinniartitaanikkut sammivilerlugu aaqqissuuneqartariaqartoq.</p> <p>Ilinniartitsisunngorniarnerup ukiunik 5-inik sivisussuseqalernissaa IMAK-ip orniginartinneruaa, sulilu ilinniakkamut aalajangersimasumut sammitinneqarnissaa pingaaruteqaqaaq, meeqqallu atuarfiat qanimut suleqatigalugu ingerlattariaqarluni.</p>	
6.3		<p>IMAK-ip siulersuisuisa pissutissaqartippaat tikkuassallugu, akissarsianik isumaqatigiinniarnerni meeqqat atuarfianni ilinniartitsisut pisortallu ilinniaqqinnerinut qaffasinnerusumillu ilinniarnerninut neqeroorutini</p>	<p>Oqaaseqaat allannguisoqarnissamik toqqammaviliinngilaq.</p> <p>Siunnersuutip ilinniakkanut ingerlaqqittunut maleruagassat aalajangersaavigivai, faginilu aalajangersimasuni qaffasinnerusumik ilinniarnernit ilinniaqqinnerillu pinnagit, taamaammat siunnersuut ilinniartitsisut</p>

		<p>IMAK sunniuteqartussat qulakkeeriffigineqarsimamat. Tamannali inatsisissatut siunnersuummi isiginiarneqarsimanngilaq. Tamanna qulakkeertariaqarpoq, taamaanngippat isumaqatigiissutinik unioqutitsinertut IMAK-ip isigissammaagu.</p>	<p>pisortallu ingerlaqqittumik ilinniarnerninut ilinniaqqinnerinullu sunniuteqartussaangilaq.</p>
6.4		<p>Ilaliullugu qaffasinnerusumik ilinniakkanut inatsisiliisoqarnissaa IMAK-ip siulersuisuisa naleqqutsippaat - kisiannili qulaani pineqartoq Ilisimatusarfimmi ilinniakkanut tunngatinneqartariaqarani - ileqqussatut isigiinnagaq taamaalilluni malittarisassaqaalerniassammat innuttaasullu pisinnaatitaaffii ersarissumik nassuiaatitaqaalerniassamata.</p>	<p>Oqaaseqaat allannguisoqarnissamik toqqammaviliinngilaq.</p> <p>Ilinniakkanut ingerlaqqittunut malittarisassat assigiiaarnissaat kissaatigineqarpoq, ilinniakkat Ilisimatusarfiup neqeroorutigippagit imaluunniit ilinniarfiup allap neqeroorutigippagit.</p>
6.5		<p>§ 11: Bacheloritut ilinniarnerup nassuiaatigineqarnerata professionsbacheloritut ilinniarnernit suliariligassanut attuumasuteqalersinneqarnissaat qulakküinngilaa - ilanngullugu oqaaseqaatini pingaarnertitat takuneqassapput.</p>	<p>Oqaaseqaat allannguisoqarnissaanik toqqammaviliivoq.</p> <p>Aalajangersakkamut oqaaseqaatini erseqqissarneqarpoq, siusinnerusukkut ilinniakkat profession-inut aalajangersimasunut sammivillit tamatigut ilinniarnernut atatillugu suliasartaqarnerusarneri, bacheloritullu ilinniarnernut nalinginnaasunut naleqqiullugit teoriimik annikinnerusumik imaqartarlutik.</p>
6.6		<p>§ 17: IMAK isumaqanngilaq ilinniaqaqarnernut aaqqissuussinerit Naalakkersuisunit/naalakkersuisoqarfinnit akuerineqartassat. Siulersuisunit ilinniagalin-</p>	<p>Oqaaseqaat allannguisoqarnissamik toqqammaviliinngilaq.</p> <p>Imm. 6.1-inut oqaaseqaatit takuneqassapput.</p>

		nillu akuersissutigineqar-tassapput.	
6.7		§ 18: Pitsaassutsimik qulakkeerinissamut maleruagassat inatsimmi aalajangersaavigineqassap-put, qulakkeerlugu ilinniaga-linnik politikeriunngitsunik/naalakkersuisoqarfiunngit-sunillu suliassap suliarineqar-tarnissaa.	Oqaaseqaat allannguisoqarnissamik toqqammaviliinngilaq. Pitsaassutsimik qulakkiinermi maleruagassat eqqartuussivitsigut atuuttussaaitaanerat taannaajuassaaq inatsisitigut nalunaarutitigulluunniit aalajangersagaagunik. Maleruagassat oqartussaaffeqartut attuumassuteqartut peqatigalugit piareersarneqartarput, Inatsisartullu inatsisaatorluinnaq tusarniaassuti-gineqartarlutik
7.1	Kalaallit Nunaanni Sulisitsisut	Tusarniaassutigineqartumi § 2: Ilinniakkat qaffasinnerusumik ilinniakkanut ingerlaqqittunut sivikinnerusunut ilaatinneqartaria-qarput (KVU). Ilinniagaq teoriginnarmut tunngassutilik ukiunik marlunniik ukiut pingajuat avillugu sivilissusilik 120-180 ECTS pointitalik. KVU-mi ilinniakkat ilinniakkatut ilisimatusaataasutulli qaffasissuseqarput. Kiisalu qaffasinnerusumik ilinniartitaanerit professions-bachelorinngorniatut ilinniarnernut, ukiut sisamaata affaanik sivilissuseqarlutik 120 ECTS point-inik naleqartunut, ilannguttariaqarput. Professionsbacheloritut ilinniarnernup teori	Oqaaseqaat allannguisoqarnissamik toqqammaviliinngilaq. Qaffasinnerusumik ilinniartitaanerit qaffasinnerusumik ilinniarnernut tamanut ataatsimut taaguutaavoq, tassani pineqarlutik sivikinnerit, sivilissunerulaartut, ilinniakkallu sivilissunerit. Qaffasinnerusumik ilinniarnernit sivikinnerit ataatsimoorussamik ilinniakkanut sivikinnerusunut taaguutaavoq, imatut paasillugu; qaffasinnerusumik ilinniartitaaneq aalajangersimasoq pineqamngilaq. Taaguutigineqartoq ilinniakkap sivilissususaanik ersersitsiniutaannaavoq. Ilinniagartuutut ilinniarnernit ilinniakkat sivilissut ilagivaat inuussutissarsiuutinut tunngasumik ilinniagartuutut ilinniarnernut ilaatinneqartoq. Taaguut, profession-inut sammitillugit bacheloritut ilinniagaq, atorunnaagassatut siunnersuutigineqarpoq. Pingaarnernutillugu oqaaseqaatit annertunerusumik nassuiaatitalit takuneqassapput.

		toqqammavigalugit sungiusaammillu sulinertalerlugit atuartitaanerit imarivai. Sungiusarluni atuarneq suliffeqarfimmi misiliilluni sulilluni ingerlanneqartarpoq.	
7.2		Tusarniaanerup immikkoortuani § 7, imm. 1: ”linniakkamut tigusaasi-manerup nanginnera” allangortittariaqarpoq ”atatitsiinnarneq”-mut.	Oqaaseqaat allannguisoqarnissamik toqqammaviliivoq. Imatut allassimasussanngorlugu ”linniarnermik naammassinnis-sinnaanissamut fagitigut ilisimariikkat”.
8.1	Ilisimatusarfik	<p>Professioninut sammitillugit Bachelorinik, bacheloritullu ilinniarnernik allanik assigiisitsiunnaarnissaq Ilisimatusarfiup siunissamut eqqanaarsaarnertut isigivaa. Bacheloritut ilinniarnernup nassuiaataa tungavigalugu ilisimatusarnermut tungasuunerata, universitetimut ilisimatusarnermik ingerlatsiviusumut inissinneqarneranik qulakkeerinerussaaq.</p> <p>Professioninullu sammisunik bachelorinut pisinnaasatigut piumasagaatit ilaat professioninut sammitillugit ilinniakkanut aaqqissuus-sinerni atorluarneqarsinnaapput - assersuutigalugu professioninut sammititsinermi nassuiaasiussaq.</p>	<p>Oqaaseqaat allannguisoqarnissamik toqqammaviliinngilaq.</p> <p>Bacheloritut ilinniarnernit ilisimatusarnermut tungassuteqarnissamut piumasagaat naapertorlugu universitetimut inissimasariaqanngillat. Ilisimatusarnermut tungasuunissamut piumasagaatit naammassineqarsimappata ilinniartitaanerit ilinniagaqarfinnut allanut inissinneqarsinnaapput.</p> <p>Kingullermut: Professionsbachelorinut pisinnaasatigut piumasagaatit imarisaat, siusinnerusukkut allaaserineqartunut professioninut sammitillugit bachelorinut attuumassuteqarsinnaappata ilinniakkami aaqqissuussamut ilanngunneqarsinnaal-luarput.</p>
8.2		Tusarniaanerup immikkoortuani § 3: Semesterimut affarmut suliakkiissutaasup 20 ECTS pointiunissaanik allassimanagera naleqqutinngilaq.	Oqaaseqaat allannguisoqarnissamik toqqammaviliivoq. Aalajangersakkami uniffik kingulleq peerneqarpoq, ukiumut ilinniartiviusumut ECTS-pointit qassiuneri taamaallaat

		<p>Trimester ungaluuserlugu oqaaseqaatini allassimavoq - Taanna peerneqavissinnaavoq, imaluunniit sapaatit akunnerannut suliaakkiisutaasinnaasoq 1½ ECTS-pointinngorlugu, nalunaaqut-tap akunnerinik 40-niik 45-nut ilinniakkamik sammisaqarnermik nalilittut erseqqis-sarlugu saqqummiunneqar-sinnaalluni.</p>	<p>ersersinneqarluni. Aammattaaq aalajangersagaq § 10, imm. 2-mut nuunneqarpoq.</p>
8.3		<p>Tusarniaanerup immikkoortuani § 4: Uani oqaasertaa ”-sinnaavoq” ”-ssavoq”-mut allangortinneqarsinnaavoq, Ilisimatusarfiup pisussaatitaaffii qaffasinnerusumik ilinniartitaanernut tunngassuteqarmata.</p> <p>Imm. 2. Brancheskolit qaffasinnerusumik ilinniakkatigut neqeroorutaasa qaffasissutsimikkut qanoq inissisimassanissaat ersarinnerusariaqarpoq. Ingerlaqqittumik ilinniakkat ilisimatusarnikkut toqqammaveqartariaqassap-pata tamatuminnga qulakkeeriffigineqarnerat erseqqissaavigineqartariaqarpoq.</p>	<p>Oqaaseqaat allannguisoqarnissamik toqqammaviliinngilaq.</p> <p>Imm. 1-imut: Ilisimatusarfiup qaffasinnerusumik ilinniakkanik nunat tamat akornanni qaffasinnerpaamik neqeroortussatut pisussaatitaanera Ilisimatusarfiup aqunneqarneranut inatsimmi ersippoq. Ilisimatusarfik, brancheskolitulli immikkut ittumik imm. 2. naapertorlugu akuersissuteqarfigineqartariaqarani siunnersuuttip aalajangersagaa naapertorlugu qaffasinnerusumik ilinniakkanik neqeroorsinnaatitaavoq.</p> <p>Imm. 2-mut: § 4-mi piumasaqaatit naammassisimatillugit brancheskolit ilinniakkat qaffasissusaanni tamani neqeroorsinnaatitaapput. § 4, imm. 1, nr. 2-mi ersippoq nunat tamat pitsaassutsikkut, pitsaasutsikkullu qulakkeerinissamik piumasaqataannut ilinniaq naapertuutissasoq. Akuersissuteqarniarnermut atasumik qanoq annertutigisumik ilisimatusarnermut attuumassuteqarnissaq qulakkeerneqassaaq.</p>
8.4		<p>Tusarniaanerup Immikkoortua § 5 imm. 2:</p>	<p>Oqaaseqaat allannguisoqarnissamik toqqammaviliinngilaq.</p>

		<p>Kalaallit Nunaanni ilinniagaqarnermut tunngasunik annertunerusumik avatangiiseqanngilaq - taamaammat iliniakkanik ataatsimoorfeqartitsinissaq pisariaqarpoq, pitsaassuseq isornartorsiuinnaanerlu qulakkeerumallugit.</p> <p>Taamaammat eqqarsarnartoqarpoq ilinniakkap ilinniarfimmit Kalaallit nunaanniit-tumit "ataasiinnarmit" neqeroorutaasinnaanera immikkut akuersissuteqarluni allamut nuunneqarsinnaanera.</p>	<p>Oqaaseqaatini takuneqarsinnaavoq, professionimik aalajangersimasumik annertuumik pisariaqartitsisoqalersillugu aalajangersagaq aatsaat atorneqassasoq.</p>
8.5		<p>Tusarniaanerup immikkoortuani § 6: Malittarisagarluni ilinniakkanik faginut ataasiakkaanut aaqqissuussinnaanermik qulakkeerisinaalluni periarfissaqarneq, Iisimatuserfimmiik iluarisimaarneqarpoq.</p> <p>Qanorli inuussutissarsiornermik ilinniarfinit brancheskolinillu ilinniakkanik neqerooruteqartaneq § 4 (maanna § 3-usoq) naapertorlugu ilisimatusernermut tunngaveqarneq § 11-millu naammassinnisimanermik qulakkeerinissaq ersarinnerusariaqarpoq.</p>	<p>Oqaaseqaat allannguisoqarnissamik toqqammaviliinngilaq.</p> <p>Faginut faginullu aalajangersimasunut atuartitsinerit ilinniakkat pioreersut aallaavigalugit neqeroorutigineqartarput, ilinniarfiullu ilinniakkamik neqerooruteqarsinnaanngorlugu akuerisaanerani, ilinniakkallu akuerisaanerani, ilinniagaq tassanilu fagit, faginullu aalajangersimasunut atuartitsinerit, ilinniakkamut piumasagaatinik naammassinnereersimasariaqarput.</p>
8.6		<p>Tusarniaanerup immikkoortua § 8, imm. 2: Aalajangersagaq ersarlutumik oqaasertaligaa voq, Naalakkersuisut</p>	<p>Oqaaseqaat allannguisoqarnissamik toqqammaviliinngilaq.</p> <p>Suut malittarisassiuunneqarsinnaasut oqaaseqaatini ersereerpoq.</p>

		malittarisassat sorliit aalajangersaavigisinnaagaat ersarinerusariaqarpoq.	
8.7		<p>§ 11: Imm. 2. nr. 3: Bacheloritut ilinnigallit tamarnik inuussutissarsiutini suliaqarsinnaanngorlugit toqqammaviligaanissaat aalajangersakkami pineqar-nersoq ersarissartariaqarpoq. Inatsisiliinermimi maanna atuuttumi, ilinniartitaanerit professioninut sammititat pineqartillugit, ”bacheloritut ilinniartitaanerit nalinginnaasut”-tut maanna taaguutillit, pineqanngitsoorsinnaam-mata.</p> <p>Bacheloritut ilinniarnerep qup. 19-anni oqaaseqaatini ilisimatuussutsikkut tunngavilersuutaasoq naliginnaasumik akuerisaq oqaatigineqarmat iluarinar-poq.</p> <p>Ilinniartullu saniatigut suliffeqartussaanerannik piumasaqartoqarsinnaanngin-neranik allassimasoqarluni, tamannalu eqqorluinnarpoq, tamakkiisumik ilinniarneq eqqartorneqarmat.</p> <p>Iluuunngilarli allassimas-sappat, ”assersuutigineqarsinnaavoq diplomitaarniarluni aamma masteritut ilinniarnerni piumasqaataavoq”, tamanna piumasaaqaataanngimmat. Ilinniartup nammineerluni</p>	<p>Oqaaseqaat allannguisoqarnissamik toqqammaviliivoq.</p> <p>Bacheloritut ilinniakkap naammassinerani ilinniartut inuussutissarsiutini suliaqarsinnaalernissaat piumasqaataavoq. Kandidatinngorniarluni ingerlaqqinnissaq pinngitsaaliissutaanngilaq bacheloritut ilinnigaqarniaraanni.</p> <p>Tamanna oqaaseqaatini allanngorneqarpoq, diplomitaarniarluni aamma masteritut ilinniarnerep nalaani saniatigut suliffeqartarnissap piumasqaataanera ersigunnaarsillugu.</p>

		aalajangigassarivaa.	
8.8		<p>§ 15: Piukkunnassutsimut nalilersuummi (kvalifikationsnøgle-mi), diplomitaarniarluni ilinniakkap ilisimatusarnikkut toqqammaveqartariaqannginnera oqaaseqaatini ersinngilaq.</p> <p>Qaffasissusaatigut ilisimasatigullu toqqammaviligaanera pillugu, ilinniakkanullu ilapittuutaasinnaasunik professionini assigiinngitsuni annertuumik ilisimatusartoqarnerata peqqutigalugu, ilinniakkanut attuumassutitimik ilisimatusarnermut tunngavilerneqarsinnaanera imaluunniit ilisimatusarnermut attuumassuserneqarsinnaanera eqqarsaasersuutigineqarsinnaavoq - ilisimatusarnermut attuumassuteqalersitsinikkut tamaanna anguneqarsinnaammat.</p>	<p>Oqaaseqaat allannguisoqarnissamik toqqammaviliinngilaq.</p> <p>Ilinniakkap ilisimatusarnikkut toqqammaviligaanissaa oqaaseqaatini ersinngilaq, inuussutissarsiornermilli professionillu toqqammaveqarluni siuarsarneqarsinnaasutut toqqammaveqarnissaa ersilluni. Siunissamili ilinniakkanut piumasaqaatit sukannernerulersinneqartussaapput, taakkunanani amerlanerit ilisimatusarnikkut tunuliaqutaqalernerisigut ilutigalugulu ilinniakkat taamatut ittut ilisimatusarnikkut toqqammaviliqaassusaallutik.</p>
8.9		<p>§ 16: Masterinngorniarluni ilinniakkap 60(90) ECTS-pointeqarnera ersippoq, ilinniakkamilu kandidatiuneq qaffaseqatigalugu.</p> <p>Piukkunnassutsimullu nalilersuummi taamatut ersersinneqarnera eqqorpoq, Danmarkimili misilittagarpassuit piviusumik taamaattoqanngitsoq takutippaat.</p>	<p>Oqaaseqaat allannguisoqarnissamik toqqammaviliinngilaq.</p> <p>Masterinngorniarluni ilinniarnermut tiguneqarnissamut minnerpaamik bacheloritut ilinniaqaqarsimanissaq piumasaqaataavoq, imatut paasillugu: Ingerlaqqittumik ilinniaqaq akunnattumik sivilissusilik. Qinnuteqartup kandidatitut ilinniaqaqarnissaa piumasaqaataanngilaq.</p> <p>Masterinngorniarlunilu ilinniakkat kandidatinnngorniarluni ilinniakkat</p>

		<p>Isissutissatut piumasagaatit naammattumik nassuiaaserneqarsimanngitsut pineqarput.</p> <p>Akunnattumik sivissusilimmik qaffasinnerusumik ilinniagallit masterinnorniatut isertarput, tamannalu bachelor plus kandidat-itut qaffasissuseqanngilaq. Ileqqusooq naapertorlugu masteritut qaffasissusilimmiik ilinniakkap Ph.d-anut ingerlaqqittoqarsinnaavoq, piviusumili taamatut pisoqartarnera qaqutigooortorujussuavoq, masteritullu ilinniagallit ilinniagartuutut piginnaasaatigut inuuttarmata ilinniarfiit arlallit periarfissiissut taanna unitsissimavaat.</p> <p>Nalorninartorsiummullu tassunga Naalackersuisut isiginiartariaqarnerat pingaaruteqarpoq.</p>	<p>qaffaseqatigisussaavaat piukkunnasutsimut najoqqutaasoq naapertorlugu.</p> <p>Masteritullu ilinniagaq ph.d-mut isissutissatut Ilisimatusarfiup naammaginartinnikkuniuk, Ilisimatusarfiup ph.d-mut ilinniakkanut isissutissatut piumasagaatit § 27, imm. 3 naapertorlugit aalajangersaavigissava.</p>
8.10		<p>§ 17: Ilisimatusarfimmiik ernummatigaarput aalajangersakkap kaammattuiutigaluni aqutsinaveersaarnissamik periutsimut sunniuteqarnissaa.</p> <p>Ilinniakkatigut aaqqissuussanik taakkualu allannguutaannik Naalackersuisut akuersisussaaitaanerat naleqqutinngilaq.</p>	<p>Aalajangersagaq allannguutissanik toqqammaviliivoq.</p> <p>Imm. 1-imut:</p> <p>Siunnersuutigineqarpoq aalajangersakkami erseqqissarneqassasoq, ilinniakkamik allannguutinillu <i>pingaarutilinnik</i> tassunga attuumassutilinnik Naalackersuisut akuersisuteqartussaanerat.</p> <p>Ilinniakkap neqeroorutigeqqaarneranili pitsaassusaa qulakkeerniarlugu Naalackersuisunit misissorluarneqaaqqaartussaavoq. Taamatuttaaq allannguutit</p>

		<p>Ilisimatusarfimmi immikkut ilisimasalinnik peqareerpoq - Ilinniagallit</p> <p>Siunnersuisooqatigiiffianni (Akademisk Råd-imi) - universitetip ilinniakkatigut aaqqissuussaasa pitsaassu-saannik immikkorluinnaq ittumik naliliisinnaasuseqalersitsisunik.</p> <p>Akuttunngitsumillu aaqqiissutissat annikinnerusut piaartumik suliarineqartariaqalersarput, Naalakkersuisullu akuerseqqaarnissaannik piunasaqaat sulianut tamakkununnga pisariaqanngitsumik kinguarsaataasinnaavoq.</p> <p>Imm. 2. Ilinniakkanik taaguusersuineq eqqarsaatigalugu, ilanngunneqartariaqarpoq, aammattaaq kalaallisut taaguut ilanngunneqassasoq.</p>	<p>pingaarutillit piunasaqaatit § 4-miittut naapertorlugit akuersissutigineqartus-saapput. Akuersissuteqarnissamik piunasaqaateqaraluartoq kaammattui-utigaluni aqutsinaveersaarnissamik periuseq atuutsinneqartuarpoq.</p> <p>Imm. 2, nr. 1-imut: Taamatullu taaguutip kalaallisunngortinneqarnissaa ilanngunneqassaaq.</p>
8.11		<p>§ 18: Pitsaassutsimik qulakkeerisoqarnissaa oqaaseqaatinilu erseqqissaavigineqarnera pitsaasuuvoq. Kisiannili assersuutigalugu inatsimmi nakersarneqarsinnaavoq: ”nunat assigiinngitsut akornanni piunasaqaatit malillugit pitsaassutsimik qulakkeerineq”</p>	<p>Oqaaseqaat allannguinnissamik toqqammaviliivoq.</p> <p>Nunat assigiinngitsut akornanni pitsaassutsikkut piunasaqaatit malinneqassasut aalajangersakkamut ilanngunneqarpoq.</p>
8.12		<p>§ 27: Soorlu § 16 naapertorlugu: Ieqquusoq naapertorlugu masteritut</p>	<p>Oqaaseqaat allannguinnissamik toqqammaviliinngilaq.</p>

	<p>qaffasissusilimmiik ilinniakkap Ph.d-anut ingerlaqqittoqarsinnaavoq, piviusumili taamatut pisoqartarnera qaqutigooortorujussuuvoq, masteritullu ilinniagallit ilinniagartuutut piginnaasaatigut inuuttarmata ilinniarfiit arlallit periarfissiissut taanna unitsisima vaat. Nalorninartorsiummullu tassunga Naalakkersuisut isiginiartariaqarnerat pingaaruteqarpoq.</p>	<p>Masterinngorniarluni ilinniagaq kandidatinnngorniarlunilu ilinniagaq qaffasissutsimikkut assigiipput, piginnaasanut piunasaqaataasunut killiliussaq takuneqassaaq. Aalajangersakkap imm. 3-anni ersippoq kikkut ph.d-mik ilinniartussatut tiguneqassanersut ilinniarfiup aalajangissagaa. Masteritut ilinniagaq ph.d-mut ilinniartunngornissamut ilinniarfimmi aalajangersimasumi naammaginngitsutut isumaqarfigineqarpat, ilinniakkami aallartinnissamut piunasaqaatini ersissaaq.</p>
8.13	<p>Tusarniaanerup immikkoortuani § 37: Siunnersuut pitsaasorujus-suartut, ilinniartuutitta piginnaasaannik qaffassaaqataasinnaasutut, Ilisimatuserfimmiik isigineqarpoq.</p> <p>Nunanulli assigiinngitsunut suleqatigiinnissamik isumaqatigiissutitsinni illuatungeriilluni pisussaaffinnik naammassinnissinnaanernut unamminartorsiorsinnaavugut. Ilinniartunut nunanik allaneersunut maannakkorpiaq 5-inik inissiaateqaratta - siunissamilu pinngitsoorata ilinniartut tamakkerlugit nunanut allanukartit-tassagutsigit "ilinniartut angalatitatta amerlaqatingajaannik tiguisarnissamik" periuseq annertuumik ajornartorsiutigilersinna-</p>	<p>Oqaaseqaat allannguinnissanik toqqammaviliivoq.</p> <p>Siunnersuutigineqarpoq, aalajangersagaq ilinniartunut 1. august 2021-mi kingusinnerusukkulluunniit bachelorinngorniatut aallartittunut aatsaat sunniteqassasoq. Taamaalilluni ilinniarfiit nunani allani ilinniarfinnik suleqateqarnissamut amerlanerusunik isumaqatigiissusiorsinnaanngussammata.</p> <p>Ilinniartut ineqarfiinut inatsisiliineq pillugu misissuinermi pisussami, ilinniartunik nunanik allaneersunik inissinissamut, kalaallilu ilinniartut nunani allaniitillutik illoqarfimmi ilinniarfigisaminni ineqarfigisaannut ajornartorsiutit pillugit periarfissanik misissuisoqassaaq.</p> <p>Aalajangersagaq allannguiffigineqarpoq, nunani allaniinnerup sivilissusaa piunasaqaatitaqarunnaarlugu. Taamaalilluni inatsisiliineq eqaanninngorpoq, suliffimmillu</p>

		<p>varput.</p> <p>Ilinniakkallu ilaasa nunani allani najugaqarallarluni sulinermik/klinisk-imik misilii nertai sivisussutsimikkut assigiinngissuseqarnerat peqqutaalluni aamma naleqqussarsinnaassuseqar-nissaq pingaaruteqarpoq. Inatsisissatut siunnersuummi allassimasoq ilinniartut minnerpaamik qaammatini pingasuni nunani allani itinneqartarnissaat naapertussagaanni, ilinniartut ilaannut arlaleriarluni angala-sariaqalernerimik sunniute-qarsinnaavoq, pissutigalugu suliffinnik/klinisk-imik misiliisarnernerit arlaqartut sapaatit akunnerinik 6-iniik 10-nut sivisussuseqartarmata.</p> <p>Nunani allani ilinniagaqarfiiit klinisk-iusut taamatorpiaq tamaviaarnartorsiorput. Taamaattumik eqimattakkaanik aallagartit-sinissaq ajornarluinnarpoq, naafferarlugilli piffissani nikerartuni aallagartinneqar-tariaqassapput.</p> <p>Tamatumalu saniatigut ilinniakkanut inaarsaavittaqaanngitsunut siunnersuut atuutissasoq erseqqissartariaqarpoq. Ilinniakkat kandidatinnor-niarnertallit eqqarsaatiga-</p>	<p>misilinnerit sapaatit akunnerinik 6-iniik 10-nut sivisussusillit aalajangersakkap imarisaani pineqassapput.</p> <p>Bacheloritut ilinniartut amerlasuut kandidatinnor-niarnernut ingerlaqqinneq ajorput. Piumasaqaat kandidatinnor-niarnermi immikkoortumuinnaq atuutissappat, bachelorinnor-niat amerlasuut nunanut allanut angalanaviannigilat.</p> <p>Kalaallit Nunaanni ilinniarnermut atatillugu suliffimmiinnernut, Kalaallit Nunaannilu nammineq piumassuseq tunngavigalugu inunnik sullissinermik ilaliussilluni aalajangersakkamik siunertaaliiniarneq sunniuteqartussat nalilerneqanngilaq.</p> <p>Ilinniartut nunani allani sulinermik misilittagaqalernissaat aalajangersakkap ikkunneqarneranut tunuliaqutaavoq.</p> <p>Ilinniartut Kalaallit Nunaata avataani misilittagaqalernissaat kissaataavoq. Teorip sulinerullu imminnut atalilernissaat nunani allani najugaqarnermut tunuliaqutaanngilaq. Teorimik sulinermillu atatitsilerneq Kalaallit Nunaanni pisinnaavoq, nunanili tamaniinnerup piginnaasanik qaffatsitsisinnaanera tassani pineqarsinnaanani.</p>
--	--	---	---

		<p>lugit, ilinniartut bacheloritut ilinniakkaminnik naammas-sinnereersillugit aatsaat ilinniakkamut atatillugu nunani allani najugaqartas-sasut siunnersuutigineqas-saaq - ilinniartitsissutinik faginillu immikkut ittunik uagut neqeroorutigisinnaanngisatsinnik pisariaqartit-sisinnaalerfiisigut.</p> <p>Tamakkua patsisigalugit, kisianni (tusarniaanerup immikkoortuani) § 37-ip imarisai pitsaasut attatiinnarlugit, oqaasertaasa imatut allannguiffigineqar-nissaat siunnersuuti gaarput:</p> <p><i>§ 37. Bacheloritut ilinniakkani ilinniartut, tak. § 11, imm. 1, ilinniarnarup ingerlanerani ataasiarlutik ilinniarnermut atasumik ilinniarfigisap avataani najugaqartassap-put. Ilinniarnermut atasumik najugaqarneq aaqissugaa-sinnaavoq imatut:</i></p> <p><i>1) semesterimi ilivitsumi nunami allami ilinniarfimmiinneq, 2) fagit ataasiakkaat nunami allami ilinniarfimmi, 3) Kalaallit nunaanni imaluunniit nunami allami sulinermik misiliineq imaluunniit 4) Kalaallit Nunaanni nammineq piunassuseq tunngavigalugu inunnik sullissineq</i></p> <p><i>Imm. 2. Bacheloritut</i></p>	
--	--	---	--

		<p><i>ilinniakkani kandidatinnorniarnertalinni ilinniakkap kandidatinnorniarnertaa ilinniartut allami najugaqarluni ilinniakkamik ingerlatsinissaq toqqarsinnaavaat.</i></p> <p><i>Imm. 3. Malittarisassat ilinniakkamut tunngatillugu ilinniarfigisap avataani najugaqarluni ilinniarnisamat tunngasut, ilinniakkamik pineqartumik aaqqis-suussiviusumi aalajangersaavigineqassapput.</i></p> <p>Kalaallit Nunaanni suliffimmik misiliinermi nammineq piumassuseq naapertorlugu inunnik sullissinermik ilanngusnikkut ilinniartuutigut periarfissinneqassapput teorip sulinerullu imminnut atatilernissaannut; ilinniartut periarfissinneqassaput piginnaasatigut assigiingiaanik ilinniarnermik ingerlaqqinnerini atorsinnaasaminnik sakkussaqaalernisamik; kalaallilu inuussutissarsiorfii, pisortat sullissivii kiisalu assersuutigalu NGO-t ilinniartuutitta piginnaasaanik iluaquserneqarsinnaalissallutik.</p>	
8.14		<p>Tusarniaanerup immikkoortua § 38: ”Tlismatusarfimmi ilinniartitsisutut ilisimatsartullu atorfiit ilusilersugaanerannik isumaqatigiissut</p>	<p>Oqaaseqaat allannguinnissamik toqqammaviliinngilaq.</p> <p>Nunat tamat pitsaassutsikkut piumasaqaataat malinneqalernerisigut ilinniartitsisunut piumasaqaateqaler-</p>

		1. november 2010-meersoq” pillugu Naalackersuisut qanoq inissisimanissaat aalajangersakkami tassani ersarissagaanissaa tulluartinneqarpoq.	sinnaavoq. Tamannalu pequtigalugu tassunga tunngatillugit nutaanik malittarisassaliornissaq pisariaqalersinnaavoq.
9.1	Kalaallit nunaanni Brancheskolit	”Nalinginnaasumik oqaaseqaatit”: 1.1. Tunuliaqutaq pingaarneq - Siunnersuutigineqarpoq ”1”-imut ”én” taarsinneqasasasq.	Oqaaseqaat allannguissamik toqqammaviliinngilaq. Inatsisileriffiup piomasqaataa naapertorlugu ”1” atorneqarpoq.
9.2		Tusarniaanerup immikkoortua § 2: Allatap naggataani allasimavoq ”... bacheloritut-, kandidatitut-, ph.d-qalerniarluni-, ilinniagartuutut-, diplomitaarniarluni-, masterinnngorniarlunilu ilinniakkat qaffasinnerusumik ilinniakkanut ilaatinneqarput, tak. §§ 11-16. Ilinniagartuutut ilinniakkat taaneqarput, kisianni KVU professionsbachelorilu, kingullertullu taaneqartoq professionsbacheloru inuussutissarsiutini ilinniakkanut ingerlaqqifiusutut pingaaruteqartoq, taaneqarsimanatik. Professionsbachelorip qaffasissusaata ilaatinneqarnera oqaaseqaatini ersarlularpoq, inatsisissatullu siunnersuummi ersarisarneqarnissaa innersuussutigineqarluni.	Oqaaseqaat allannguisoqarnissamik toqqammaviliinngilaq. Qaffasinnerusumik ilinniakkat, pineqartunullu ilinniakkanut sivikitsunut, ilinniakkanut akunnattumik sivisussusilinnut ilinniakkanullu ingerlaqqittunut sivisuunut ataatsimoortitsilluni taaguutaavoq. Ilinniakkat qaffasinnerusut sivikitsut siunnersuummi taamaalillutik ilaatinneqarput. Ilinniagartuutut ilinniarneq qaffasinnerusumik ilinniaгаа voq, inuussutissarsiutigut ilinniagartuutut ilinniarnep ataaniittoq. Siunnersuutigineqarpoq taaguutaasoq professioninut sammitillugu bacheloru atorneqarunnaassasoq. Nalinginnaasumik oqaaseqaatini itinerusumik nassuiaatigineqartoq takuneqassaaq. Saniatigullu § 11-mut bacheloritut ilinniaгаа pillugu immikkut oqaaseqaataasuni nalorninartorsiut sammineqarpoq.
9.3		Tusarniaanerup	Oqaaseqaat allannguissamik

	<p>immikkoortuani § 5, imm. 1, nr. 3: Qaffasinnerusumik ilinniakkat pitsaassutsikkut piunasaqaatitaannik nalunaarutitigut aalajangersaaniarluni sulinermut akuluitsitaanissaq KNII'p qilanaarivaa.</p> <p>Inatsit 1. august 2018 atulerussatut siunnersuutigineqarmat, Naalackersuisunik akuersissutigineqarlutik atulersinneqartussaapput, taamaattumik Naalackersuisut periarfissaqanngillat qaffasinnerusumik ilinniakkanik akuersissuteqassallutik, assigisaanillu ilinniarfiit piunasaqaatit ilisimasariaqarpaat naleqquttumik sulisinnaassappata najoqqutassat piffissaqarlualuni suliarineqanngippata.</p>	<p>toqqammaviliivoq.</p> <p>Aalajangersagaq allanngorneqassaaq siunnersuutigineqartoq imm. 1, nr. 3, aalajangersakkamit perneqarneratigut. Aalajangersakkami ersinngikkaluarpalluunniit, allaffissornikkut malittarisassat inatsimmik tunngavilerneqartut, ilinniakkat pitsaassutsimut piunasaqaatit naammassisiimasussavaat.</p> <p>Saniatigut imm. 1, nr. 2-mut ilanngunneqarpoq: ”<i>nunat tamat pitsaassutsimut piunasaqaataannut pitsaassutsimillu qulakkeerisarnerinut ilinniagaq naleqqutissaaq, taamaalilluni angusimasanik nuussineq...</i>”</p> <p>Allannguinikkut maleruagassanik aalajangiisoqanngikkaluartoq ilinniakkamik akuersissuteqartoqarsinnaavoq. Inatsisip atulersitaanerani maleruagassanik § 18 naapertorlugu aalajangersaasoqarsimannginnera Naalackersuisut ilisimaarivaat, aalajangersakkalli taassuma nunat tamat pitsaassutsikkut piunasaqaataasa malinneqarnerat nakkutigineqarsinnaanngornerat qulakkeeriffigissavaa.</p>
9.4	<p>Tusarniaanermi immikkoortumi § 6, imm. 1: Faginik ataasiakkaanik, ilinniakkanillu qaffasinnerusunit aallaavilinnik faginut aalajangersimasunut sammivilinnik pikkorissaanernik ilinniarfiit, neqeroorsinnaatitaanermut akuerisaanngikkaluarlutik, neqeroorsinnaatitaanerat oqaasertaliinermi</p>	<p>Oqaaseqaat allannguinissamik toqqammaviliivoq.</p> <p>Aalajangersakkami, faginik ataasiakkaanik ilinniakkanillu qaffasinnerusunit faginik aalajangersimasunik neqeroorsinnaatitaaneq erseqqissaavigineqarpoq, <i>Inatsisartut inatsisaat una naapertorlugu neqerooruteqartoqartassaaq, ilinniakkap ph.d-a minillugu.</i></p> <p>Taamaalilluni fagit ataasiakkaat,</p>

		ersarluppoq.	ilinniakkanillu pioreersunit aallaavilinnik faginut aalajangersimasunut sammivilinnik pikkorissaanerit pineqarneri erseqqissaavigineqarpoq.
9.5		Tusarniaanerup immikkoortuanit § 7, imm. 1: Ilinniagaqalernissaq sioqqullugu aallartittoqarsinnaava, assersuutigalugu ilinnialinngitsiarnermi aasami sulinnigiffeqarnerup nalaani? - taamatullu pisoqarnera ilinniartup ilinniarneranut ilaasutut, ilinniakkap naammassineqarnissaanut qiorsinissanik sivitsuinerit isigineqassava?	Oqaaseqaat allannguissamik toqqammaviliinngilaq. Ilassutaasumik ilinniarnermik sammisaqarneq, immikkut atuartitaanertut ilinniartup ilinniakkamik naammassinissinnaanermut piginnaasaanik annertusaanertut paasineqassaaq. Faginik ETCS-pointitalinnik sammisaqarfiunanilu ilinniagaqarnermut tapiissutinik pisinnaatitsisumik atuartitaanerunnigilaq.
9.6		Tusarniaanerup immikkoortuani § 7, imm. 2: Ilinniartup piginnaasaqarluarnera kimik aalajangiiffigineqassanersoq oqaasertalinermit ersinngilaq.	Oqaaseqaat allannguissamik toqqammaviliinngilaq. Tamanna ilinniarfiup aalajangigassarigaa ilisimaneqariissaaq. Tamanna oqaaseqaatinut ilanngunneqarpoq.
9.7		§ 25, imm. 1: Immikkut akuersissuteqartarnermut aalajangersakkami isernissamut piomasqaatit § 22-mi eqqaaneqartut saniatigut qaffasinnerusumik ilinniakkanut allatigut isertoqarsinnaaneranik periarfissiineq KNII'p pitsaasutut isigivaa, soorlu aamma oqaaseqaatit immikkoortuani eqqaaneqartoq inuussutissarsiummik ilinniagaqarneq isissutissatut allatut toqqammaviusinnaasoq. Oqaasertalineq ”tassunga sanilliunneqarsinnaavoq”, immikkoortumi taassumalu	Oqaaseqaat allannguissamik toqqammaviliivoq. Aalajangersakkami innersuussineq kukkusoq ikkunneqarsimavoq. Innersuussineq § 21-imoortussaa voq, taamaalilluni ilinniagaqarnissamut piareersarnerinnaanngitsumik toqqammaveqarluni isernissamut qinnuteqartoqarsinnaalluni. Tamanna § 25-p oqaaseqaatitaani ilaatigut ersippoq.

		<p>oqaaseqaatitaani oqaasertaliussaasoq naleqqutinngilaq, pissutigalugu A-, B-imaluunniit C-tut qaffasissuseqarneq pillugu piumasagaat, tak. ilinniarnertuunngorniarluni atuartitaaneq pillugu Inatsisartut inatsisaanni tiimit amerlassusaannik nalunaarsuifforeerluni ersarilluinnarmat, toqqammavimmullu allamut naleqqiukkuminaalluni. Taamaammatt KNII'p siunnersuutigissavaa, oqaasertaliinerup allanngorneqassasoq, immikkullu akuersissuteqarfigineqarluni isernissamut piumasagaammut taarsiullugu qinnuteqartup fagitigut piginnaasai bachelorinngorniarluni ilinniakkap imarisaanut naleqqunnerat ilinniarfiup naliiiffigisagai, soorunalumi aamma qinnuteqartup ilinniakkamik naammasinnisinnaaneranik nalilersuinnermut saammitinneqarnerussalluni.</p>	
9.8		<p>Tusarniaanerp immikkoortuani § 37, imm. 1: Ilinniartut bachelorinngorniarnerminni ilinniarnerminnut atasumik nunani allaniittarnissaat inatsisit malillugit pisussaaffiligaanerat, paragrafillu taassuma immikkoortuani 4-mi immikkut akuersissute-</p>	<p>Oqaaseqaat allannguinnissamik toqqammaviliivoq.</p> <p>Aalajangerakkamut siunnersuutigineqartumut aningaasartuutit annertussusigiurmaagaannik missingersuuteqarpoq. Taanna oqaaseqaatit immikkoortuanni 3-mi ersippoq.</p>

		<p>qarnikkut pisussaajunnaartit- sisoqarsinnaanera KNII'p iluarisimaarpaa. Nutaaliormermullu attuumassutilimmik aningsartuutissanut tunngasut paasissutissani nassiunneqartuni ersinngillat, kisianni nunap karsianut aningsartuutaannginnissaat takorlooruminaappoq.</p>	
9.9		<p>Tusarniaanerup immikkoortuani § 40: Ilisimatusarfik pillugu oqaaseqaat nr. 10 takuneqassaaq. Paragrafimut tassunga oqaasertaliinerup assinga siunnersuutigineqar- poq.</p>	<p>Oqaaseqaat allannguissamik toqqammaviliivoq. Aalajangersakkap oqaasertai allanngortinneqarput.</p>
10.1	Ilisimatusarfimmi Siulersuisut	<p>§ 1: Ilinniakkat suussusaanik paasinnineq pillugu, inatsimmi ersarissaavigineqarsimavoq taaguut ”professionsbacheloritut ilinniaq” piunngitsoq. Ilisimatusarfiummi ilinniakkat akunnattumik sivisussusillit ataaniinngillat. Oqaasertaliineq una: ”Ilinniakkat taamani assigiinngissutaat annertuneruvoq, kisianni ilinniakkat amerlanersaat Ilisimatusarfimmi katersorneqarnerisigut ataatsimillu rektoreqalernikkut, Assigiinngisitsinissaq pisariaarus simavoq. Ineriartornerlu nunat tamat</p>	<p>Oqaaseqaat allannguissamik toqqammaviliinngilaq. Ingerlaqqittumik ilinniarnerit tamarmik assigiinnik malittarisassaqarput, apeqqutaatinnagu ilinniarfiup sorliup neqeroorutigineraa. Ilinniakkap ilisimatusarnikkut toqqammaveqarnissaa inatsisiliinikkut piunngitsoq, NI Nuummit imaluunniit Ilisimatusarfimmit neqeroorutigineqaruni taamaassaaq.</p>

		<p>sammivigalugit ingerlanerujartuaarmat taamatut immikkortitsisoqarunnaar- poq. (oqaaseqaatinut siunnersuutit ...s.6). Sanaartornermik Ilinniarfik, Sisimiut, Perorsaanermik Ilinniarfik, ilulissat aamma Niuernermik Ilinniarfik, Qaqortumiittoq tamarmik Ilisimatusarfimmi rektoriunngitsunik allanik rektoreqarput, taamaammatt ersarilluinnartumik takuneqarsinnaasariaqarpoq, taakku ilinniarfiit Nuup avataaniittut § 1-imut naleqqiullugit inissisimansut.</p>	
10.2		<p>Tusarniaanerup immikkoortua § 2: Bolognami aalajangersakkat naapertorlugit ilanngunneqassaaq, 1 ETCS akunnernut ilinniartup suliffigisaanut 25-niik 30-nut (imaluunniit 28) naleqartoq.</p>	<p>Oqaaseqaat allannguissamik toqqammaviliivoq.</p> <p>Aalajangersakkami ilinniartuunerup ukiumut nalinga ECTS-pointinik qanoq naleqarnerisooq erseqqissaavigissallugu naammannera nalilerneqarpoq.</p>
10.3		<p>Tusarniaanerup immikkoortua § 5: Isumatusaarneruvoq, ingerlaqqittumik ilinniakkat neqeroorutigineqartut Naalakkersuisunik akuerineqartarnissaat. Ilinniakkatigut aqqissuussat ataasiakkaat suliarineqarneri ingerlaavartumillu taakkuninnga allanngui- sarnarit (§ 17, imm. 1) avatangiisinut ilinniaqaqarfiusunut</p>	<p>Oqaaseqaat allannguissamik toqqammaviliinngilaq.</p> <p>Ilinniakkanik aqqissussani avatangiisini ilinniaqaqarfiusuni aqutsisunillu ilinniagalinni suliarineqartarput. Siunnersuummi allannguutitatuavoq naalakkersuisutigoorlutik akuersissutigineqartarnissaat (ilinniartitaanermut naalakkersuisoqarfimmi).</p>

		<p>suliffeqarfii illu aqutsisuinut ilinnia galinnut sulia kkiunnissaat pisariaqarpoq.</p> <p>Professioninullu sammitillugit ilinniakkat (ilaatigut sygeplejerskitut, tusagassiortutut, socialrãdgiveritut ilinniartitsisutullu) akuersissuteqariaatsimut siunnersuutigineqartutut ittumut ikkunneqarnissaat eqqarsaasersuutigisariaqarpoq.</p>	
10.4		<p>Tusarniaa nerup immikkoortua § 4:</p> <p>Ilinniakkat qaffasinnerusut ilisimatusarfimmit neqeroorutigineqarsinnaapput.</p> <p>Imm. 2. Brancheskolit innussutissarsiutinillu ilinniarfiit Naalakkersuisut akuersissutiginninnerisigut ilinniakkanik qaffasinnerusunik neqerooruteqarsinnaapput.</p> <p>Qaffasinnerusumik ilinniakkat brancheskolinik innussutissarsiutinillu ilinniarfiit neqeroorutaat ilinniarfiup ilinniakkatigut sammisaasa iluaniittussaapput.</p>	<p>Oqaaseqaat allannguissamik toqqammaviliinngilaq.</p> <p>Aalajangersakkamik uteqqiineruvoq.</p>
10.5		<p>§ 5. 7) Misilitsinnermi malerua gassat. immikkut akuersissuteqartoqarsinnaanera ersarissarneqarsinnaavoq. (tusarniaa nerup immikkoortuani) § 40-mut aamma ilanngullugu</p>	<p>Oqaaseqaat allannguissamik toqqammaviliinngilaq.</p> <p>Nalunaarusiaq sorleq innersuussutigineqarnerisooq nalorninarpoq. Immikkut akuersissutitaasinnaasut misilitsinnernut tunngasut nalunaarusiami</p>

		<p>allaaserisami allami assersuutigalugu nalunaarusiami allanneqarsinnaanerluni?</p>	<p>malittarisassartaanik aalajangersaaviusumi ersipput. § 39 naapertorlugu immikkut akuersissuteqartoqarsinnaanngilaq. Naalakkersuisulli qaqugukkulluunniit aalajangersinnaapput naammagittaal- liutinik naammagittaalliornissamut killiliusseq qaangerneqareersimagaluar- toq, imaluunniit naammagittaalliutinik inatsisip atuuffiata avataaniikkaluartunik, suliaqarsinnaallutik.</p>
10.6		<p>§ 17, imm. 2, nr. 1: Ilinniakkap taaguutaa danskisuinnaq tuluttuinnarluunniit ersigani aamma kalaallisut ersissaaq.</p>	<p>Oqaaseqaat allannguissamik toqqammaviliivoq.</p> <p>Ilinniakkap taaguutaa aamma kalaallisut ersissasoq, nalunaarusiamut ilanngunneqarpoq.</p>
10.7		<p>Tusariaanerup immikkoortua § 37 Nunani allani najugaqarallartarnissaq ilinniartunik isumassarsia- tsialattut isigineqarpoq. Kiannili pinngitsoorani pisussanngortinneqarnissaa ilinniartut ilaasa mikisunik meeraqarneq pissutigalugu nunani allani najugaqarnissaq naammassiuminaatissavaat. Tamatumalu saniatigut oqaatsitigut eqqortumik piginnaasaqarnissap, danskisut tuluttullu, qulakkeernissaa kissaataa- voq. Nunani allami universitetimi najugaqarnissap ersarissarneqarnissaa.</p>	<p>Oqaaseqaat allannguissamik toqqammaviliinngilaq.</p> <p>Siunnersuut naapertorlugu immikkut akuersissumik qinnuteqarnissaq periarfissaa voq.</p> <p>Universitetimi najugaqarnerusaria- qanngilaq. Siunnersuut naapertorlugu, ilinniartut ataasiarlutik arlaleriarlutil- luunniit suliffimmik misiliillutik nunani aallaniissinnaanerit periarfissaa voq.</p> <p>Oqaatsit eqqarsaatigalugit, siunnersuutip § 6-ia naapertorlugu ilinniarnep suliassartaasa ilassutissaannik ilinniartunut ilinniakkani qaffasinnerusuni tigusaasimasunut ilinniakkamik naammassinninnissaannut pisariaqartitaannik neqerooruteqarnissamik periarfissaqarpoq. Pisariaqartinneqartutut nalilerneqarpat suliffeqarfiit linniartoqarfiusut taamaalillutik ilassutaasunik danskisut tuluttulluunniit atuartitsinernik neqerooruteqarsinnaapput.</p>

10.8		<p>Tusarniaanerup immikkoortuani § 40, imm. 1: Siunnersuut naapertorlugu Ilisimatusarfiup aalajangiin角度neri Naalakkersuisunut maalaarutigineqarsinnaapput. Ilaatigut suliffeqarfiit ilinniartoqarfiusut aalajangiin角度neri ”qinnuteqaatinik itigartitsinerit, pinngitsoorani nunani allaniinnissaq pillugu immikkut akuersisarneq il.il.” maalaarutiginеqarsinnaaneri imm. 2-mut oqaaseqaatini ersippoq. Suliassat taamatut itut Naalakkersuisunik aalajangiiffigineqartarnissaat, tassa naalakkersuisutigortumik, naleqquttuusorineqanngilaq.</p>	<p>Oqaaseqaat allannguissamik toqqammaviliinngilaq.</p> <p>Ilinniartitaanermut Naalakkersuisoqarfiup nalinginnaasumik maalaarutit tamakku aalajangiiffigisarpai.</p> <p>Ilinniartut/qinnuteqartut inatsisitigut pisinnaatitaaffi qulakkeerniarlugit aalajangiussaq ilanngunneqarpoq.</p>
10.9		<p>Tusarniaanerup immikkoortuani § 40 imm. 2: Oqaasertaligaanera uunga allanngortikkusunnaarpoq, piviusunngortinneqarsinnaasut, aamma piviusunngortinneqarsinnaanngitsut.</p>	<p>Oqaaseqaat allannguissamik toqqammavilivoq.</p> <p>Aalajangersakkap oqaasertai allanngortinneqarput imatullu ilillutik:</p> <p>§ 39. Aalajangiinerit ilinniartut qinnuteqartullu inatsisitigut piginnaatitaaffinik kalluaasut, suliffeqarfinnik ilinniagaqarfiusunik aalajangiiffigineqartut Naalakkersuisunut ingerlateqqinneqarsinnaapput. Ulloq aalajangiinermik maalaaruteqartumut</p>

			<p>nalunaaruteqarfiusoq aallarnerfigalugu maalaaruteqarnissamut sapaatit akunneri 4 piffissaliunneqarput.</p> <p><i>Imm. 2.</i> Maalaaruteqarneq kinguartitsinermik sunniuteqarsinnaanngilaq, taamaattoq tak. imm. 3.</p> <p><i>Imm. 3.</i> Naalakkersuisut maalaaruteqarnissamut periarfissat maalaarutillu suliarineqartarnerat aamma maalaarutit aalajangersimasut kinguartitsinermik sunniuteqarsinnaanerit pillugit malittarisassanik aalajangersaasinnaapput.</p>
11	KANUKOKA	Oqaaseqaateqartoqanngilaq	
12.1	AVALAK	<p>Nalinginnaasumik oqaaseqaatit:</p> <p>Kattuffittut nammineq piumassutsimik sulisutut kissaatigisinnaavarput, piginnaasanik nalilersuinermit ilusilianik allanik isumasarsiortoqartarnissaa, tamatumunga ilanngullugit, periutit suliarineqarnissaat avataaniit pitsaassutsimik naliiisoqarnissaa qularnaarlugu. Assersuutigalugu periutit siunnersuisoqatigiit ilinriarfiit assigiinngitsunik pitsaassusiinik misissuiffigisaat. Assersuutigalugu takuuk: http://akkr.dk/akkreditering/AVALAAP tungaaniit pitsaanerpaasorineqarpoq, suliffeqarfiit arlaannaannulluunniit attuumanngitsut pitsaassutsimik qularnaarinernik suliaqarnissaat, Naalakkersuisut annerusumik suliakkilugit ilusiliinermut taarsullugu, ilutigisaanillu inatsi-</p>	<p>Oqaaseqaat allannguinermit kinguneqanngilaq.</p> <p>Suleqatigiissitaliortoqarnikuuvoq pitsaassutsimik qularnaarinissaq pillugu siunnersuisortussamik. Sulissutigineqarpoq Kalaallit Nunaata suliffeqarfimmit ENQA-mit akuerineqarnissaa, tamatumani piumasaavoq arlaannaannulluunniit atanngitsumik pitsaassutsimik qularnaarisarnissaq.</p> <p>Pitsaassutsimik qularnaarisarneq pillugu siunnersuummut nalinginnaasumik oqaaseqaatit takukkit.</p>

		<p>siliornikut qularnaarnagu susassaqtartut assigiinngitsut tusarniaaviginissaat, uani pineqarput suliassaqtartsiffiit, ilinniarfiit ilinniartullu nalinginnaasumik. Tamanna aamma Inatsisartut inatsisisaannut siunnersuummi oqaaseqaatini immikkut ituni ersippoq, tamannalu Kalaallit Nunaanni ilinniakkatigut neqeroorutinut naleqqiullugu tupinnartutut isigaarput.</p>	
12.2		<p>Nalinginnaasumik aamma isumaqarpugut aalajangersakkat amerlasuut nassuia-gaangitsut, ilanngullugit piginnaasallit, saneqqutsitsisinnaanermik malittarisassat il.il.</p>	<p>Oqaaseqaat allannguiner-mik kinguneqanngilaq.</p> <p>Ilinniarfiup nammineq naliligassaraa kikkut immikkut piginnaanilittut isigineqas-sanersut. Tamanna oqaaseqaatini ersippoq.</p> <p>Paasineqanngilaq sanioqqu-tisinnaanermik malittarissat suut pineqarnersut.</p>
12.3		<p>Ilutigisaanik ilinniarumasut piumasaaqatinik allanik tunngaveqarlutik ilinniar-tunngorsinnaanerannut atatil-lugu nalinginnaasumik pi-umasaasunik sanioqqu-tis-sinnaanermik aalajangersak-kat amerlasuut iluarivagut.</p>	<p>Oqaaseqaat allannguiner-mik kinguneqanngilaq.</p>
12.4		<p>Qulequtaani ersittariaqaralu-arpoq pineqartut tassaasut Kalaallit Nunaanni qaffasinnerusumik ilinniakkat.</p>	<p>Oqaaseqaat allannguiner-mik kinguneqanngilaq.</p> <p>Inatsisartut inatsisaat Kalaallit Nunaanni atuuttarput, taamaammallu pisariaqtutut isigineqanngilaq, qulequtaanut ilanngutis-sallugu Kalaallit Nunaanni qaffasinneru-sumik ilinniakkat pineqartut.</p>
12.5		<p>Tusarniaassummi § 1: Nas-</p>	<p>Oqaaseqaat allannguiner-mik ki-</p>

		<p>suiarneqanngilaq ata-qatigiissakkamik aaqqisuussineq qanoq kinguneqasasasoq. Taamaammat aalajangersagaq Naalakkersuisunik pisussaaffiliinngilaq. Kissaatigaarput aalajangersakkap ataani ilassuteqasasasoq, tamatumunnga ilanngullugit: ata-qatigiissakkamik aaqqisuussinerup piler-sinnerani:</p> <p>Imm. 1 Aaqqisuussinerup suliffeqarfiit soqutigisaat pisariaqartitaattullu ilimagisat aallaavigissavai.</p> <p>Imm. 2 Naalakkersuisut aaqqisuussinerminni siunnersuisoqatigiiit sulisitsisunit, Ilisimatusarfimmit, sulisullu kattuffiinit kiisalu ilinniartut siunnersuisoqatigiiivinit ilaasortaqtut tusarniaavigissa-vaat.</p>	<p>nguneqanngilaq.</p> <p>Oqaaseqaatini ersippoq aalajangersagaq qanoq paasineqassanersoq.</p> <p>Aamma ilanngunneqarsinnaavoq ilinnia-gaq nutaaq siunnersuummi § 4 naapertor-lugu akuerineqassatillugu, ilinnia-gaq suliffeqarnermi politikikkut, ani-ngaasaqarnikkut inuiaqatigiinnilu pissu-sitigut pisariaqartutut isigineqassasoq.</p>
12.6		<p>Tusarniaassummi § 3: Eqqumiigivarput, semesteri affaq 20 ECTS-pointinik naleqartinneqarmat. Ilinniar-titsissutit taakkunanilu su-liassat annertussusaat as-sigiittanngillat, taa-maamallu ilinniakkap ilusaa ilinniartup peri-arfissaanut pingaaruteqarlui-narsinnaavoq. Semesterip affap 20 ECTS-pointitut nas-suiarnera ilutigisassanillu nunami allaniinnissap – toqqaannartumik Kalaallit Nunaanni aaqqisuussiner-mut naapertuuttuunngitsup –</p>	<p>Oqaaseqaat allannguiner-mik kingune-qarpoq.</p> <p>Aalajangersagaq allanngortinneqarpoq taamaallaat ersilersillugu ukioq ilinniarfiusoq ECTS-pointinik qassinik naleqarner-soq. Aammattaaq aalajangersa-gaq § 10, imm. 2-mut nuunneqarpoq.</p>

		piumsarinera kingu- nipiloqarsinnaavoq.	
12.7		<p>Tusarniaassummi § 5: AVALAK isumaqartuarpoq siunnersuisoqatigiit ilinniakanik akuersisartuussasut. Siusinnerusukkut misigisarnikuuarput Naalakkersuisut aamma Naalakkersuisoqarfiup nukippassuarnik atuinerat, naapertuuttunik paasissutissarsiorlutik, susassaqarfimmut qularnaatsumut suliaasaq suliaritinnaagu.</p> <p>Imm. 2 – Isumaqarpugut aalajangersagaq eqqumiitsuusoq. Ilinniartitsinermut Pilersaarummi II-mi takutin-neqarpoq, ukiut 10 ilimagisariaqartut nunat tamat akornanni piunasaasartut anguneqarnissaannut. Tamatumallaatut oqaatigalugu nassatarissavaa Inatsisartut inatsisaata atuutinnginnera.</p>	<p>Oqaaseqaat allannguineramik kinguneqanngilaq.</p> <p>Naalakkersuisut (ulluinnarni Naalakkersuisoqarfik) isumaqarunik ilinniakkap akuerinissaanut naammattunik piginnaasaqaratik, ilisimasatik tassunga tungatillugu annikippallaarmata, avataaniit immikkut ilisimasallit iltersuisinnaasut peqataatissavaat. Aammattaaq tamanna pillugu malittarisassaliortoqassaaq, pitsaassutsimik qularnaarinissaq pillugu malittarisassanik aalajangersaasoqarniariapat. ENQA-mit akuerisaassagaanni arlaannaannulluunniit atanngitsumik pitsaassutsimik naliliisartoqarnissaa piunasaavoq.</p> <p>Ilimagineqarpoq oqaaseqaammi uani § 5, imm. 1, nr. 2 nunat tamat akornanni piunasaqaatinut tunngasoq innersuunneqartoq. Ilinniartitsinermit aaqqissugaanerit pillugit akuersisarnissamut tunngasut suliarinerat aallartinnikkuuvoq. Tamanna Ilinniartitsinermit Pilersaarummi ersittutut ukiut 10 missaanni si-visussuseqassaaq. Taamaattoq Naalakkersuisut nakkutigisinnaavaat nunat tamat akornanni piunasaqaatit piviusunngortinneqarsimnersut, Kalaallit Nunaat pisortatigoortumik suli akuerisaanngikkaluartorluunniit.</p>
12.8		<p>Tusarniaassummi § 7: Ilinniartut piginnaaneqarluartut nassuiaataat assut ersernerluttutut isigaarput. Ilinniartoq piginnaaneqarluartoq qanoq nassuiagassava? ECTS-pointinik uuttorneqassava imaluunniit karakteereqaa-</p>	<p>Oqaaseqaat allannguineramik kinguneqanngilaq.</p> <p>Oqaaseqaatini erseqqissarneqarpoq, tamanna ilinniarfiit ataasiakkaat aalajangissagaat.</p>

		<p>taasinnaasut uuttuutigalugit pissava? Nassuiaat ersernerluppoq, naggataatigullu kikkut tamarmik piginnaaneqarlututut isigineqalersissinnaallugit.</p>	
12.9		<p>§ 9: Nalinginnaasumik AVALAAP isumaqatigaa, ilinniakkat neqeroorutaasagunik inatsisitigut tunngaveqartariaqartut naleqqutuullutillu, taamaattoq tamatumaa siunnersuisartoqatigiinnit suliarineqarnissaa kissaatigigaluarparput. Assersuutigalugu takusinnaavarput ukioq manna tusagassiortunngorniarluni qinnuteqartoqanngitsoq, taamaallunilu Naalackersuisut ilinniagaq taanna taamaattup allassinnaavaat.</p> <p>Nalinginnaasumillu kissaatiginartipparput ilinniakkanik aaqqissuussisoqasasooq inuiaqatigiinnut pitsaernerpaasussat eqqarsaatigalugit.</p>	<p>Oqaaseqaat allannguineramik kinguneqanngilaq.</p> <p>Siunnersuummi § 4-p qularnaassavaa, ilinniakkat nutaat suliffeqarnermi politikikkut, aningaasaqarnikkut inuiaqatigiinnilu pissutsit naapertorlugit pisariaqartutut nalilerneqartarnissaat.</p> <p>Tamatuma saniatigut Naalackersuisut ilinniakkamut pioreersumut akuersissut tunuartissinnaavaat siunnersuummi § 9 naapertorlugu.</p>
12.10		<p>§17, imm. 2, nr. 10:) Inassutigaarput malittarisassaaq taanna pitsaannerusumik nassuiarneqassasooq. Assersuutigalugu ilinniartoqartassaaq pisussaaffeqarnertik pissutigalugu peqanngittartunik, soorlu Inatsisartuni aataatsimiititalianut qinigasannngortinnerit il.il., taamaallutillu tamat oqartussaaqataaneranni sunneeqataasunik, toqqaanartumik oqaatiginngikkalu-</p>	<p>Oqaaseqaat allannguineramik kinguneqarpoq.</p> <p>Assersuutissaqarpoq ilinniartunik naapertuuttumut naleqqiullugu ilinniakkani sivisullaamik ilinniartutut allatseqqasartunik, taamaammallu aalajangersagaq siunnersuutigineqarpoq. Aalajangersakkap ilinniartup inuiaqatigiinni peqataanissaa killilissanngilaa, ilinniakkalli ingerlanneqartuarnissaa qularnaassallugu.</p> <p>Sanioqquutitsinnaanermut aalajangersakkat ilinniakkap aaqqissugaanerani allassi-</p>

		<p>arluḡu ilinniakkap naammasinissaa kingusinnerpaaq ullulerneqarmat, tassuunak-kut inuiaqatigiinni peqataanissamut kajumis-suseq peerneqarluni. Sanioq-qutsisisinnaaneq malittarisassaqtariaqarpoq.</p>	<p>masinnaapput, tamannalu aalajangersak-kamut ilanngunneqarpoq.</p>
12.11		<p>§18: Nalinginnaasumik allaserinera naapertorluḡu isumaqarpugut pitsaassutsip qularnaarnissaa suleqatigiinnit arlaannaannulluunniit atanngitsunit isumagineqartariaqartoq.</p>	<p>Oqaaseqaat allannguinermik kinguneqanngilaq.</p> <p>Suleqatigiissitaliortoqarpoq pineqartumut tunngatilluḡu malittarisasioqataasussanik. Malittarisassat qularnaassavaat Kalaallit Nunaata ENQA-mit akuerineqarnissaa. Pilersaarutaa voq arlaannaannulluunniit atanngitsunik pitsaassutsip qularnaarniarnerani peqataasoqartarnissaa.</p>
12.12		<p>§19: Siunnersuutigaarput ima oqaasertaliinissaq: Kalaallit Nunaanni iliniakkanut qinnuteqarnissap killinga. Aammattaaq isumaqarpugut ilinniarfiit qinnuteqaatinik kingusissuk-kut nassiunneqartunik suliarinnikkumasartut, annermik § 9 pissutigalugu ilinniagaq taamaatinneqaaqjaatilluḡu.</p>	<p>Oqaaseqaat allannguinermik kinguneqanngilaq.</p> <p>Inatsisartut inatsisaat Kalaallit Nunaanni atuuttarput, taamaammallu pisariaqartutut isigineqanngilaq, qulequtaanut ilanngutisalluḡu Kalaallit Nunaanni qaffasinnerusumik ilinniakkat pineqartut.</p> <p>Ilinniarfiit imm. 4-mi aalajangersagaq naapertorluḡu toqqarsinnaavaat qinnuteqaat suliariumalluḡu, kingusinaaraluartorluunniit. Kisianni tamanna ilinniartut inatsisitigut piumasarisinnaanngilaat.</p>
12.13		<p>Tusarniaassummi § 37: Allanneqarsimavoq ilinniartut minnerpaamik qaammatini 3-ni nunani allaniissasut. Aalajangersagaq ilalerparput, kissaatiginerugaluarluḡuli § 3-mi ECTS-pointit taaneqartut ingerlanneqarnissaat. Semesterip agguaanis-</p>	<p>Oqaaseqaat allannguinermik kinguneqarpoq.</p> <p>Aalajangersakkamit nunani allaniinnissap sivilissusaa peerneqarpoq.</p> <p>ECTS-pointit aalajangersimasumik amerlassusillit piumasaqaataanerat ilinniakkap aaqqissugaanerani ersissaaq.</p>

		<p>saanut sivilissusiliineq pitsaasuungilaq, tassami nagataagut ilinniakkap ataatsimut ingerlanneranut pingaaruteqartut tassaapput pointit. Taamaalilluni pi-umasarisaaq aamma ECTS-pointinik naleqartariaqarpoq.</p>	
13.1	Ili Ili	<p>§ 17, imm. 2: Ilinniakkap taaguutaa qallunaatut tuluttullu ersissaaq. Kalaallit siulertut allannissaa kissaatigineqarpoq.</p>	<p>Oqaaseqaat allannguineramik kinguneqarpoq.</p> <p>Aalajangersakkamut ilanngunneqarpoq ilinniakkap taaguutaa aamma kalaallisut ersissasoq.</p>
13.2		<p>Ili Ili isumaqarpoq (tusarnia-assummi) § 37 bacheloritut ilinniartut tamarmik nunani allamiinnissaat ajornartorsiutitaqartoq. Tamatumani Ili Ili-p kissaatigaa, siunnersuut allanngussasoq kandidatitut ilinniartunut tunngalersillugu aamma Kalaallit Nunaanni sungiusarluni sulinissaaq namminerluunniit kajumissutsimik sulinissaaq ilanngunneqassasoq, nunami allamiinnerup nalingatut. Taamaattoq periarfissaajuussaaq bacheloritut ilinniartut nunami allamiissinnaanerata, kisianni iliniartunut tamanut pinngitsaaliissutaanngitsumik. Bacheloritut ilinniartut tamaasa nunanut allanukartinneqartassappata annertunerusumik aningaasaliinissaaq kollegianilu inissaqarnissaaq pisariaqarput, tamannalu inatsisissatigut siunnersuummi eqqaaneqanngi-</p>	<p>Oqaaseqaat allannguineramik kinguneqarpoq.</p> <p>Imm. 8.13-imut oqaaseqaatit takukkit.</p>

		<p>laq. Ili ilip siunnersuummi ajornartorsiutit makku erseqqissarumavai:</p> <ul style="list-style-type: none"> ● Kollegiani inissat nunani allani universitetini ilinniartullu paarlaateqatigiittarnisamat ikippallaaqaat, maanami isumaqatigiissutaasut naapertorlugit ilinniartut nunatta avataanukarnerini amerlaqataat nunatsinni aamma inissaqartinneqartussaapput. ● Oqaatsit; Ilisimatusarfimmi ilinniartitsinermi oqaatsit atukkat annermik tassaapput qallunaat oqaasii, taamaallunilu nunanit allanit ilinniartut ilinniartinnissaannut periarfissat killeqassallutik. Ili Ili-p siunnersuutigaa, ilinniartutut paarlaasseqatigiinnermi kollegiani init nunani allamiut inaamik paarlaanneqarsinnaassasut, imaluunniit nunami allamiinnerup nalaani inigisap attartortinnissaa periarfissaqassasoq. 	
14	Aningaasaqarnermut Akilerarutinullu Naalakkersuisoqarfik	AAN annikitsunik naqqiutissaqarpoq, takukkit fiilit ilanngussat, allanillu oqaaseqaatissaqarani.	Oqaaseqaat allannguineramik kinguneqarpoq.
15	Aningaasaqarnermut Sulisoqarnermullu Aqutsisoqarfik	ASA isumaqarpoq suliniutitsialaasoq qaffasinnerusumik ilinniarniakkat ataatsimoortumik inatsisiliunneqarnerat, Ilisimatusarfillu immikkut inatsisiliunneqarluni.	Oqaaseqaat allannguineramik kinguneqanngilaq.

		<p>ASA-p aammattaaq nuannaarutigaa, piimasaammatt qaffasinnerusumik ilinniakkat ilisimatusarnermik tungaveqarnissaat, tamatumaa ikorfartorlugulu nukit-torsarpaa kandidatit bachelorillu ilinniagartuut isumaqatigiissutaannut inissinissaat.</p>	
16	Qeqqata Kommunua	<p>Qeqqata Kommuniata Inatsisit Ilisimatusarfimmut qaffasinnerusumillu ilinniakkanut avinnerat pitsaasutut isigaa.</p> <p>Aammattaaq kommunip tusarniaassummi § 3, imm. 4 taperserpaa, aalajangersakkap Ilisimatusarfiup inuiaqatigiinnut pisussaaf-feqarnera erseqqissarmagu.</p> <p>Taperserparput inatsisikkut Ilisimatusarfiup Kalaallit Nunaanni avataanilu kattuffinnut namminersortunut pisor-tatigoortunullu naleqqiullugu ammaanneqarnera. Pingaartuuvoq ilinniakkat inuiaqatigiinnut avatangiiserisannut naleqqussarnissaat, aamma ilinniakkat suliffeqarfinni pisariaqartitanut naapertuuttuunissaat.</p>	Oqaaseqaatit allannguiner-mik kinguneqanngillat.

Aammattaaq siunnersuut ilassutaasumik tusarniaassutigineqarpoq 11. juni 2018-imiit 6. juli 2018-imut. Siunnersuut siullermik tusarniaanermi tusarniaaffigisanut tusarniaassutigineqarpoq, taamaattoq naalakkersuisoqarfinnut tusarniaaneq naalakkersuisoqarfinnut nutaanut, Naalakkersuisut nutaat pilersinneqarnerisa kingorna atuutilersunut ingerlatinneqarpoq. Kiisalu kommuninik avitsinerup nutaap kinguneraa kommunit nutaat marluk, Kommune Qeqertalik aamma Avannaata Kommunua, ilassutitullu tusarniaanermi taakkua Qaasuitsup Kommunerisimasaa taarserpaat.

Immikkut tusarniaanermut atatillugu uku oqaaseqaatissaqaratik akissuteqarput:

Naalakkersuisut Siulittaasuata Naalakkersuisoqarfia, MIO, GUX Aasiaat, Avannaata Kommunia, Isumaginninnermut Inatsisinillu Atuutsitsinnermut Naalakkersuisoqarfik, ASG, Qitiusumik ilinniarfiit Iisimatusarfiullu Siulersuisui.

Tusarniaaffigisat uku siunnersuummut oqaaseqaateqarput:

Aningaasaqarnermut Naalakkersuisoqarfik, IMAK, Sulisitsisut, Iisimatusarfik, rektor Gitte Adler Reimer aamma direktør Henriette Rosing, Kommune Kujalleq, Iisimatusarfimmi ilisimatusarnermik suliaqartut ilaat Kulturimut, Oqaatsinut Oqaluttuarisaanermullu Institutimi sulisut aamma Inuiaqatigiilerinnermut, Aningaasaqarnermut Tusagassiornermullu Insitutimi sulisut aamma Kommune Qeqertalik.

Nr.	Tusarniaaffigisaq	Tusarniaaffigisap oqaaseqaatai	Akissuteqaammut oqaaseqaatit
1.1	Aningaasaqarnermut Naalakkersuisoqarfik	<p>Siunnersuutip kingunerissavai ukiumut 1.639.750 kr-it 3.045.250 kr-illu akornanni aningaasartuuteqarneruneq, ilinniartut 1. august 2021-mi kingusinnerusumi illuunniit ilinnialersut nunani allaniittarnissaannut aningaasartuutissat.</p> <p>Aningaasartuutit kontut pingaarnerit atorlugit matussuserneqassapput:</p> <p>40.02.06 Stipendiat aamma meeqqanut tapit (Aningaasaliissutit inatsisitigut aalajangersakkat)</p> <p>40.02.07 Immikkut aningaasaliissutit, angalanernut aningaasartuutit il.il., ilinniarfiit (Tapiissutitut aningaasaliissutit)</p> <p>Saniatigut pitsaassutsimik qularnaarinissamut nuna tamakkerlugu instituttimik</p>	<p>Oqaaseqaatit allannguinermik nassataqanngillat.</p> <p>Angalanernut aningaasartuutit aningaasaliissutit iluannit tiguneqarsinnaasutut ilimagineqarpoq.</p> <p>Soorlu tusarniaanermut akissummi ersittoq, pitsaassutsimik qularnaarinissamut aningaasaliissutissat AIS2019-ip tungaanut tulleriissarinissamut ilanngunneqarput, tassanilu suliniut suliniutit allat assigalugit tulleriissarinermut ilanngunneqassalluni.</p> <p>Soorlu siunnersuutip aningaasaqarnikkut kingunerisassaanik allaaserisami eqqaaneqartoq, ilimagisaa voq institutti pilersinneqassasoq 2019-imi</p>

		<p>pilersitsinissaq aningsartuutaassaaq, ukiumut 4 mio. kr-nik aningsartuutaasumik. Aningaasaqarnermut Naalakkersuisoqarfiup maluginiarpaa immikkoortoq taanna kingullermik inatsisissatut siunnersuutip tusarniaassutigineranut naleqqiullugu nutaajusoq.</p> <p>Inatsisissatut siunnersuummut oqaaseqaatini ersingilaq, ilinniartut nunani allaniinnerinut aamma pitsaassutsimik qularnaarinnermut aningsartuutaanerususat aningsaliissutinit pioreersunit tiguneqarnissaat ilimagineqarnersoq imaluunniit ilassutaasunik aningsaliisoqarnissaanik piumasaqaateqarnissaq ilimagisaanersoq.</p> <p>Aningaasaqarnermut Naalakkersuisoqarfiup allappaa, pitsaassutsimik qularnaarinissamut aningsaliussassat AIS2019-ip tunganut tulleriissarinissamut ilanngunneqartut, tassanilu suliniut suliniutit allat assigalugit tulleriissarinermut ilanngunneqassalluni. Aammattaaq Aningaasaqarnermut Naalakkersuisoqarfiup kaammattuutigaa, aningsaat aningsaliissutaasut pioreersut iluanni nassaarineqarnissaannut</p>	<p>ukiakkut, taamaammallu 2019-imi tamakkiisumik ukiumoortumik aningsartuuteqartoqassanngi laq.</p>
--	--	--	---

		periarfissat ugartorneqassasut.	
2.1	IMAK	<p>Siulersuisut siusinnerusukkut tusarniaanermut akissutitik attappaat, aamma immikkoortunut allannguinissamik nassataqartussaannngitsutut Naalakkersuisut isummerfigisaannut naleqqiullugu.</p> <p>Siulersuisut isumaqartuarput universiteti sapinngisamik annertunerpaamik politikikkut akuliuffigineqarna veersaartariaq artoq – minnerunngitsumik namminiileriartornerup ingerlanerani.</p> <p>Aammattaaq siulersuisut isumaqarput qitiusumik ilinniarfinnut assersuussineq eqqunngitsuusoq. Inuiaqatigiinni demokratiskiusuni universiteti arlaannaannulluunniit attuumannngitsoq pingaaruteqarluinnartuuvoq.</p>	<p>Oqaaseqaatit allannguinermik nassataqanngillat.</p> <p>Qulaani skema-mi imm. 6 takuuk.</p> <p>Naalakkersuisut isumaqanngillat siunnersuutip universitetip politikikkut attuumassuteqannginnera annikillisisikkaa.</p>
2.2		<p>Siulersuisut oqaatigaat, siulersuisut oqaatsit atorfinissutaasinnaasumik bachelorit aamma nalinginnaasumik bachelorit atorneqarnerat pillugu oqaaseqaataasa inatsisissatut siunnersuummut oqaaseqaatini allannguinissamik siunnersuut nassatarisimagaat. Tamanna siulersuisut isumaat naapertorlugu naammaginangilaq, atuisunut iluaqutaanngimmat taamaallaat oqaaseqaatini tamanni</p>	<p>Oqaaseqaatit allannguinermik nassataqanngillat.</p> <p>Qulaani skema-mi imm. 6-imut oqaaseqaatit innersuunneqarput, tassani ersippoq IMAK-ip tusarniaanermut akissutaata nassatarigaa oqaaseqaatinik allanngineq.</p> <p>Oqaaseqaatini allannguinerit taamaalilutik aalajangersakkap tunuliaqutai erseqqissarpaat. Inatsisit</p>

		allaqassappat.	oqaasertaasa taamaallaat suut inatsisitigut eqqortuunersut aalajangersartussaammassuk, IMAK-ip inatsisini oqaasertat allanngortinnissaannik kissaataasa maleruarnissaat ajornarpoq.
3.1	Sulisitsisut	<p>§ 2-mut: Akademimi ilinniakkanik (AU) nalinginnaasumik paasinneriaaseq, tassaavoq ilinniaqaq paarlakaattumik ilinniakkatut aaqqissuussaq, sivikitsumilli qaffasinnerusumik ilinniaqaq (KVU) tassaalluni, piffissaq tamaat ilinniarnertut aaqqissuussaq. Taaguutit tamarmik inatsisissatut siunnersuummi ersittariaqarput, imaluunniit paarlaallugu oqaaseqaatini ersittariaqarluni. Taamaangippat "akademi"-mut taarsiuqqarsinnaavoq "inuussutissarsiornermut akademi", tassami inuussutissarsiornermut akademiini ilinniartitaasarput AU-t, KVU-t aamma atorfinissutaasinnaasumik bachelorit.</p>	<p>Oqaaseqaat allannguineramik nassataqarpoq.</p> <p>Siunnersuummi § 14 allanngortinneqarpoq. Akademimi ilinniaqaq allanngortinneqarpoq tassaalersillugu inuussutissarsiornermut akademimi ilinniaqaq.</p> <p>Saniatigut aalajangersakkamut imm. 2 ilanngunneqarpoq, tassanilu erseqqissarneqarluni inuussutissarsiornermut akademimi ilinniaqaq piffissap ilaa ilinniakkatut 60 ECTS-pointinik naleqartutut teoretiskiinnaasutullu neqeroorutigineqarsinnaasoq, ilinniartorlu minnerpaamik ukiumi 2-ni inuussutissarsiummik naapertuuttumik misilitta gaqartariaqartoq.</p>
3.2		<p>§ 11-mut: § 11-mut oqaaseqaatini ersippoq: 2. Ilinniakkat aaqqissuunneqarsimassapput inunnit ilisimatuutut piffissami tassani ingerlatsisooreersunit. 3. Ilinniartut sapinngisamik annertunerpaatigut ilinniartitsisorissavaat inuit</p>	<p>Oqaaseqaatit allannguineramik nassataqanngillat.</p> <p>Bacheloritut ilinniakkat tamarmik ilisimatusarnermik tunngaveqarnissamik piumasagaat piviusunngortittussavaat.</p> <p>Taamaattoq oqaaseqaatini</p>

		<p>ilisimatusarnermik piffissami tassani ingerlatsisooreersut.</p> <p>Qularnarpoq inuussutissarsiutinut akademiit piümasaqaatinik taakkunannga piviusunngortitsisinnaaneratt, taakkunani ilisimatusarnermik ingerlatsisoqartanngimmat, kisiannili ilisimatusarnermut attuumassuteqarlutik. Piümasaqaatit taakku piümasaqaataasariaqanngillat, bachelorit aamma atorfinissutaasinnaasumik bachelorit immikkoortinneqarsinnaanngimmata.</p>	<p>ersippoq pissutsit tulleriiarneqarsimasut tallimat annerusumik minnerusumilluunniit piviusunngortinneqassasut.</p>
4.1	Ilisimatusarfik	<p>Ilisimatusarfiup akineqaquaa, maanna inatsissisatut siunnersuutaasumi, ilinniakkat assigiinngitsut § 5-imi aamma §§ 10-16-imi immikkoortiterneqartut avataanniittut neqeroorutigineqarnissaat inatsitigut tunnga vissaqarnersoq? Assersuutigalugu Ilisimatusarfikkoorlugu ”Najugaq qimannagu isumaginninnermi siunnersortinnegorniarneq” 90 ECTS-inik naleqartoq, toqqaannartumik uku arlaannaannulluunniit ilaangitsaq: bacheloritut, diplomitaarniarluni imaluunniit masteritut ilinniarneq, tassanimi GUX-imi qaffasinnerusumilluunniit ilinniaqqaarsimanissaq</p>	<p>Oqaaseqaatit allannguinermik nassataqanngillat.</p> <p>Ilisimatusarfik pillugu Inatsisartut inatsissisaattut siunnersuummi § 27, imm. 4-mi ersippoq, Ilisimatusarfik isertitsissutaasinnaasunik aamma ingerlataqnik tapiissutitigut aningaasalersorneqartunik ingerlatsisinnaasoq.</p> <p>Ilinniartitsinermik ingerlatat, qaffasinnerusumik ilinniaqaanngitsut, taamaamallu siunnersuummut matumunnga ilaangitsut, Ilisimatusarfimmit neqeroorutigineqarsinnaapput ”ingerlassatut tapiissutinit aningaasalersorneqartutut”, tak. aalajangersagaq qulaani</p>

		<p>piumasaqaataanngilaq. Tamannattaaq atuuppoq pikkorissarnernut ilinniaqqinnernullu allanut tunngatillugu, soorlu Peqqissaasunut intensiv sygeplejemik Immikkut Ilinniaq (90ECTS) imaluunniit Ilinniartitsinermik Ilisimatusarfiup Naalackersuisoqarfik suleqatigalugu pikkorissarnerpassuarnut neqeroorutigisagaanut atatillugu.</p>	<p>taaneqartoq.</p>
4.2		<p>Ilisimatusarfiup aammattaaq eqqaajumavaa, maannakkorpiaq malittarisassaqaannginnatta ilinniakkat marluk ataatsikkut Ilisimatusarfiup ingerlanneqarsinnaanerata pillugu. Ilinniartumiit qinnuteqartoqareernerata kingorna Ilisimatusarfiup Ilinniarnermut Pisortaa IKIIN- imiit ima akineqarpoq: <i>”Naak ilinniartup ilinniakkani marlunni allatseqqanera ilaatigut siunertamut naapertuutissanngikkaluartoq, naalackersuisoqarfiup itigartitsinissaq periarfissaqartutut isiginngilaa, taamaaliornissaq inatsisitigut tunngavissaqaanngimmat. Taamaammat Naalackersuisoqarfik isumaqarpoq akuersisariaqartusi. Taamaattoq Naalackersuisoqarfiup eqqarsaatigiumavaa siunissami</i></p>	<p>Oqaaseqaat allannguineramik nassataqarpoq.</p> <p>§ 32, imm. 1-imi aalajangersarneqarpoq ilinniartut piffissaq tamaat ilinniakkami allami ilinnialertussatut akuerisaasimasut ilinniartussatut akuerineqarsinnaanngitsut, taamaaliornissamut immikkut illuinnartunik peqqutissaqartinnaagu.</p> <p>Tassuunakkut qularnaarneqarpoq ilinniartoq piffissaq tamaat ilinniakkami taamaallaat ataatsimi allatseqqasinnaasoq.</p>

		<p><i>qaninnermi nalunaarutit naapertuuttut iluarsartuuteqqinneranni aaqqiisoqarsinnaanersoq.”</i></p> <p>Taamaalilluni ilisimatusarfiup kissaatigaa, naalackersuisoqarfiup tungaaniit eqqarsaatigineqassasoq, ilinniartup ilinniakkanut qassinut ataatsikkut allatsissimasinnaanerata erseqqissaaviginissaa.</p>	
4.3		<p>§ 3-mut: Ilisimatusarfiup tungaaniit ernummatigineqarpoq, allaqqammat qitiusumik ilinniarfiit qaffasinnerusumik ilinniakkanik neqeroorsinnaasut, qanoq qaffasitsiginissaat nassuiarnagu. Taamaattoq oqaaseqaatini ersippoq, Ilisimatusarfiup avataani ilinniarfiit allat bacheloritut ilinniakkanik neqerooruteqartarnissaat takorloorneqartoq, kingusinnerusukkullu ersippoq kandidatitut ilinniakkat angullugit taamaaliortoqarsinnaasoq. Taamaattoq bacheloritut ilinniakkat annertusarnerisigut ilisimatusarnikkut avatangiiserisassat annertuumik piumasqaateqarfiulissapput.</p> <p>Apeqqutigineqarpoq ilisimatusarnermik tunnga veqarneq inatsisitigoortumik qanoq paasineqarnerasoq, tassami oqaaseqaatini 8.1-imi</p>	<p>Oqaaseqaatit allannguineramik nassataqanngillat.</p> <p>Qitiusumik inuutissarsiutinillu ilinniarfiit ilinniarfiillu allat qaffasinnerusumik ilinniakkanik killiffinni tamani neqeroorsinnaapput, § 4 naapertorlugu taamaaliornissamut akuerisaagunik. Taamaalilluni ilisimatusarnermik tunnga veqarnissamik piumasqaatit piviusunngortittariaqarput ilinniarfiit taakku ilinniakkanik pineqartunik neqeroorsinnaassappata.</p>

		<p>allaqqammat: ” Bacheloritut ilinniarnert... universitetimut inissimasariaqanngillat, ilisimatusarnermut tunngasuunissamut piumasagaatit naammassineqarsimappata”.</p> <p>8.5-imut oqaaseqaatini allasimavoq, ”... atorfeqartut amerlanersaat ilisimatusarnermik tunuliaqutaqarpata, ilinniaq ilisimatusarnermik tunngaveqassaaq ...”</p> <p>Tamanna siusinnerusukkut oqaaseqaatigisanut naapertuutinnigilaq, tassami qupperneq 19-imi allaqqammat:</p> <p><i>”Bacheloritut ilinniagaq siullertut ilisimatusarnermik tunngaveqassaaq. Ilinniakkap ilisimatusarnermik tunngaveqarnerata qanoq paasinissaa oqallisigineqakulavoq, kisiannili nassuiaammik ataasiinnarmik paasineqarsinnaasumik peqanngilaq. Danmarks Akkrediteringsinstitutionip nalunaarusiaani taaguut allaaseriniarlugu misiliisoqarsimavoq, ilisimatusarnermik tunngaveqarnermik oqartoqassappat immikkoortut ilaasariaqartut aallaavigalugit. Ilinniakkat annerusumik minnerusumilluunniit ilisimatusarnermik tunngaveqarsinnaapput,</i></p>	
--	--	---	--

		<p><i>kisiannili nalunaarusiaq pineqartoq naapertorlugu immikkoortut tallimat ilinniakkani annerusumik minnerusumilluunniit ilaasariaqarput:</i></p> <p><i>1. Ilisimatusarnermi sammineqartartut ilinniartitsissutillu immikkoortuisa imminnut ataqatigiinnissaat.</i></p> <p><i>2. Ilinniakkat aaqqissuunneqarsimassapput inunnit ilisimatuutut piffissami tassani ingerlatsisooreersunit.</i></p> <p><i>3. Ilinniartut sapinngisamik annertunerpaatigut ilinniartitsisorissavaat inuit ilisimatusarnermik piffissami tassani ingerlatsisooreersut.</i></p> <p><i>4. Ilinniagaq ilisimatusarnermut piffissami pineqartumi ingerlanneqartumut atasuussaaq.</i></p> <p><i>5. Ilisimatusarnermi avatangiisit ilinniakkap tunuliaqutarisai qaffasissunik pitsaassuseqartuussapput.</i></p> <p>Tamatumani ”ingerlatsisoqarnera” taamaalilluni ersarinnerpaa voq, imaappoq ilisimatusarnermik ingerlatsisoqarnissaa. Immikkoortut tallimat qulaani pineqartut piumasarinerat aamma atorfeqartut amerlanersaasa ilisimatusarnermik tunuliaqutaqarnissaannik ”piumasaqaannarneq” assigiinneqqaat. Ilinniakkanik</p>	
--	--	--	--

		<p>ilisimatusarnermik tunga vilinnik neqeroorsinnaanissamut piumasaqaammi qitiusariaqarpoq ilisimatusarnermik ingerlatsiffiusunik avatangiiseqarnissaq.</p> <p>Aamma ilinniakkat pitsaassusiinik qularnaariniarnermut atatillugu atorfeqartut aallaavigalugit ilisimatusarnermik tunga veqarnerup nassuiarnera ajornartorsiortitsilersinnaavoq, qaffasinnerusumik ilinniarfimmi ilisimatusarnikkut avatangiisit nalilerneqassatillugit.</p> <p>Aammattaaq diplomuddannelsinut imaluunniit sivikinnerusumik qaffasinnerusumik ilinniakkanut naleqqiullugu nassuiarneqarsimanngilaq pineqartoq tasaanersoq ilisimatusarnermut attuumassuteqarneq imaluunniit ilisimatusarnermik tunga veqarneq.</p> <p>Ilisimatusarfiup taamaalilluni ernummatigaa ilisimatusarnermik ilinniakkat nalinginnaasumik annermillu bacheloritut ilinniakkat bacheloritullu taaguutip nalikillisinneqarsinnaanerat.</p>	
4.4		<p>§ 7-imut: Aalajangersakkamut tassunga oqaaseqaatini ammaanmaqarpoq</p>	<p>Oqaaseqaatit allannguinermik nassataqanngillat.</p>

	<p>ilinniartut pikkorissut, soraarummeernerminnut uppernarsaatiminni immikkut ilinniakkamik ingerlatsisimanerminnik uppernarsaaserneqarsinnaanerat.</p> <p>Tamanna bacheloritut ilinniartunut ajornartorsiutaasariaqanngilaq, tassami § 11-mi allaqqavoq ilinnia gaq ”minnerpaamik 180 ECTS-pointinik naleqassasoq. Tamannali ilinniartunut pikkorissunut kandidatitut ilinniartunut ajornartorsiutaalersinnaavoq, tassami § 12-imi aalajangersarneqarpoq ilinnia gaq 120 ECTS pointinik naleqartoq. Taamaalilluni tassuunakkut periarfissaqanngilaq ilinniartut pikkorissut immikkut ECTS pointinik pissarsinissaat, soraarummeernerminni uppernarsaammut allanneqartunik.</p>	<p>Oqaatsip ”immikkut” atonerata takutippaa, ilinniartitsissutit imaluunniit ilinniarnermi ingerlassat aalajangersagaq una malillugu neqeroorutaasut, ilinniakkap aaqqissugaanerani ECTS-pointinik aalajangersarneqartut avataanniissasut. Assersuutigalugu kandidatitut ilinnia gaq 120 ECTS pointinik naleqassaaq, immikkullu ilinniarnermi ingerlatsinernik neqeroortoqarpat, taakkua 120 ECTS pointit qaavisigut tunniunneqassapput.</p>
4.5	<p>§ 11-mut: Oqaaseqaatini ersippoq bacheloritut ilinniakkanit piunasaqaataasoq, ilinniarnernup naammassinerani inuussutissarsiutitaarnissamut piginnaanngorsaassasut ilutigisaanillu kandidatitut ilinniarnissamut piginnaanngorsaallutik. Uani piginnaasassat assigiinngitsut marluk pineqarput, taakkulu ilinniakkat ilaanni angujuminaassinnaapput</p>	<p>Oqaaseqaatit allannguineramik nassataqanngillat.</p> <p>Inatsisini atuuttuni Ilisimatusarfimmi ilinniakkat soraarummeernerillu pillugit nalunaarummi ersereerpoq, Ilisimatusarfimmi bacheloritut ilinniarnernup ilinniartut fagit/ilinniakkat innersuussutigineqartut ilisimasassartaannik, teoriiviniik taakkunanilu periaatsinik tamatigoortumik</p>

		<p>bacheloritut ilinniakkami ukiumik 3-nik sivissusilimmi.</p> <p>Ilisimatusarfik bacheloritut ilinniakkanik neqerooruteqarpoq, ilinniagartuutut piginnaasaqalernissamik qitiutitsisunik, tassanilu pingaarnersaavoq ilinniaqaq tassaassasoq kandidatitut ilinniarnep immikkoortua siulleq, inuussutissarsiuteqalernissamut piareersarnissaq pineqarpallaarani.</p> <p>Naalakkersuisut tungaanniit kissaatigineqarpat Ilisimatusarfiup ilinniartittassagai bachelorit, inuussutissarsiutitaarnissaminut piareeqqallutillu eqqortumik qaffasissusilimmik ilinniagartuutut piginnaasallit, tamanna – atorfinissutaasinnaasumik bachelorinngorniarnertullu – inuutissarsiutinik ingerlatsisunut atassusiinikkut pisariaqarpoq.</p> <p>Imaassinnaavoq ilinniartut bacheloritut gradip angunerata kingorna, qaammatini 6-ini inuussutissarsiutitigut piginnaaneqalernissamut inerisaqqaartariaqartut – kandidatitut ilinniakkami ingerlaqqinnissartik kissaatiginnikkunikku. Tassuunakkut inuussutissarsiulernissamut</p>	<p>paasisimasaqalersissagai pisinnaalersissallugillu sammisamik nassuiaasinnaalernissamut, oqaatiginnissinnaalernissamut, paasiniaaqqissaarsinnaalernissamut ilinniaqqinnissamut imaluunniit inuussutissarsiummik ingerlatsisinnaalersinneqarnermut tungavissinneqarluni.</p> <p>Imaappoq maanna bacheloritut ilinniarnermi pineqartut tamarmik periarfissaqareertussaapput.</p> <p>Ilinniaqaq sunaluunniit qanorluunniit sivissuseqaralaruni inuussutissarsiummik ingerlatsisinnalernermik kinguneqartariaqarpoq. Tamanna aammattaaq ersippoq § 11, imm. 1-imi, tassani ersimmat ilinniaqaq aaqqissugaassasoq immikkoortut naammassisassatullu.</p> <p>Taamaattoq Naalakkersuisut akuerivaat ilinniakkat assigiinngimmata, ilinniakkallu ilaat allanut naleqqiullutik inuussutissarsiummik ingerlatsinissamut annertunerusumik periarfissiisartut, tamannalu aamma atuuppoq kandidatitut ilinnialerniarluni piginnaanngorsarnermut</p>
--	--	--	---

		<p>piareersimanagerat anguneqassaaq</p> <p>Taamatut aaqiinissap pisariaqassusia assersuutigalugu takuneqarsinnaavoq teologiimik ilinniarnermi, bacheloritut angusisut pastoralseminaria naammasseqqaartariaqartarlugu, palasit sulinissartik kissaatigigunikku.</p> <p>Taamaammat Iisimatusarfiup tungaaniit ajornartut isigineqarpoq, bacheloritut ilinniakkanut tamanut inuutissarsiulernissamut piareernissap ilinniagartuutullu eqqortunik piginnaaneqalernissap qularnaarnissaat, immikkut piffissaliillunilu aningaasaliisoqqaartinnagu.</p> <p>Taamaammat siunnersuutigaarput § 11 imm. 3 allamgortinneqassasoq, ilinniartoq bacheloritut ilinniarnermi naammassinerata kingorna inuussutissarsiutitigut piginnaasaqalernissamut periarfissillugu, kandidatitut ilinniakkamut ingerlaqqinnissani kissaatiginnippagu.</p> <p>Naammassinerup kingorna inuussutissarsiulernissamut piareernissap angunissaanik pisariaqartitsineq suli annerulissaaq, tassami § 36-mi nutaami nunani allaniinnissamik piumasagaat (tusarniaanermut allakkiap kingulliup akineqarnera naapertorlugu)</p>	<p>naleqqiullugu.</p> <p>Ilinniarnermi nunami allamiinnissap maanna ilinniarfimmiiinnermi pisartut ilaat taarsissavai.</p> <p>Taamaalilluni ilinniakkami ilikkagassatigut angunia gassat suli anguneqartuartartussaapput. Nunami allaniinnissamik piumasagaateqarnerup siunertaraa ilinniartup ineriartornissaa nunanillu tamanit misilittagaqalernissaa, kisianni teoriip suli allu imminnut ataqatigiissilernerat soorunami aamma nunami allamiinnermut ilaasinnaavoq, assersuutigalugu nunami allami sungiusarluni sulineq pineqarpat.</p>
--	--	---	---

		<p>takorloorneqanngilaq tassaassasoq teoriimik sulinermillu atassusiisussa.</p> <p>Imaappoq Ilisimatusarfiup ilinniartut semesterimi ataatsimi ”annaassagai”, naak tassani inuussutissarsiulernissamut piareersarsinnaagaluartut imaluunniit ilinniagartuutut piginnaanngorsarlutik.</p>	
4.6		<p>§ 36-mut: Ilisimatusarfiup tusarniaanermi siullermit uparuaanini attappaa, tassalu ilinniakkat ilaannut naapertuunnerusoq nunami allamiinnissaq bacheloritut ilinniarnermi pinnani kandidatitut ilinniarnermi pissappat.</p> <p>Bacheloritut ilinniakkat ilaannut nunami allamiinnissap pingitsaaliissutiginnissaa ajornartorsiutitaqartussaa voq, tassami bacheloritut ilinniarnerp semesteriini tamani ilinniartitsissutit pingaarnert immikkut itut aqutigalugit ilinniakkamut atatillugu oqaatsit tunngaviusumillu ilikkagassat ilinniarneqartarput. Bacheloritut ilinniarnermi ilinniartup ilinniakkamut atatillugu oqaatsit ilinniartarpai, piginnaanernik kandidatitut ilinniarluni ingerlaqqinnissamut pisariaqartunik pilersitsisut. Ilisimatusarfiup ernummatigaa ilinniartut tunngaviusumik ilikkagassatik qaffasinnerusumik kandidatitut ilinniarnermi</p>	<p>Oqaaseqaat allannguinermik nassataqarpoq.</p> <p>Imm. 8.14-imut oqaaseqaatit innersuunneqarput. Bacheloritut ilinniakkani tamani nunami allamiinnissamik piunasaqaat attatiinnarneqarpoq</p> <p>Ilinniarnermut tunngatillugu pissutsit innersuullugit sanioqqutitsinissamut periarfissaq ilanngunneqarpoq. Taamaattoq ilinniartut inatsisitigut piunasarinnaavaat nunami allamiinnissaq, taamaammatt sanioqqutitsinissamik qinnuteqaat ilinniartumit namminermit saqqummiunneqassaaq, ilinniarfimmit qinnuteqaataanani.</p>

		<p>pisariaqartut pigiliutissaneraat.</p> <p>Tamanna annermik ernumanarsinnaavoq ilinniakkat ilaanni ilinniartitsissutit ilaat ukioqatigiiaat akimorlugit katigunneqartarmata, taamaammallu ukiut tamaasa neqeroorutaasaratik.</p> <p>Tamatumani ajornartorsiutaa lersinnaavoq ilinniartut ilinniartitsissutini pingaarnerni ilikkagassaasa qularnaarnissaat, nunami allamiinneq ilinniartitsissummut taamatut neqeroorutaasartumut paarlaallugu inissinneqarpat.</p> <p>Taamaalilluni ilinniarnermut atatillugu pissutsit nassatarisinnaavaat, ilinniartut semesterit ilaanni nunami allamiinnissaat inassutigineqarsinnaanngimmat, ilinniartitsissutit neqeroorutigineqartarnerat pissutigalugu. Taamaattorli aamma inuit ataasiakkaat ilinniarnermiinnut atatillugu peqquteqarsinnaanerat takorloorneqarsinnaavoq, nunami allamiinnissap apersuuserteriaqalerneranik kinguneqartumik.</p> <p>Assersuutigalugu ilinniartoq ilinniarnermi kinguaattooqqappat, soorlu soraarummeersimanissanik amigaateqarnini pissutigalugu, takorloorneqarsinnaavoq nunami allamiinnissap ajornartorsiutaa lersinnaanera.</p>	
--	--	---	--

		<p>Taamaammat paarlaallugu nunami allamiinnissaq neqeroorutigineqarsinnaavoq, ilinniartut ataasiakkaat nalilersoreernerisigut – ilinniartitsisumit imaluunniit ilinniarnermi ilitsersuisumit – tassuunakkut aalajangersinnaajumallugu ilinniartuq qaqugukkut nunami allamiinnissaminut piareeqqanersoq.</p> <p>Kisianni ilinniartitsisup ilinniarnermilu ilitsersuisup naliliineq taamaattoq ingerlassinnaassappassuk, piumasaqaatillu sanioqqunnissaanut periarfissiillutik, siunnersuutigineqarpoq ilinniarfiit § 36, imm. 4-mi sanioqqutitsinissamut periarfissaannut ilannguneqassasoq ”ilinniarnermut tunngatillugu pissutsit”.</p>	
5.1	Kommune Kujalleq	<p>Kommuni isumaqarpoq pissusissamisoortuunngitsoq naammagittaalliutit tunnga viatigut kinguartitsinermik sunniuteqarsinnaannginnerat.</p> <p>Taamaattoq kommunip eqqaasitsisutigaa ingerlatsinermi inatsisitigut malittarisassat nalinginnaasut naapertorlugit, kinguartitsinermik sunniuteqartitsisinnaannginneq</p>	<p>Oqaaseqaatit allannguineramik nassataqanngillat.</p> <p>Aalajangersakkap ikkuneratigut siunertaa voq, naammagittaalliutit kinguartitsinermik sunniuteqarsinnaannginnissaat. Naammagittaalliutit aalajangersimasut kinguartitsinermik sunniuteqarsinnaassappata, tamanna ersersillugu inatsisitigut</p>

		<p>inatsisitigut malittarisassa qaraluarpa llunniit , pisortat - illuatungeriit isumaqatigin ninnerisa avataasigut – naammagitta alliummik kinguartitsinermik sunniuteqartitsinna nerat periarfissa mmat. Ingerlatsinermi malittarisassa q nalinginnaasoq tamanna inatsisissatut siunnersuummut oqaaseqaatini nassuiartariaqarpoq.</p>	<p>maleruagassi uuttariaqarpoq, aalajangersakkami imm. 3 naapertorlugu.</p>
6.1	<p>Ilisimatusarfimmi ilisimatusarnermi k suliaqartut ilaat Kulturimut, Oqaatsinut Oqaluttuarisaaner mullu Instituttimi sulisut aamma Inuiaqatigiileriner mut, Aningaasaqarner mut Tusagassiornermu llu Insituttimi sulisut (instituttini pisortaangitsut)</p>	<p>Tusarniaa ner mut akissummi oqaaseqaatip siulliup naalisarnera :</p> <p>Eqqaaneqarpoq atorfinissutaasinnaasumik bachelorit nalinginnaasumillu bachelorit suli assigiinngissuteqaqisut. Tamanna ilaatigut takuneqarsinnaavoq ilinniakkani assigiinngitsuni ilisimatusarnikkut ukiumoortunngorlugit suliasat amerlassusaannut aamma ilinniartitsinerit ukiumoortunngorlugit naatsorsornerinut naleqqiullugu. Assigiinngissutsit aammattaaq takuneqarsinnaapput ilinniakkani pingaarnertut ilinniartut kandidatitut ilinniarnissamut piareersartussa anerinut imalunniit naammassinermi inuussutissarsiornermik ingerlatsilertussa anerinut naleqqiullugu.</p>	<p>Oqaaseqaatit allannguiner mik nassataqanngillat.</p> <p>Bacheloritut ilinniakkani ilisimatusarnermik tunnga veqarnerup annertussaa assigiinngissuteqartussaa voq. Tamanna takuneqarsinnaavoq bacheloritut ilinniakkani Ilisimatusarfimmit neqeroorutaasuni aamma bacheloritut ilinniakkani qitiusumik ilinniarninnit neqeroorutaasuni. Assigiinngissuseq tamanna piffissap ingerlanerani annikillisinneqartussaa voq. Pingaarnarpaarli tassaavoq ilisimatusarnermik tunnga veqar neq minnerpa affeqartussaa mmat, tassuunakkullu ilinniakkat akuerineqarsinnaassallutik, nunat tamat akornanni tunnga viusartut naapertuussutsillu piviusunngortissinnaaqqullu-</p>

		<p>Tamatuma saniatigut eqqaaneqarpoq atorfinissutaasinnaasumik bachelorit ilinniagartuutullu bachelorit assigiinngissikkunnaarnissaanut tunngavigineqartut saqqummiunneqartut kukkusuusut.</p> <p>Taamaammat inassutigineqarpoq bachelorit ilinniakkat pineqartut marluk assigiinngisinneqartuassasut.</p>	git.
6.2		<p>§ 11, imm. 1-imut: Aalajangersarneqarpoq bachelorit ilinniakkamut ilaasut "minnerpaamik ECTS-pointit 180-it", ilutigisaanillu § 10, imm. 1-imi aalajangersarneqarluni qaffasinnerusumik ilinniakkat tassaasut "aalajangersimasunik ECTS-pointillit."</p> <p>§ 11 imm. 1 oqaasertalertariaqarpoq § 10 imm. 1-imut naapertuuttunngorlugu, tassuunalu ersersillugu bachelorit ilinniagaq ECTS-pointinik aalajangersimasunik naleqartoq.</p>	<p>Oqaaseqaatit allannguinermik nassataqanngillat.</p> <p>Oqaasertaliussat "aalajangersimasunik ECTS-pointillit" ECTS-pointit minnerpaaffilernissaat akornusinngilaat.</p>
6.3		<p>§ 11, imm. 2, 3-mut: Siunnersuutigineqarpoq oqaaseq "amma" taarserneqassasoq uannga: "imaluunniit", oqaaseqatigiit imaalersillugit: "Ilinniartup inuutissarsiutini suliassanik ingerlatsisinnaalernissaanut imaluunniit kandidatit</p>	<p>Oqaaseqaatit siunnersuummi allannguinermik kinguneqanngillat.</p> <p>Oqaasertaliussat ima paasineqassapput inuussutissarsiuteqarnissamut piginnaasaqalissagaanni kandidatit ilinniaqqaartoqar-</p>

		<p>ilinniakkami ilinnialernissaanut tunnga vissinnissaa.” Taamatut allannguinerup kingunerissavaa Ilisimatusarfiup suleriaasiata inatsisinik tunnga veqartuaannarnissaa, uagutsinnullu periarfissaajuassaaq ilinniartitatsinnik sulisitsisartut peqatigalugit bacheloritut kandidatitullu ilinniakkanik ingerlatseqqillutalu inerisaajuarnissarput. Oqaaseqaatini qup. 20-mi, oqaaseqaat. 8.7-imi inatsisiliortut kandidatitut ilinniartitsinigut pillugit nikassaasutut isiginnipput: ”Kandidatinngorniarluni ingerlaqqinnissaq pinngitsaaliissutaanngilaq bacheloritut ilinnia gaqarniaraanni.” Oqaasertaliussat tulluarpallaanngillat; ilisimaneqartutut kikkulluunniit ilinniarnissaminnut ilinniakkamilluunniit naammassinissaanut pinngitsaali neqanngillat, kisianni inuiaqatigiit soqutigisaraat taamaaliornissaat.</p>	<p>tariaqanngitsoq.</p>
6.4		<p>§ 17, imm. 1-imut: Oqaaseqatigiit kingullit nungutertariaqarput, ilinniakkap aaqqissugaaneri taakkunanilu allannguutit pingaarutillit Naalakkersuisunit akuerineqartussaajunnaarlugit. Naalakkersuisunit suliaasariaqanngilaq, ilinniakkap aaqqissugaaneririk</p>	<p>Oqaaseqaatit allannguinermik nassataqanngillat.</p> <p>Takukkit imm. 6.1-imut aamma 8.11-mut oqaaseqaatit qulaaniittut.</p>

		<p>akuersisartuunissaq, aammami Naalakkersuisut Ilisimatusarfimmi ilinniakkanik nakkutilliinissaannut pitsaanerusunik periarfissaqarpoq. Aammattaaq ilinniakkat aaqqissugaanerini taakkunanilu allannguutiniq suliaqartarnej pisarioreeqaaq. Aamma arlalitsigut nalilernej ajornassaaq, ilinniakkap aaqqissugaanerani allannguut ima pingaaruteqartiginersoq, allaat Naalakkersuisut akuliutsinneqartariaqarlutik. Oqaaseqaatini oqaasertaliussat: ”Allannguutit annertunerusut assersuutigalugu tassaasinnaapput... nalinginnaasumik allannguutit ilinniartunut ataasiakkaanut sunniuteqartussat.” (qupp. 51-52) iluaqutaanngillat. Tassami ilinniakkat aaqqissugaanerini allannguutit tamarmik, ilinniartunut ataasiakkaanut pingaaruteqarput.</p>	
6.5		<p>§ 31, imm. 1-imut: Ukiunik marlunnik malittarisassaliineq qasukkartariaqarpoq. Ilinnialernissamut piunasaqaatit ilinniakkat aaqqissugaaneranni aalajangersarneqartarput, suliaq sivirusooq pisariusorlu aqutigalugu, tamatumalu kingorna aalajangersagaq una naapertorlugu suli ukiut marluk aatsaat qaangiunneranni atuutilissallutik. Tamatuma ilinniakkat aaqqissugaaneriniq inerisaalluni suliaqartarnej</p>	<p>Oqaaseqaatit allannguinermik nassataqanngillat.</p> <p>Ilinnialerumallutik qinnuteqartut ilinnialissutaasinnaasumik soraarummeernissaminnik ilinnialernissamut piunasaqaatinut naleqqussaasinnaanissaat qularnaarumallugu, ilisimatitsinissamut taamatut piffissaliinissaq pisariaqarpoq.</p>

		<p>pisarioreersoq pisariaqartorlu annertuumik kinguarsassavaa pisariunerulersillugulu.</p>	
6.6		<p>§ 36-inut: Nunami allamiinnissamik piunasaqaat qasukkartinneqartariaqarpoq, ilinnia gartuutut bachelorinnigorniat toqqaasinnaatillugit bacheloritut ilinniarnerminni nunami allamiinnissamut taarsiullugu kandidatinnigorniarnerminni nunami allami ilinniarumanerlutik. Amerlasuunut naapertuunerujussuusava voq pissarsinarnerullunilu assersuutigalugu nunami allamiinnermut atatillugu tamatumaluunniit nanginneratut specialiliornissaq.</p>	<p>Oqaaseqaatit allannguineramik nassataqanngillat.</p> <p>Qulaani imm. 8.14-mut skemami oqaaseqaatit takukkit.</p>
7.1	Kommune Qeqertalik	<p>Ilinniartunut ilinniakkamik sammiviannut naleqqiullugu pisortani ingerlatsivinni sungiusarlutik sulisinnaanissamut periarfissinnissaat qularnaartariaqarpoq.</p>	<p>Oqaaseqaatit allannguineramik nassataqanngillat.</p> <p>Qaffasinnerusumik ilinniakkat amerlanersaat tassaapput ilinniakkat teoretiskiinna viusut, sungiusarluni sulinertaqanngitsut. Ilinniakkanut sungiusarluni sulinertalinnut atatillugu, ilinniarfiup aalajangissavaa, ilinnialernissamut piunasaqaataassanersoq sungiusarluni suliffissarsisimanissaq.</p>

Siunnersuummi aalajangersakkanut ataasiakkaanut oqaaseqaatit

§ 1-imut

Imm. 1-imut

Aalajangersakkami aalajangersarneqarpoq Inatsisartut inatsisaata suna atuuffissarineraa. Inatsisartut inatsisaata qaffasinnerusumik ilinniakkani, Kalaallit Nunaanni neqeroorutaasartuni, tamani pissutsit malittarisassiuuppai, apeqqutaatinnagu Ilisimatusarfimmit, qitiusumik inuutissarsiutinillu ilinniarfinnit ilinniarfinnilluunniit allanit neqeroorutaanerat.

Imm. 2-mut

Aalajangersakkami nassuiarneqarpoq qaffasinnerusumik ilinniakkat qanoq paasineqassanersut. Qaffasinnerusumik ilinniagaq annerusumik teoretiskiuvoq atuagarsornerullunilu, inuutissarsiummilli ilinniagaq annerusumik assassoriaanersutut isigineqarluni.

Qaffasinnerusumik ilinniakkami ilinnialernissamut piumasaavoq, qinnuteqartup ilinniarneruunngorniarfimmi ilinniarsimanissaa, tamatumunnga ilanngullugit immikkut aaqqissuussamik ilinniarneruutut ilinniarneq imaluunniit inuutissarsiummik ilinniagaqarneq.

Inatsisartut inatsisaanni matumani qaffasinnerusumik ilinniakkanut ilaapput bacheloritut, kandidatitut, ph.d-tut, qaffasinnerusumik inuussutissarsiutigalugu ilinniarititaanermit diplomitaarniarluni aamma masteritut ilinniakkat. Ilinniakkat ataasiakkaat itisilerneritut §§ 11-16-imi immikkut oqaaseqaatit innersuunneqarput, tassani ilinniakkat imarisaat siunertaallu ersimmata.

Qaffasinnerusumik ilinniakkat Inuuneq naallugu ilinniarnermut Pitsaassusissanut Sinaakkusiussat (Kvalifikationsrammen for Livslang Læring) killiffinnut 5, 6, 7 aamma 8-mut inissinneqarput. Pitsaassusissanut sinaakkusiussat itisilernerat pillugu nalinginnaasumik oqaaseqaatit innersuunneqarput.

§ 2-mut

Imm. 1-imut

Aalajangersakkami ersippoq, Naalakkersuisut qaffasinnerusumik ilinniakkat ataatsimoortumik aaqqissuutissagaat. Tamatuma kinguneraa Naalakkersuisut Inatsisartut inatsisaat manna aallaavigalugu qaffasinnerusumik ilinniakkanik aaqqissuussinerit ataqatigiissassammattigit, taakkulu siunnersuut naapertorlugu Ilisimatusarfimmit, qitiusumik aamma inuutissarsiutinik ilinniarfinnit ilinniarfinnillu allanit akuersissuteqartoqareernerata kingorna neqeroorutigineqarsinnaapput.

§ 3-mut

Aalajangersakkami aalajangiunneqarpoq ilinniarfiit suut qaffasinnerusumik ilinniakkanik neqerooruteqarsinnaanersut.

Imm. 1-imut

Qaffasinnerusumik ilinniakkat Ilisimatusarfimmit neqeroorutigineqarsinnaapput. Ilisimatusarfiup ilaatigut siunertaraa nunarsuarmiuni ingerlatsinerit qaffasinnerpaat naligisaannik ilisimatusarnermik tunngavilimmik ilinniakkanik neqerooruteqartarneq.

Imm. 2-mut

Qitiusumik Ilinniarfiit aamma Inuutissarsiutinik Ilinniarfiit pilersinneqarsimapput inuutissarsiutinik ilinniakkanik neqerooruteqartartutut, qaffasinnerusumik ilinniakkaniunngitsoq. Taamaattumik piumasaqaataavoq immikkut akuersissummik peqarnissaq qitiusumik ilinniarfiit aamma inuutissarsiutinik ilinniarfiit piginnaatinneqassappata qaffasinnerusumik ilinniakkanik neqerooruteqartarnissamut.

Siunnersuutigineqarpoq ilinniakkat qitiusumik ilinniarfinnit aamma inuutissarsiutinik ilinniarfinnit akuersissummik piniareernikkut neqeroorutigisinnaasassaasat killilerneqassasut ilinniarfiit suliassaqarfiinut. Taamaalillunilu aalajangiunneqassaaq ilinniarfik nalinginnaasumik inuutissarsiutinik ilinniartitaanerni savimini lerinermi ilinniakkanik suliqartartoq neqeroorsinnaanngitsoq perorsaanermi ilinniakkanik. Piumasaqaatip assinga ilinniarfinnut allanut aalajangersarneqanngilaq, nalorninarmat ilinniarfiit sorliit pineqarsinnaaneri.

Ilinniarfiit allat aamma qaffasinnerusumik ilinniakkanik neqeroornissamut Naalakkersuisunit akuerineqarsinnaapput. Tamanna aalajangiunneqarpoq qularnaarumallugu, siunissami ilinniarfiit allat Inatsisartut inatsisaannut ilaalersinnaanissaat, ilinniarfinnik allatut ilusilinnik pilersitsisoqassappat.

Imm. 3-mut

Siunnersuutigineqarpoq piginnaatitsissummik aalajangersagaliorneq, taannalu naapertorlugu Naalakkersuisut malittarisassiorsinnaallutik soraarummeertarnernut aamma qaffasinnerusumik ilinniakkanik neqerooruteqartarnernut tunngasuni.

Aamma allaaserineqarput qaffasinnerusumik ilinniakkanik neqerooruteqartarnermi malittarisassat sunut tunngasuusinnaanerinik assersuutit. Assersuutigalugu piffissaq tamaat piffissalluunniit ilaa ilinniakkat neqeroorutigineqartarneri pillugit malittarisassanik aalajangersaasoqarsinnaavoq. Kapitali 2-mi ilinniakkat imarisaat pillugit immikkoortumi ersippoq ilinniakkat nalinginnaasumik qanoq neqeroorutigineqartassanersut. Assersuutigalugu bacheloritut kandidatitullu ilinniakkat aallaavittut piffissaq tamaat ilinniakkatut neqeroorutigineqartarput, masteritulli ilinniakkat nalinginnaasumik piffissap ilaa ilinniakkatut

neqeroorutigineqartarlutik. Naalakkersuisut tamakkua pillugit ersarinnerusunik maleruagassiorsinnaapput.

Pineqartut saniatigut aamma siunnersuutigineqarpoq Naalakkersuisut ungasissuniit ilinniartitsisarneq pillugu malittarisassanik aalajangersaasinnaasut. Ineriartorneq imaappoq ilinniakkat amerliartuinnartut ungasianiit ilinniakkatut neqeroorutigineqartarlutik, taamaammallu siunertamut naapertuuttut isigineqarpoq tamanna pillugu malittarisassanik aalajangersaanissamut periarfissamik ammaassinisaaq.

Aammattaaq Naalakkersuisut ilinniakkap neqeroorutigineqarsaanik akuersissuteqarnisaaq, tak. § 4, aamma ilinniakkap akuersissutigisimaneranik tunuartitsisinnaaneq, tak. § 9, pillugit malittarisassanik aalajangersaasinnaapput. Malittarisassanut ilaasinnaapput, ilinniakkamik neqerooruteqarsinnaanissamik qinnuteqaatip ilusissaanut piumasaqaatit, qinnuteqarnissamut piffissaliussat pillugit malittarisassat, akuersissutaareersup tunuartinisaa pillugu ilimasaarinissamut piffissaliussat il.il.

Aammattaaq Naalakkersuisut ilinniartitsissutit ataasiakkaat aamma ilinniartitsissutini ataasiakkaanut tunngasunik pikkorissarnerit neqeroorutigisarneri, tak. § 5, aamma naammatusaammik ilinniartitsinerit immikkullu ilinniartitsinerit ingerlatsinerit, tak. §§ 6 aamma 7, pillugit malittarisassanik aalajangersaasinnaapput.

Assersuutitut kingullertut Naalakkersuisut pisinnaatinneqarput nunani allani ilinniarneq pillugu malittarisassanik aalajangersaanissamut. Malittarisassanut ilaatigut ilaasinnaapput joint degree, double aamma multiple degree, suleqatigiinnermut imminnermut tunngasut aamma ilinniartup soraarummeernerit uppersaammik ataatsimik amerlanernilluunniit pisinnaatitaaneranut tunngasut, suleqatigiinnerup qanoq iluseqarnera apequtaatillugu.

§ 4-mut

Imm. 1-imut

Aalajangersakkami uani ersippoq, qaffasinnerusumik ilinniakkamik Naalakkersuisut akuersissappata piumasaqaatit suut piviusunngortinneqarsimassanersut.

Nr. 1-imut

Ilinniakkamik nutaamik akuersisoqarnissaani piumasaqaataavoq ilinniakkamik assingusumik Kalaallit Nunaanni ilinniarfinni allani ingerlatsisoqanninnisaa. Kalaallit Nunaat innuttaqassutsimigut nunaavoq mikisoq, taamaattumillu siunertamut naapertuuttut isigineqarani ilinniartussanik, ilinniartitsisunik allatigullu nukinnik atugassanik ilinniarfiit imminnut unammillernisaaq, taamalu nukit ilinniartitsinerit atugassat pisariaqanngitsumik siammartiinnarneqarnisaaq. Tamatumunnga ilanngullugu oqaatigineqassaaq, iluaqutaasarmat ilisimasanik immikkuullarissunik assigiinngitsuni nassaassaasunik sumiiffimmi

ataatsimoortitsisarneq, taamaalillunilu ilisimasatigut avatangiisinik ataatsimoorfiusunik nukittuunillu pilersitsisarneq.

Taamaattoq aalajangersakkap imm. 2-ani siunnersuutigineqarpoq saneqqutsisinnaanermut periarfissaqartitsisoqarnissaa. Tamatumunnga oqaaseqaatit paasissutissat takukkit itsisiliiumallutit.

Nr. 2-mut

Ilinniakkami nunat tamat akornanni pitsaassusissatut pitsaassutsimillu qularnaarinissamik aalajangersakkat maleruarneqassapput, taamaalilluni piginnaasanik pigilikkanik nuussisinnaaneq, ilinniartunik paarlaasseqatigiittarneq aamma nunat tamat akornanni akuerisaaneq anguneqarsinnaaqqullugit. Maanna tamatumunnga qularnaarisunik malittarisassaqqanngilaq. Taamaattoq Naalackersuisut nakkutigiuassavaat, pitsaassuseq pitsaassutsimillu qularnaarineq pillugit nunat tamat akornanni maleruarneqartut eqquutinneqarnissaat. Assersuutigalugu ECTS-pointit pillugit malittarisassat maleruarneqartussaapput.

Nr. 3-mut

Ilinniakkap akuerineqarsinnaaneranut piumasaqaataasoq kingulleq tassaavoq ilinniagaq suliffeqarnermi pissutsit tunngavigalugit, aningaasarsiornermi inuiaqatigiinnilu isiginiagassat tunngavigalugit pisariaqartutut isigineqassammat. Taamaalilluni ataatsimoortumik nalilersuisoqassaaq ilinniakkap suliffeqarnermi politikkimut, aningaasarsiornermut inuiaqatigiinnilu naleqartitanut Kalaallit Nunaanni atuuttunut atasumik. Aalajangersakkap qularnaassavaa ilinniakkanik pilersitsisoqassanngitsoq Kalaallit Nunaanut iluaqutaasussaannngitsunik imaluunniit annikitsuinnartigut naleqartunik.

Imm. 2-mut

Aalajangersakkami nalunaarneqarpoq piginnaatitsissut ilinniarfinni allani nunatsinni ilinniakkat assigisaat neqeroorutigineqarsinnaannginnissaat saneqqunneqarsinnaasoq. Taanna atorneqarsinnaasutut naatsorsuunneqarpoq pisuni, ilinniakkamik aalajangersimasumik ilinniagalinnik annertuumik pisariaqartitsisoqartillugu imaluunniit soqutiginnittoqartillugu, tunngavissaqarpat ilinniarfiit allat ilinniakkap assinganik neqerooruteqartarnissaat.

Imm. 3-mut

Siunnersuutigineqarpoq aalajangersagaqassasoq imm. 1 naapertorlugu akuersinissamut atugassarititaasunik aalajangersaasarsinnaanermut. Atugassarititaasutut assersuutigineqarsinnaavoq ukiualuit qaangiunneranni nalilersuisoqarnissaa, anguniakkanik qanoq angusaqartoqarsimaneranik, tamatumunnga ilanngullugit ilinniakkami naammassisut amerlassusaannik assigisaanilluunniit, soorlu sulisuusunut atugassarititaasunik.

§ 5-imut

Imm. 1-imut

Aalajangersakkap ammaappaa, ilinniarfiit manna qaffasinnerusumik ilinniakkani neqeroorutigineqartuni ilinniartitsissutinik ataasiakkaanik imaluunniit pikkorissarnernik ilinniartitsissutinut ataasiakkaanut tunngasunik neqeroorsinnaanerit. Taamaattoq tamanna atuutinngilaq ph-d-tut ilinniakkamut naleqqiullugu. Ph.d-tut ilinniakkap aalajangersakkami ilaanginneranut pissutaavoq, taanna ilinniakkanit allanit malunnaatilmik allaanerusumik sannaqarmat, annermillu tassaalluni ilisimatusarneq.

Ilinniartitsissutit imaluunniit pikkorissarnerit ilinniartitsissutinut tunngasut pitsaassusaat akuerisaassaaq, tassami taakku taamaallaat neqeroorutaasinnaapput ilinniakkat pioreersut akornanit, tak. § 4.

Aalajangersagaq ilaatigut isumaliutaavoq atorneqartussatut kandidatitut ilinniakkami ilinniartussanik akuersinermi piumasagaatini aalajangersagaammat ilinniartup bacheloritut ilinniartitsissutit aalajangersimasut naammasisimassagai. Taamaalilluni bachelorinut ilinniartitsissutit neqeroorutigineqarsinnaapput.

Saniatigut aalajangersagaq atorsinnaavoq, ilinniarfiit bacheloritut ilinniakkamit ilinniartitsissutinik ataasiakkaanik ilinniartunut inuusuttunut ilinniarfinneersunut immikkullu piginnaanilinnut neqeroorneranni. Ilinniartut immikkut piginnaanillit ajunngitsorsiasaqartinnissaat maannamut periarfissaqarsimannngilaq. Inatsisiliornermut imaattumik ilanngussinikkut periarfissaalissaaq bacheloritut ilinniartitsissutit ilinniarneruunngorniarfinni ilinniartunut neqeroorsinnaaneq.

Aammattaaq takorloorneqarsinnaavoq aalajangersagaq atorneqartoq, ilinniakkami inuttaqanngitsunik inissaqartillugu. Ilinniarfiit ilinniartitsissutit taakku neqeroorutiginnissaat toqqarsinnaavaat inunnut ilinniakkamut allatsissimannngitsunut, kisianni ilinniartitsissutini pikkorissarnerniluunniit ataasiakkaani itisilerinissaminnik kissaateqartunut.

Imm. 2-mut

Aalajangersakkap matuma ilinniarfiit periarfissippai ilinniartitsissutini pikkorissarnernilu ilinniartitsissutinut tunngasuni imm. 1-imi eqqaaneqartuni peqataanermut ilinniarnermut akiliummik akiligassinissaanut.

§ 6-imut

Imm. 1-imut

Siunnersuutigineqarpoq ilinniarfiit ilinniartunit qaffasinnerusumik ilinniakkani ilinniartussatut akuerisaasunut naammatusaammik ilinniartitsinernik ingerlatsinissamik neqeroorsinnaassasut. Ilinniarfiit assersuutigalugu neqeroorutiginnissaavaat oqaatsinik immikkut ilinniartitsinissat, naliliisoqaraangat ilinniartut immikkut ilinniarinneqarnissamik pisariaqartitsisut, ilinniartut ilinniakkaminnik naammassinnissinnaassusiat annertunerulersikkumallugu. Aamma

takorloorneqarsinnaavoq qarasaasiakkut atortorissaarutit aalajangersimasut, allannermi periutsit assigisaasaluunniit naammattusaammik ilinniartitsissutiginnissaat pisariaqartinneqartoq.

Matumani pineqanngillat ilinniartitsissutit ECTS-poitinnassutaasinnaasut. Aamma ilinniartitsissutit soraarummeernermit uppersaasumut ilanngunneqarsinnaanngillat. Taamaallaat pineqartoq tassaassaaq tapertaliussaasumik ilinniartitsineq, ilinniartup ilinniakkaminik naammassinninnissaminut periarfissaanik pitsamngorsaasoq.

§ 7-imut

Imm. 1-imut

Soraarummeernermit uppersaasut uppersaasartarpaat, ilinniartup ilinniartitsissutinik ilinniakkamut akuerisaasumut ilaasunik aamma ilinniakkap aqqissugaanerani allaaserineqartutut ilinniakkamut taaguummik atuisinnaalersitsisumik angusisimanagera. Aalajangersakkakut siunnersuutigineqarpoq, ilinniartunut bacheloritut kandidatitulluunniit ilinniakkani ilinniartussatut akuerisaasunut piginnaaneqarluartunut immikkut ilinniartitsinernik ingerlatsisoqarsinnaassasoq. Tassuunakkut ammaaneqarpoq tamatuma soraarummeernermit uppersaasumit allanneqarsinnaanera. Taamaalilluni immikkut ilinniartitsinermik ingerlatsisoqarsinnaanerata tungavissinneqarnerata malitsigaa, tamatumani angusaasut soraarummeernermit uppersaasumit ilanngunneqarsinnaanerat.

Taamaalillunilu ilinniarfiit aamma periarfissaqalerput akuerisassallugit ilinniartut pikkorissut immikkullu ilinniakkaminik ingerlatsinissaminut piimassuseqarluartut, soraarummeernermit uppersaasumit angusaqarluarnerannik nersualaassallugit. Qanoq aqqissuussamik soraarummeernermit uppersaasumit nalunaarsuisoqassanersoq allatigulluunniit nersorinninniaasoqassanersoq ilinniarfiit ataasiakkaat namminneq aalajangersaavigisassavaat. Aammattaaq ilinniarfiit ataasiakkaat namminneq aalajangissavaat, qaqugukkut ilinniartut piginnaaneqarluartutut nalilernerqartassanersut.

§ 8-mut

Imm. 1-imut

Aalajangersakkami ersippoq ilinniarfiit ilinniakkap ilaanik neqerooruteqarnissaq pillugu nunani allani ilinniarfinnik suleqateqarsinnaasut. Nunani allani ilinniarfinnik taasinermit aamma Danmarkimi ilinniarfiit ilaapput.

Taamatut isumaqatigiissuteqarnerup kingunerisinnavaa assersuutigalugu semesterip ataatsip, ukiup ataatsip imaluunniit assigisaasa nunami allami ilinniarfimmi isumaqatigiissuteqarfigineqartumi ingerlanneqarsinnaanerat.

§ 9-mut

Imm. 1-imut

Ilinniarfiit qaffasinnerusumik ilinniagaq neqeroorutigisinnaalertinnagu Naalakkersuisunit akueriteqqaassavaat, tak. § 4. Taamaattoq ilinniakkanik neqerooruteqarsinnaanermik akuersissut Naalakkersuisunit tunuartinneqarsinnaavoq, pissutsit aalajangersakkami nalunaarsorneqartut arlaat atuuppat. Nalinginnaasumik isumaliutiginninnermut nr. 4-p ataani maluginiagassat ilaatinneqassapput ataatsimoortumillu naliliisoqarluni.

Nr. 1-imut

Ilinniakkap neqeroorutigineqartarnissaa pisariaarussimappat akuersissut tunuartinneqarsinnaavoq. Inuiaqatigiinni ineriartornerup kingunerisinnaavaa ilinniakkap aalajangersimasup pisariaarunnera, taamaattumillu nalilerneqarpoq akuersissummik tunuartsisinnaneq periarfissaqassasoq.

Nr. 2-mut

Ilinniakkami pitsaassusissamik qaqugukkulluunniit piumasaqaataasut naammassineqarsinnaajunnaarsimappata ilinniakkamut akuersissut tunuartinneqarsinnaavoq. Tassani ilinniartitsisut piginnaaneri, ilisimatusarnermik tunngaveqarnissamik piumasaqaat, § 18 naapertorlugu pitsaassutsip qularnaarnissaanut malittarisassat il.il. eqqaaneqarsinnaapput.

Nr. 3-mut

Tamatuma saniatigut ilinniakkamut qinnuteqartut amerlassusaat, imaluunniit ilinniakkamik naammassinnittartut amerlassusaat nukinnut atorneqartunut sanilliullugit naapertuunnersut isiginiarneqassapput. Tamanna paasineqassaaq ilinniakkamik aalajangersimasunik neqerooruteqartarnermut akuersissut tunuartinneqarsinnaasoq, ilinniakkamut aalajangersimasumut qinnuteqartartut naammakkunnaarsimappata. Taamaalilluni iliniagaq qanorluunniit akeqaraluarpat neqeroorutigineqartussaanngilaq. Kuisalu aalajangersakkami aamma aalajangiunneqarpoq ilinniartut ilinniakkamik naammassinnittartut amerlassusaat aamma tunngavigineqassasoq. Ilinniakkamut qinnuteqartut amerlagaluarpataluunniit tamarmik naammassinissat qularnaarneqarsinnaanngilaq. Naammassisartut procentinngornerat appasissorujussuuppat, qinnuteqartartullu ikereerlutik, imminut akilersinnaavoq misissussallugu ilinniagaq pineqartoq ingerlaannarsinnaanersoq.

Nr. 4-mut

Ilinniakkamik akuersissummik tunuartsisinnissamut periarfissaq kingulleq suliffeqarnermi politikimit, aningaasarsiornikkut inuiaqatigiinnilu pissutsitigut mianerisassanik aallaaveqarpoq. Taamaalillunilu mianerisassat taaneqartut aallaavigalugit ataatsimoortumik naliliisoqassaaq. Tassani pissutsit ilanngunneqarsinnaasut tassaapput ilinniakkap qanoq pingaartigenera aamma taamatut ilinniagallit piumaneqarnerat qanoq annertutiginersoq.

§ 10-mut

Imm. 1-imut

Aalajangersakkami ersippoq qaffasinnerusumik ilinniakkani, tak. §§ 11-16, ilinniakkanik ingerlatsinerit aalajangersimasunik amerlassusilinnik ECTS-pointeqartut. ECTS-imik aaqqissuussineq Europamiut pointilersueriaaserivaat, nunat akornanni ilinniakkanik sanilliusisinnaanissaq periarfissikkumallugu. Taanna pilersinneqarpoq akimut ersittuunissaq pilersikkumallugu aamma ilinniareersimasanik ilinniakkamiit ilinniakkamut nuussisinnaanissaq ajornannginnerulersikkumallugu. Taamaalilluni ECTS tassaavoq pikkorissarnerit, ilinniartitsissutit ilinniakkamilluuniit ingerlatsinerit naammassineranni suliat annertussuserisaannik kisitsisinngorlugu nalunaarsuineq.

Imm. 2-mut

Piffissaq tamaat ilinniartup ukiumi siullermi suliassaasa annertussusaat tassaapput ECTS-pointit 60-it. Pointit aalajangersarneqarput ECTS-pointinut malittarisassat atuuttut naapertorlugit, tak. oqaaseqaatit nalinginnaasut. 60 ECTS-pointit assigaat ukiumi ilinniarfiusumi ilivitsumi suliassat annertussusaat, assigalugillu nalunaaquttap-akunnerit 1680-it (ECTS-poitimut ataatsimut akunnerit 28-t).

§ 11-mut

Imm. 1-imut

Aalajangersakkap nalunaarppaa, bacheloritut ilinniagaq qanoq paasineqassanersoq.

Bacheloritut ilinniagaq siullertut ilisimatusarnermik tunngaveqassaaq. Ilinniakkap ilisimatusarnermik tunngaveqarnerata qanoq paasinissaa oqallisigineqakulavoq, kisiannili nassuiaammik ataasiinnarmik paasineqarsinnaasumik peqanngilaq. Danmarks Akkrediteringsinstitutionip nalunaarusiaani taaguut allaaseriniarlugu misiliisoqarsimavoq, ilisimatusarnermik tunngaveqarnermik oqartoqassappat immikkoortut ilaasariaqartut aallaavigalugit. Ilinniakkat annerusumik minnerusumilluunniit ilisimatusarnermik tunngaveqarsinnaapput, kisiannili nalunaarusiaq pineqartoq naapertorlugu immikkoortut tallimat ilinniakkani annerusumik minnerusumilluunniit ilaasariaqartut:

1. Ilisimatusarnermi sammineqartartut ilinniartitsissutillu immikkoortuisa imminnut ataqatigiinnissaat.
2. Ilinniakkat aaqqissuunneqarsimassapput inunnit ilisimatuutut piffissami tassani ingerlatsisooreersunit.
3. Ilinniartut sapinngisamik annertunerpaatigut ilinniartitsisorissavaat inuit ilisimatusarnermik piffissami tassani ingerlatsisooreersut.
4. Ilinniagaq ilisimatusarnermut piffissami pineqartumi ingerlanneqartumut atasuussaaq.
5. Ilisimatusarnermi avatangiisit ilinniakkap tunuliaqutarisai qaffasissunik pitsaassuseqartuussapput.

Taamaalilluni ilinniagaq ilisimatusarnermik tunngavilik paasineqassaaq siuliani allaaserinninnermi immikkuualuttortat aallaavigalugit, bacheloritullu ilinniakkat annerusumik

minnerusumilluunniit immikkoortunik tunngaviusunik siulianiittunik 5-inik naammassinnittuussapput. Ilinniakkat ilisimatusarnermik tunngaveqarnerisa annertussusaat assigiinnngitsuusaaq, tassami bacheloritut ilinniakkanut maanna ilaapput nalinginnaasumik bacheloritut ilinniakkat aamma siusinnerusukkut atorfinissutaasinnaasumik bacheloritut ilinniakkanik taaneqartartut taama annertutigisumik ilisimatusarnermik tunngaveqarnissamik piunasaqaatitaqarfiumngitsut. Anguniagarli tassaavoq qaffasinnerusumik ilinniakkat tamarmik annertusiarortumik siunissami ilisimatusarnermik tunngavilittut ingerlanneqaleriartornissaat. Piunasaqaatit ilaatigut piviusunngortinneqarsinnaapput, suliasat aalajangersimasut isumaginissaat pillugit ilisimatusarfinnik allanik isumaqatigiissuteqarnikkut.

Aammattaq aalajangersakkami ersippoq ilinniagaq piffissaq tamaat ilinniagaassasoq. Imaappoq neqeroortigineqassasoq ilinniartoq ukiup ilinniarfiusup ataatsip iluani 60 ECTS-pointinik naammassisaqartussanngorlugu, tak. § 10, imm. 2. Bacheloritut ilinniakkap piffissaq tamaat ilinniakkatut neqeroorutaanera inatsisinik atuuttunik ingerlatitseqqiineruvoq, tamatumunngalu patsisaatinneqarpoq ilinniakkap inuutissarsiutinik piginnaaneqalissutaasumik ingerlanneqartussaanera. Ilinniartut ilinniakkamik aallartitsinnginnerminni inuussutissarsiutini piginnaaneqareernissaat naatsorsuutaanngilaq, taamaattumillu piunasaqaateqartoqarsinnaanani ilinniartup saniatigut suliffeqarnissaa nik.

Bacheloritut ilinniagaq minnerpaamik 180 ECTS-pointinik naleqartussaa voq. Bacheloritut ilinniagaq nalinginnaasoo 180 ECTS-pointinik naleqartarpoq, soorlu Danmarkimi Europamilu ilinniakkanik ingerlatsivinni aamma taamaattoq.

Siunnersuutigineqarmat atorfinissutaasinnaasumik bacheloritut ilinniagaq aamma nalinginnaasumik bacheloritut ilinniagaq immikkoortinneqartarunnaassasut, pisariaqalerpoq bacheloritut ilinniakkat neqeroortigineqarsinnaalissasut 180 ECTS-pointinik annertunerusunik, taamaammatt aalajangersakkami ersippoq taakkua *minnerpaamik* 180 ECTS-pointinik annertussuseqassasut. Inatsit atuuttoq naapertorlugu atorfinissutaasinnaasumik bacheloritut taaneqartartut nalinginnaasumik ECTS-pointinik amerlanerusunik naleqartarput, ilinniarnerup ingerlanerani sungiusaammik sulineq aamma ingerlanneqartarmat.

Taaguutip atorfinissutaasinnaasumik bacheloritut ilinniakkap atorunnaarsinneranut tunngaviusut itisilerneqarnerannut tunngatillugu nalinginnaasumik oqaaseqaatit innersuunneqarput.

Ilinniagaq immikkoortoq naammassiatut ingerlanneqartoq isumaqarpoq ilinniakkami piunasaanngitsoq ilinniartup ingerlaqqilluni ilinniaqqinnissaa. Tamanna aalajangersakkami imm. 2, nr. 3-mi allaqqasunut ataqatigiissillugu isiginiarneqassaaq, tassani allaqqammat bacheloritut ilinniakkap, ilinniartoq inuutissarsiutinik namminerisaminik ingerlatsisinnaalernissaanut tunngavississagaa. Imaappoq ilinniagaq immikkuullarissutut

ilinniakkatut ingerlanneqarsinnaassasoq, tassuunalu ilinniartuq inuitissarsiummik ingerlatsinissaminut piginnaaneqalissasoq. Tamanna annermik atuutissaaq siusinnerusukkut atorfinissutaasinnaasumik bacheloritut ilinniakkatut taaneqartaruni. Taakku atorfirmut sammiveqarnerunertik attattuassavaat.

Bacheloritut ilinniakkat Inuuneq naallugu ilinniarnermut Pitsaassusissanut Sinaakkusiussani qaffasissuseq 6-imi inissinneqassapput.

Imm. 2-mut

Aalajangersakkami tassani ersippoq bacheloritut ilinniakkap siunertaa.

Nr. 1-imut aamma nr. 2-mut

Siullertut pingaarnertullu ilinniakkap ilinniartuq ilinniartitsissummi ataatsimi amerlaneruiluunniit ilisimatusarnikkut sammisassanik ilikkagaqartissavaa, tamatumunnga ilanngullugit ilinniartitsissutip imaluunniit ilinniartitsissutit teoriivi periusaalu, tassuunakkut ilinniartuq ilinniakkamut tunngatillugu tamatigoortumik ilisimasaqalerlunilu piginnaaneqaleqqullugu. Tamanna paasineqassaaq ilinniartuq aammattaaq ilinniartitsissummi pingaaruteqartutigut tunngaviusumillu ilisimasaqalissasoq. Ilinniakkat siusinnerusukkut atorfinissutaasinnaasumik bacheloritut ilinniakkanik taaneqartartut qangaaniit bacheloritut ilinniakkanit annikinnerusumik teoretiskiusunik nalinginnaasumik imaqaassapput. Akerlianili ilinniartitsinermi tigussaanagerusunik imaqaassallutik, ilaatigut sungiusarluni sulinertut iluseqartunik.

Saniatigut bacheloritut ilinniakkap ilinniartuq ilinniakkami ilisimasassanik aamma teoretiskimik periutsitigullu piginnaasanik pisinnaasanilu pissarsitissavaa, tassuunakkut ilinniartuq nammineerluni ilinniartitsissutip iluani imaluunniit ilinniartitsissutit iluanni imaluunniit ilinniartitsissutip imarisaasigut naapertuuttutigut apeqqutinik assigiinngisitaartunik katitikkanik suussuilersuisinnaaleqqullugu, oqaasertalersuisinnaaleqqullugu naammassinnissinnaaleqqullugulu. Imaappoq ilinniartup ilikkagassaqarfimmi pineqartumi sammisassat tamaasa ilikkassanngikkai, kisiannili piginnaanernik ilinniartinneqassalluni, ilinniartup misilittagarilikkat tunuliaqutaralugit apeqqutinik suussuilersuisinnaalerneranik, oqaasertalersuisinnaalerneranik naammassinnissinnaalerneranillu kinguneqartunik.

Nr. 3-mut

Bacheloritut ilinniaq ilinniartup inuitissarsiummi sammisassanik suliaqarsinnaalernissaanik aamma kandidatitut ilinnialernissaminut piginnaasaqarlernissaanik tunngavissiissaaq. Tamanna isumaqarpoq, ilinniartuq piginnaanernik imaattunik pissarsissasoq, ilinniartuq piginnaanernit pissarsiarisimasani iluaqutigalugit suliffissarsiorsinnaalersillugu. Taamaattoq ilinniaq taamaattoq aamma periarfissaqartitsissaaq ilinniaqartoq ingerlaqqilluni kandidatitut ilinniakkamik ingerlatsisinnaalersillugu. Tamatumuuna aalajangiunneqanngilaq,

Kalaallit Nunaanni bacheloritut ilinniakkat neqeroorutigineqarfiini ilikkagassa qarfinni tamani kandidatitut ilinniartoqarsinnaalissasoq.

§ 12-imut

Imm. 1-imut

Aalajangersakkami ersippoq kandidatitut ilinnia gaq qanoq paasineqassanersoq.

Kandidatitut ilinnia gaq tassaavoq ilisimatusarnermik tungavilimmik piffissaq tamaat ilinnia gaq 120 ECTS-pointinik naleqartoq. Pointinik aalajangiinermi malinneqarput kandidatitut ilinniakkanut nalinginnaasut.

Ilisimatusarnermik tungaveqarnerup qanoq paasineqarnissaanut atatillugu, § 11-imut oqaaseqaatit innersuunneqarput. Aammattaaq kandidatimut ilinnia gaq piffissaq tamaat ilinniakkatut aaqqissugaavoq, imaappoq ilinniartoq ukiup ilinniarfiusup ataatsip ingerlanerani ECTS-pointinik 60-inik pissarsissasoq, tak. § 10, imm. 2. Kandidatitut ilinnia gaq bacheloritut ilinniakkamut uiggiutiinnarlugu nalinginnaasumik ingerlanneqartarpoq. Kandidatitut ilinniakkap piffissaq tamaat ilinniakkatut neqeroorutigineqarneranut tungaviusut itisilernerannut atatillugu § 11-imut oqaaseqaatit innersuunneqassapput.

Kandidatitut ilinnia gaq bacheloritut ilinniakkatulli, ilinniakkatut immikkoortutut, naammassisassatut aaqqissugaassaaq.

Inuuneq naallugu ilinniarnermut Pitsaassusissanut Sinaakkusiussani kandidatitut ilinnia gaq qaffasissutsimi 7-imi inissinneqarsimavoq.

Imm. 2-mut

Aalajangersakkami allaaserineqarpoq kandidatitut ilinniakkap suna siunertarineraa.

Kandidatitut ilinnia gaq bacheloritut ilinniakkamiit ingerlaqqilluni ilinnia gaavoq, taamaattumillu atorineqartussaalluni ilisimasani annertusaanermut piginnaasanilu bacheloritut katersani annertusaanermut.

Saniatigut kandidatitut ilinnia gaq peqataassaaq ilinniartup ilikkagassatigut ineriartornerni nammineq akisussaaffimmik tigusinissaanut, ineriartornissaanut aamma immikkut sammisassani specialiseerernissaanut. Ikkagassatigut itisilerisoqassaaq, ilinniartorlu ilisimatusarnermi atortunik suliaqarnermik sungiusarneqassalluni, tamatumunnga ilanngullugit ilisimatusarnermik tungavilinnik paasisani saqqummiussuisarnermik ingerlatitseqqittarnermillu.

Kandidatitut ilinniakkat taakkua saniatigut ilinniagaqartumik piginnaanngorsaassapput ingerlaqqilluni ilinniagaqarnissamut. Ingerlaqqilluni ilinniagaq assersuutigalugu tassaasinnaavoq ph.d.-tut ilinniagaq.

§ 13-imut

Imm. 1-imut

Ph.d.-tut ilinniagaq tassaavoq ilisimatuutut ilinniagaq, piomasagaateqarlunilu ilinniartup nunat tamat akornanni ilisimasaniq qaffasinnerpaamik ilisimatusarnerup iluaniittunik pigisaqalernissaanik. Taanna naleqassaaq 180 ECTS-pointinik, tamannalu inatsimmi atuuttumik ingerlatitseqqineruvoq.

Piomasagaataannigilaq ilinniakkap piffissaq tamaat atorlugu ingerlanneqarnissaa, tassami ilaasa ilinniagaq ingerlattarpaat suliffeqarnerup saniatigut.

Ilinniagaq taamatut ilusilik Inuuneq naallugu ilinniarnermut Pitsaassusissanut Sinaakkusiussani qaffasissutsimi 8-mi inissinneqartarpoq.

§ 14-imut

Imm. 1-imut

Inuussutissarsiornermut akademimi) ilinniakkat tassaapput ilinniakkat nalinginnaasumik teoriimik sammisaqarnermik aamma sungiusarluni sulinermik paarlakaassiffiusut. Aaqqissuunneqartarput 120-180 ECTS-pointinik annertussusilerlugit. Diplomitaarniarluni ilinniakkanisulli piomasagaataannigilaq ilinniartitsinerup ilisimatusarnermik tunngavilimmik ingerlanneqarnissaa. Tamatumunnga pissutaavoq ilinniakkat teoriimut aamma sulinermut sammiveqarnerat.

Piomasagaateqarpoq ilinniagaq aaqqissuussaassasoq namminerisamik immikkoortut naammassisassatut ilinniakkatut, tassalu imaappoq ilinniagaq taanna nammineq inuutissarsiorsinnaanermut piginnaanernik pilersitsisartoq.

Ilinniakkat taamaattut Inuuneq naallugu ilinniarnermut Pitsaassusissanut Sinaakkusiussani qaffasissutsimi 5-imi inissinneqartarput.

Imm. 2-mut.

Inuussutissarsiornermut akademimi ilinniagaq piffissap ilaa ilinniakkatut neqeroortigineqarsinnaavoq, ilinniakkatut teoretiskiinnavittut neqeroortigineqarluni, annertussusialu taamaallaat 60 ECTS-pointinik naleqarluni. Taamaattoq tamatumani piomasarineqarpoq, ilinniartup minnerpaamik ukiuni 2-ni inuussutissarsiummik naapertuuttumik misilittagaqarnissaa. Taama pisoqarnerani taamaalilluni inuussutissarsiummik misilittagaqarneq sungiusarluni sulinermut taarsiunneqassaaq.

Ilinniarfiit namminneq aalajangertassavaat suut inuussutissarsiummik naapertuuttumik misilittakkatut isigineqassanersut.

§ 15-imut

Imm. 1-imut

Diplomitaarniarluni ilinniagaq tassaavoq inuutissarsiutinik aamma suliffinnut aalajangersimasumik siunertalinnut kiisalu ineriartortitsinermik tungaveqartumik qaffasinnerusumik ilinniagaq, 60 ECTS-pointinik naleqartoq. 60 ECTS-pointinik piunasaqaateqarneq inatsimmik atuuttumik ingerlatitseqqiineruvoq.

Piunasaqaateqanngilaq ilinniakkap ilisimatusarnermik tungaveqarnissaa, taarsiulluguli ersippoq inuutissarsiutinik aamma suliffinnut aalajangersimasumik siunertalinnut kiisalu ineriartortitsinermik tungavilimmik aqqissuussaassasoq. Taamaattoq piffissaq ungasinnerusoq eqqarsaatigalugu ilimagisaaavoq, ilinniakkat taama ituttaaq ilisimatusarnermik tungaveqalissasut, tassami ilinniartitsisunit piunasaqaatit sakkortusarnissaat pilersaarutaavoq, piffissap ingerlanerani taakku amerlanersaat ilisimatusarnermik tunuliaqutaqartussanngorlugit.

Ilinniagaq neqeroorutigineqarsinnaavoq piffissaq tamaat imaluunniit piffissap ilaa ilinniakkatut, kisianni nalinginnaasumik neqeroorutigineqartassalluni piffissap ilaani ilinniakkatut. Tamatumunnga - masteritut ilinniakkatulli - pissutaavoq inuutissarsiummik misilittagaqarnissap piunasaqaataanera. Taamaammat ilinniagaq annermik inunnut suliffeqareersunut saaffiginnippoq.

Diplomitaarniarluni ilinniagaq Inuuneq naallugu ilinniarnermut Pitsaassusissanut Sinaakkusiussani qaffasissutsimi 6-imi inisseqqavoq.

§ 16-imut

Imm. 1-imut

Masteritut ilinniagaq ilisimatusarnermik tungavilimmik ilinnigaaavoq. Ilisimatusarnermik tungaveqarnerup qanoq paasineqarnissaanut tungatillugu § 11-mut bacheloritut ilinniagaq pillugu oqaaseqaatit innersuunneqarput. Masteritut ilinniagaq 60 ECTS-pointinik naleqarpoq. Inatsisit atuuttut naapertorlugit masteritut ilinniagaq naleqassaaq 60-90 ECTS-pointinik. 60 ECTS pointinik naleqartitsinissamik siunnersuut maanna Ilisimatusarfimmi neqeroorutigineqartartunut naapertuuppoq, taamaattumillu tamanna siunnersuummi qinerneqarluni.

Ilinniagaq aqqissuussaassaaq immikkoortutut naammassisassatullu ingerlanneqarluni.

Masteritut ilinniagaq neqeroorutigineqarsinnaavoq piffissaq tamaat imaluunniit piffissap ilaa ilinniakkatut, kisianni nalinginnaasumik neqeroorutigineqartassalluni piffissap ilaani ilinniakkatut. Tamatumunnga pissutaavoq inuutissarsiummik misilittagaqarnissap piomasqaataanera. Taamaammatt ilinniagaq annermik inunnut suliffeqareersunut saaffiginnippoq.

Masteritut ilinniagaq ingerlanneqassaaq qaffasissutsimi kandidatitut ilinniakkatut annertussuseqartumi, imaappoq Inuuneq naallugu ilinniarnermut Pitsaassusissanut Sinaakkusiussani qaffasissutsimi 7-imi.

Imm. 2-mut

Masteritut ilinniakkap siunertaraa ilinniartup inuutissarsiutini sulinermik misilittagaqareersup aamma ilinniakkamik tunuliaqutaqartup qaffasinnerusumik ilinniagaqarnissaa, immikkut ilinniakkap iluani, imaluunniit siammassinnerusumik siunnerfeqarluni ilikkagassap ataatsip iluani imaluunniit ilikkagassat arlaqartut iluanni. Masteritut ilinniagaq, tak. qulaaniittoq, kandidatitut ilinniakkap qaffaseqatigaa, kisiannili kandidatitut ilinniakkamit pingaarnertut allaanerussutigalugu inunnut inuutissarsiutinik misilittagaqareersunut saaffiginnittuunini. Piomasqaataavoq ilinniartuq minnerpaamik ukiuni marlunni inuutissarsiummik misilittagaqariissasoq, tak. § 30.

§ 17-imut

Imm. 1-imut

Qaffasinnerusumik ilinniakkani tamani ilinniakkap aqqissugaanera aalajangersarneqassaaq, taamaattoq ph.d.-tut ilinniagaq pinnagu, ph.d.-tut ilinniakkap ingerlanissaa susasaqarfiit suut iluanni ilisimatusartoqarnera apeqqutaatillugu allanngorarsinnaammat.

Naalackersuisut ilinniakkat aqqissugaaneri tamaasa akuersissutigisassavaat.

Kingusinnerusukkut ilinniakkat aqqissugaanerini allannguutit annertunerusut aamma

Naalackersuisut akuerisussaavaat. Taamatut aqqissuussisoqarpoq qularnaarumallugu

ilinniakkat sukulluunniit piomasqaatinik aalajangersagaasunik naammassinnittuunissaat

aamma qularnaarumallugu pisortatigoortumik piomasqaatit eqqutinneqarnissaat.

Annertuumik allannguutit ima paasineqassapput, allannguutit annikinnerusut

piomasarineqartunut tunngasut Naalackersuisunit akuereqqaarneqartariaqanngitsut.

Allannguutit annertunerusut assersuutigalugu tassaasinnaapput ilinnialernissamut

piomasqaatinik allannguinerit, ilinniakkap sannaanik allannguinerit, ilinniarnermut atatillugu

nunani allaniittarneq pillugu malittarisassanik allannguinerit, aamma nalinginnaasumik

allannguutit ilinniartunut ataasiakkaanut sunniuteqartussat. Allannguutip annertuutut

nalilernissaanut apeqqutaassaaq, allannguut ilinniartumut iluaqutaassanersoq.

Imm. 2-mut

Aalajangersakkami tassani ersippoq ilinniakkap aaqqissugaanera ilinniakkanut ataasiakkaanut naleqqussagaassasoq. Taamaalillunilu ilinniakkap aaqqissugaanerata sunik imaqarnissaa pillugu inaarutaasumik allanngortitassaanngitsumillu nalunaarsugaqanngilaq.

Qaffasinnerusumik ilinniakkat aaqqissugaanerini tamani ilaatissallugit tulluutinnngitsunik immikkualuttoqartassaaq. Assersuutigalugu imaangilaq ilinniakkat tamarmik sungiusarluni sulinnissamik ilaqartartut imaluunniit ilinniarnep ilaatut nunami allamiinnissamik piumasagarfiusut, taamaammallu pissutsit taama ittut soorunami ilinniakkap aaqqissugaanerani allassimasariaqanngillat. Taamaalilluni paasissutissat nr. 1-imiit 11-mut nalunaarsorneqarsimasut tassaangillat paasissutissat ilanngunneqartussat tamakkiisumik allassimaffiat.

Nr. 1-imut

Siullertut pingaarnertullu ilinniakkap kalaallisut, qallunaatut tuluttullu taaguutaa ilinniakkap aaqqissugaanerani ersissaaq. Taamaalilluni ilinniakkap aaqqissugaanerani ersissaaq, ilinniakkap naammassereernerani taaguut suna atorneqarsinnaalissanersooq.

Assersuutaasinnaavoq Inuutissarsiornikkut aningaasaqarnermi bachelori - Bachelor i Erhvervsøkonomi (HA), - tuluttut Bachelor of Science (B.Sc.) in Economics and Business Administration-imik taaguuteqarnissamut pisinnaatitsisoq.

Nr. 2-mut

Ilinniakkap ECTS-inik annertussusilerneqarnera aamma ersissaaq. Tassani inatsisissatut siunnersuummi § 10-mut innersuussisoqassaaq, tassani ersimmat ilinniartup ukiup ilinniarfiusup ataatsip ingerlanerani suliai ECTS-pointinik qassinik naleqarnersut.

Nr. 3-mut

Ilinniakkap aaqqissugaanerani ataasiakkaani ilinnialernissamut piumasagaatit ersissapput, §§ 21-miit 30-mut aalajangersakkat naapertorlugit. Kuisalu aamma ilinnialernissamut piumasagaatit atuutilernissaat minnerpaamik ukiunik marlunnik sioqqullugu nalunaarutigineqareertartussaapput, tak. § 31. Ilangullugulu allaaserineqassaaq tulleriiarisarnermi malittarisassat qanoq aaqqissuussaanersut, ilinnialersinnaasunik amerlanerusunik qinnuteqartoqarsimassappat, tak. § 33. Ilinniakkamut qinnuteqarnissamut piffissaliussaq, tak. § 19, imm. 1 aamma 2, aamma ilinniakkap aaqqissugaanerani ersissaaq.

Nr. 4-mut

Tamatumalu saniatigut ilinniakkami ilikkagassatigut immikkut ilisarnaatit ilinniakkap aaqqissugaanerani ersissapput. Tamatumunnga ilangullugit ilinniakkap siunertaa, ilinniakkami ilinniartitsissutit aamma ilikkagassatigut pissarsiassatut ilinniakkap anguniagai ilangullugit allaaserineqassapput.

Nr. 5-imut

Aammattaq modulit, ilikkagassani immikkoortut aamma ilinniartitsissutit toqqagassat pillugit malittarisassaqaassaaq. Ilinniakkap sannaa apeqqutaatillugu allaaserineqassapput

ilinniagaq modulikkaartuunersoq, semesterikkaartuunersoq, ilinniartitsissutit assigisaallu. Allaaserisami ilaassapput ilikkagassatigut pissarsiassat suunerat ilisimasatut, pinnaasatut piginnaanertullu iluseqartillugit. Aammattaaq modulip, ilinniartitsissutip assigisaasalu ECTS-pointinik qassinik naleqarnerat aamma ilinniartitseriaatsit suleriaatsillu assigiinngitsut suut ilaajumaarnerat allaaserineqassapput. Tamatumunnga ilanngullugit ersissapput allattariarsorluni suliniutissat imaluunniit suliassat suujumaarnerat. Kiisalu aamma ersissaaq modulini, ilinniartitsissutini il.il. peqataassagaanni piginnaariigassat suussanersut. Taamaalilluni ersissaaq moduli imaluunniit ilinniartitsissut peqataaffigissagaanni, ilinniartitsissut alla angusiffigeqqaartariaqarnerasoq. Aamma malittarisassiortoqarsinnaavoq takkuttarnissamut peqataanissamullu pisussaaffeqarnermut tunngasunik.

Nr. 6-imut

Aammattaaq ilinniakkap aaqqissugaanera allattariarsorluni suliassat pillugit malittarisassanik imaqassaaq, tamatumunnga ilanngullugit bacheloritut suliniut aamma speciali. Tamatumunnga ilanngullugu ersissaaq, suliassat kisimiilluni imaluunniit suleqatigiilluni suliassanersut, annertussusaat ECTS-pointinngorlugu nalunaarneqassalluni il.il.

Nr. 7-imut

Ilinniartitsissutini tamani soraarummeernerit allaaserineqassapput, tamatumunnga ilanngullugit oqaluttariarsorluni imaluunniit allalluni soraarummeernerunersut, karakteriliisoqassanersoq imaluunniit angusivoq/angusinnigilaq atorineqassanersoq, ikiorsiissutit qanoq ittut atorineqarsinnaanersut, nalunaarnissat qanoq pisassanersut il.il.

nr. 8-mut

Ilinniakkami pinngitsoorani sungiusarluni sulisoqartussaanersoq aamma ilanngullugu iliniakkap aaqqissugaanerani ersissaaq. Annertussusia ECTS-imi nalunaarlugu, soraarummeernerup ilusaa il.il. allaaserineqassapput.

Nr. 9-mut

Aammattaaq ilinniakkap aaqqissugaanerani ersissaaq, ilinniarnermut atatillugu pinngitsoorani nunami allamiittoqartussaanersoq. Bacheloritut ilinniakkani tamani tamanna pinngitsoorani pisussaavoq, tak. § 36.

Nr. 10-mut

Ilanngullugulu allaaserineqassaaq ilinniartup aallartinnermi kingorna kingusinnerpaamik qaqugukkut ilinniagaq naammasseriissaneraa. Tamatuma qularnaassavaa ilinniartup naapertuutinnngitsumik ilinniakkamik ingerlatsinnermini kinguartuunnginnissaa. Ilutigisaanillu tamanna aallaaviusussavaoq ilinniartup ilinniarnermiit aninerata nalunaarutiginnissaanut, tamannalu aammattaaq malittarisassaqaassaaq. Aammattaaq ersissaaq, sanioqqutisisinnaanermik periarfissaqarnerasoq, assersuutigalugu ilinniartuq napparsimaneq, ilinniartutut politikkimik suliaqarneq assigisaalu pissutigalugit kinguaattoorpat.

Nr. 11-imut

Aammattaaq iliniakkanik nuussisinnaanissamut tunngatillugu malittarisassat ersissapput. Ilinniakkanik nuussineq tassaavoq, ilinniartitsissutit siusinnerusukkut angusiffigineqarsimasut ilinniakkap ilaanut taarsiumneqarnerat.

Imm. 3-mut

Aalajangersakkami aalajangerneqarpoq ilinniakkap aaqqissugaaneri ukiup ilinniarfiusup aallartinneraniit atuutilertassasut.

Ilinniartut ilinniakkap imaanik paasitinnissaat siunertaralugu, ilinniakkap aaqqissugaanera ilinniakkamik ingerlatsineranni atuuttusaaq, qinnuteqarfissap naannginneraniit ilinniarfiup nittartagaani pissarsiarineqarsinnaassaaq, tak. § 19, imm. 1 aamma 2.

Imm. 4-mut

Aalajangersakkami tassani aalajangersarneqarpoq, ilinniartut ilinniakkamik aallartitsisut, ilinniakkap aaqqissugaanera ilinniarfiusup aallartinnerani atuuttusoq maleruassagaat. Aammattaaq qinnuteqartut, tak. imm. 3, periarfissaqassapput ilinniakkap aaqqissugaanerata imaanik paasisassarsionnissamut, ilinniakkamut qinnuteqannginnerminni.

Ilinniakkap aaqqissugaanera allanngortinneqartillugu, ilinniartut ilinniakkap ingerlanerani pisussaaffilerneqarsinnaanngillat ilinniakkap aaqqissugaaneranut nutaamut nuunnissamut. Ilinniartoq ilinnialernermini atuuttut naapertorlugit ingerlatsinissaminik aaqqissuussisinnaasariaqarpoq. Taamaattoq ilinniartup aamma ilinniarfiup akornanni isumaqatigiissutigineqarsinnaavoq ilinniartoq piffissap ilinniarfiusup sinnerani ilinniakkap aaqqissugaaneranut nutaamut nuussasoq, tamanna aaqqissuussinikkut ajornanngippat.

Ilinniartut ilinniakkamiit piffissap ilaani unikkallarsimasut, ilinnianngiffeqarallartut imaluunniit allatigut pissuteqartumik piffissami sivisunerusumi peqanngissimasut piumasarisinnaanngilaat ilinniakkap aaqqissugaanera pisoqaaq naapertorlugu ilinniaqqilernissartik, peqannginneranni allannguuteqartitsisoqarsimappat, taamaalillunilu nutaaq atortuulersimappat.

Imm. 5-imut

Aalajangersakkami Naalackersuisut piginnaatinneqarput ilinniakkat aaqqissugaanerinit ilassutitut malittarisassiorsinnaanermut. Pisariaqalersinnaavoq ilinniakkat aaqqissugaanerini annertunerusunik paasissutissiisoqartarnissaata piunasaqaatiginissaa, tamannalu iluaqutaasumik allaffissornikkut maleruqqusatigut malittarisassiuunneqarsinnaavoq.

Aammattaaq malittarisassat soraarummeertarnernut nalileeqaataasartunullu tunngasuusinnaapput. Soraarummeernerit pillugit malittarisassat ilaatigut nalunaarnissamut malittarisassanut, soraarummeernerit imminnermut, ikiorsiissutinik atuinnermut,

naliliinnermut, soraarummeernermit uppersaaitit oqaasertalerinerit il.il. tunngasuusinnaapput.

Soraarummeernermit nalileeqataasartut pillugit malittarisassat toqqaasernermit, soraarummeernermit nalileeqataasut suliaasaannut, maalaaruteqartarnermit, nalunaaruteqartarnermit, malittarisassanik sanioqutitsisinnaanermit il.il. tunngasuusinnaapput.

Piffissap ilinniarfiup sivisunerpaaffissaa pillugu malittarisassani ilaatigut ilaatinneqarsinnaapput ilinniakkami siuariartorneq, ukiumut ECTS-pointit amerlassusissaannik piumasaqaatit aamma immikkut akuerineqarnissamut periarfissat, assersuutigalugu erninermit atasumik, napparsimaneq ilinniartutut politikikkut suliaqarneq assigisaallu pissutigalugit ilinniannigiffeqarnerit.

§ 18-imut

Imm. 1-imut

Aalajangersakkami ersippoq qaffasinnerusumik ilinniakkat ataasiakkaat pitsaassusissaat qularnaarneqartassasut nunat tamat akornanni maleruarneqartartut naapertorlugit. Aalajangersakkami ersinngilaq qanoq pitsaassusissanik qularnaarisooqartassanersoq, tamanna naatsorsuutigineqarmat allaffissornikkut aalajangersakkami pissasoq, tak. aalajangersakkami imm. 2.

Imm. 2-mut

Aalajangersakkap Naalakkersuisut piginnaatippai pitsaassusissanut malittarisassiornissamut. Nunarsuarmit qanilliaruinnavinnerup kinguneraa pisariaqarmat Kalaallit Nunaata nunat allat assigalugit pitsaassusissanut periaasissanik eqquassinissaa, qaffasinnerusumik ilinniakkanut tunngatillugu, nunarsuarmit annertussusiligaannut naapertuuttunik. Aalajangiunneqareerpoq Europamiut certificeriisarnerannut ESG2015-imut qanillattonnissaq (European Standards and Guidelines, version 2015), aallaaveqartoq Bolognaprocessen-imik taaneqartumik, tassaasoq periaaseq – aqqissuussineq – Europami ilinniakkat annertussutsinik assigiinnik tungaveqaleriartorerat. Aqut tamakkiisumik Europamiut akuersissutaasa assigiimmik atortuuleriartornissaannut naatsorsuutigineqarpoq ukiut 10-it missaannik sivisussuseqassasoq, aqqissuussineq pitsaassusissanik qularnaarisarnermit tamarmiusoq pilersinneqaaqqaartussaammat, ilinniarfiit piffissani arlaqartuni nalilersuinerit ingerlatseqqaartartussaammata, aqqissuussinerup tamarmiusup atortuulersinneqarnissaanut aamma piareernissaanut nunagisami akuerineqarnissaminut ingerlatsivimi taaguuteqartumik ENQA-institutionen (European Association for Quality Assurance in Higher Education). Taamaattumik piffissap ingerlanerani malittarisassanik aalajangersaasoqarumaarpoq kalaallit ilinniarfiisa kalaallinilu ilinniakkat piumasaqaatinut taakkununga naapertuuttunngortinnissaat.

§ 19-imut

Imm. 1-imut

Aalajangersakkami aalajangiunneqarpoq qinnuteqarnissamut piffissaliussaq qaffasinnerusumik ilinniakkanut augustimi imaluunniit septembarimi aallartittussanut tassaasoq 1. marts. Qaffasinnerusumik ilinniakkat amerlanerit piffissami tassani aallartittarput. Piffissaliussaq taanna aalajangiunneqarpoq qularnaarumallugu qaffasinnerusumik ilinniakkani tamani assigiissaakkamik aaqqissuussisoqarnissaa. Tamanna ilinniarfiit kisianni aamma ilinniagaqalersartut pillugit, nalornissutaaqqunagu piffissaliussaq qanoq ittuunersoq. Inatsisitigut aalajangikkamik piffissaliinissaq aamma kissaataavoq, taamaaliornikkut ataqatigiissaakkamik qinnuteqartarnernut aaqqissuussinernik pilersitsisoqarsinnaammat.

Imm. 2-mut

Aalajangersakkap ilinniarfiit piffissami allami ilinniartunngortitsinissamut periarfissaqartippai, ilinniakkat upernaakkut semesterimi aallartittussaatilugit. Upernaakkut semesterimi ilinniarneq januarimi imaluunniit februarimi aallartittassaaq. Taama pisoqartillugu qinnuteqarnissamut ilinniartunngortitsisarnermullu periusissat ilinniarfiit namminneq aalajangertassavaat. Malittarisassat ilinniarfiup nittartagaani tamanut saqqummiunneqassapput. Piffissaliussanik aamma periaatsinik tamanut takusassiarinnittarnerup qularnaassavaa ilinnialertussat piffissamik periarfissaqarnissaat piareersarnissaminnut piffissaliussallu iluini pisariaqartunik aaqqissuussisarnissaminnut.

Imm. 3-mut

Qinnuteqarnissamut piffissaliussaq aalajangersagaq naapertorlugu ersittussavaoq ilinniakkanut ataasiakkaanut tunngatillugu ilinniakkap aaqqissugaanerani aamma ilinniarfiup nittartagaani, tamannalu atuuppoq apequtaatinnagu piffissaliussaq 1. marts-iunersoq, tak. imm. 1, imaluunniit piffissaq allaanersoq, tak. imm. 2. Tamanna pisassaaq qinnuteqartussat eqqarsaatigalugit.

Imm. 2 naapertorlugu qinnuteqarnissamut piffissaliussaq ersarissumik tamanut saqqummiunneqarsimanngippat, ilinniarfiit qinnuteqartut piffissamik eqquillutik tunniussinngitsut assuarisinnaanngilaat. Tamanna allaavoq imm. 1 naapertorlugu qinnuteqartunut, tassami piffissaliussaq taanna qaffasinnerusumik ilinniakkat amerlanersaannut aallaaviuvoq, inatsisitigullu aalajangersagaalluni, tak. imm. 1. Tamatuma kinguneraa, ilinniarfiit imm. 1 naapertorlugu qinnuteqaatip suliarineqannginnissaa toqqarsinnaammassuk, qinnuteqaat piffissaq eqqorlugu tunniunneqarsimanngippat, piffissaliussaq nittartakkami imaluunniit ilinniakkap aaqqissugaanerani takuneqarsinnaanngikkaluarpalluunniit.

Imm. 4-mut

Qinnuteqarnissamut piffissaliussaasup qaangiutereerneratigut qinnuteqaat tiguneqarpat, ilinniarfiup pissutsit immikkut ittut tamanna pisariaqartippassuk qinersinnaavaa qinnuteqaat suliarissallugu. Utoqqatsissutaasinnaasunik pissutissaqartoqartariaqassaaq, assersuutigalugu uppersarsineqarsinnaasumik napparsimaneq assigisaaluunniit.

§ 20-imut

Imm. 1-imut

Aalajangersakkami aalajangiunneqarpoq Naalakkersuisut aalajangertassagaat qinnuteqaatit qanoq tunniunneqartassanersut. Taamaalilluni Naalakkersuisut aalajangersinnaavaat qinnuteqaat elektronikiussanersoq, allakkatiguussanersoq imaluunniit allatut tunniunneqassanersoq.

Imm. 2-mut

Naalakkersuisut innersuutissavaat tamanullu takusassiarissallugit periaatsit, ilusissanik piomasaaqaatit aamma teknikkikkut aaqqiissutissat qinnuteqaammik tunniussisarnerni. Tamanut takusassiarineqartassapput nittartakkani tamatumunnga naleqquttuni ilinniakkanut ilitsersuisarnernut atatillugu. Taakkualu ilaatigut tassaassapput sullissivik.gl aamma sunngu.gl.

Imm. 3-mut

Ilinniagaqalersinnaanermut tungaviusunut uppersarsaatit ilanngullugit nassiunneqassapput, tamatumunnga ilanngullugit soraarummeersimanermut uppersarsaatit, suliffeqarsinnaanermut uppersarsaatit assigisaallu, qinnuteqaammik nassiussileraanni. Qinnuteqartunut piffissap qinnuteqarfiusup nalaani uppersarsaatini pisariaqartunik pigisaqanngitsunut, assersuutigalugu pineqartup ilinniakkami qinnuteqarfiginiakkamini ilinnialissutaasinnaasumik ilinniarnini suli naammassinnissimanginnera pissutigalugu, uppersarsaatit pigileraanni malinnaatinneqarsinnaapput. Ilinniarfiit tamatumunnga piffissaliissapput. Amerlanertigut ajornartorsiut taamaattoq pinngortarpoq qinnuteqartoq bacheloritut ilinniagaqarumasooq, toqqaannartumik ilinniarnertuunngorniarfimmeersuugaangat. Taama pisoqartillugu qinnuteqarniartup soraarummeernermit uppersarsaatit 1. marts pigisanngilai, taamaalinerani ilinniarnertuunngorniarfimi ilinniagaq suli naammassineqanngimmat. Taamaamat qinnuteqartup soraarummeersimanermut uppersarsaatini tiguniarlugit malinnaatsittariaqarpai, imaluunniit piffissaliussaasup ilinniarfiup aalajangersimasaata naannginnerani.

Imm. 4-mut

Qinnuteqartup soraarummeersimanermut uppersarsaatit oqaatsit aalajangersakkami taaneqartut atorlugit allataanngitsut ilanngullugit nassiukkunigit, oqaatsit aalajangersakkami taaneqartut arlaannut nutserneri ilanngutissavai. Ilinniarfik tamatumunnga malittarisassiorsinnaavoq.

Imm. 5-imut

Siunnersuutigineqarpoq Naalakkersuisut piginnaatinneqassasut qinnuteqaammut tunngatillugu malittarisassiornissamut, tamatumunnga ilanngullugit qinnuteqaat aamma attaveqarnerit allatigut tamakkiisumik imaluunniit ilaannakuusumik digitaliusumik ilil. suliarineqartassanersut. Kalaallit Nunaata ilaani sulii internetikkut attaveqarniarneq unammillernartuusarpoq, taamaattumilu maanna piumasaqaataaangilaq qinnuteqaatip elektroniskiusumik nassiunneqarnissaa. Taamaattoq ineriartornerup ilimanarsisippaa siunissami ungasinngitsumi tamanna ajornarunnaassasoq, taamaammallu Naalakkersuisut aaqqiissutissaq digitaliusoq aalajangersimasoq pillugu malittarisassanik aalajangiisinnaanerat siunertamut naapertuuppoq.

§ 21-imut

Imm. 1-imut

Aalajangersakkami ersippoq bacheloritut ilinniartussatut akuerisaanissamut suut piumasaqaataanersut. Ilinniarnertuunngorniarnermik naammassisaqarsimaneq piumasaavoq, tamatumunnga ilanngullugit immikkut aaqqissuussamik ilinniarnertuunngorniarnermik ingerlatsisimanissaq, ilinnialernissamut piumasaqaatinik aalajangersimasunik naammassinnissimanissaq kiisalu karakteritigut piumasaqaataajunnartunik naammassinnissimanissaq.

Ilinniarnertuunngorniarnarfimmi ilinniarsimanertut paasineqassaaq ukiuni pingasuni ilinniarnertuunngorniareerluni soraarummeersimaneq, ukiuni marlunni ilinniarnertuunngorniareerluni soraarummeersimaneq, ilinniartitsissutinik ataasiakkaanik katitikkamik ilinniarnertuunngorniarnertut inaarutaasumik soraarummeersimaneq, nunat tamat akornanni ilinniarnertuunngorniareerluni soraarummeersimaneq (IB, UWC assigisaalluunniit) aamma ilinnialernissamut piareersarluni ilinniakkat taamatut qaffasissuseqartut.

Ilinniarnertuunngorniarnarfimmi ilinniarneq Inuuneq naallugu ilinniarnermut Pitsaassusissanut Sinaakkusiussani qaffasissutsimi 4-mi inissinneqartarpoq.

Imm. 2-mut

Bacheloritut ilinniakkami ilinnialernissamut aammattaaq piumasaasinnaavoq, qinnuteqartup ilinnialissutaasinnaasumik misilitsinnermi angusisimanissaa. Ilinnialernissamut misilitsinnerit ilusissaannut malittarisassat ilinniarnarfimmit aalajangersarneqassapput. Tamatumunnga assersuutitut taaneqarsinnaavoq tusagassiortutut ilinnialerniarissamut misilitsitarneq, qinnuteqarnissamut piffissaliussap naanerata kingorna qinnuteqartunik aggersaalluni ingerlanneqartarpoq.

§ 22-mut

Imm. 1-imut

Ilinnialernissamut piumasaqaatit immikkuullarissut tassaapput ilinniarnertuunngorniarfimmi ilinniartitsissutit aalajangersimasumik qaffasissusillit. Ilinniarnertuunngorniarfinni ilinniartitsissutit agguarneqartarput killiffinnut A-, B-, aamma C-mut, tak. ilinniarnertuunngorniarneq pillugu inatsit atuuttoq.

Imm. 2-mut

Ilinniartitsissutit aalajangersimasut aalajangersimasumik killiffillit piumasaqaatigineqarpata, qinnuteqartup ilinniartitsissutit angusiffigisimassavaa imaluunniit qaffasinnerusumik angusiffigisimassallugu. Angusinissap killigaa Greenlandic Grading System-imi (GGSSkalami) karakteri E, karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaanni takuneqarsinnaasutut.

Ilinniartitsissummi karakterit arlallit ilaappata, agguaqatigiissitsinermi pingaartitaq anguneqarsimassaaq. Qinnuteqartoq taamaalilluni oqaluttarissani karakterimik, allattariarsornermi karakterimik kiisalu ataatsimik arlalinnilluunniit soraarummeernermi karakterinik angusisimaguni, taakkua agguaqatigiissinneqarneranni angusisimasariaqarpoq. Naggasiullugu aalajangiunneqarpoq piumasaqaataasoq anguneqarsinnaanngimmat qummut akunnaallisitsinikkut.

§ 23-mut

Imm. 1-imut

Karakterinik piumasaqaatit paasineqassapput ilinnialissutaasinnaasumik soraarummeerneq naammassineqarsimassasoq agguaqatigiissitsinermit aalajangersimasumik angusaqarfiulluni, imaluunniit ilinniartitsissutit aalajangersimasut minnerpaatut karaktererisassaq karaktereralugu angusiffiusimassasut. Ilinnialissutaasinnaasumik soraarummeernermit uppersaammi nalunaarneqarsimassaaq agguaqatigiissitsineq aallaavigineqartussaq.

Piumasaqaataappat killiffimmi aalajangersimasumi ilinniartitsissutit aalajangersimasooq, karakterit minnerpaaffissaat karaktereralugu angusiffiusinnassasoq, § 22, imm. 2-misulli aallaavigineqassaaq qinnuteqartup ilinniartitsissummi tassani karakteriisa tamarmik agguaqatigiissinnerat pingaartitaq, tamatumunnga ilanngullugit oqaluttariarsornermi, allattariarsornermi aamma soraarummeernermi karakterit. Piumasaqaallu aamma tassani anguneqarsinnaanngilaq qummut akunnaallisitsinikkut.

§ 24-mut

Imm. 1-imut

Aalajangersakkami ersippoq ilinnialernissamut aalajangersimasumik piumasaqaataasut aamma karakteritigut piumasaqaataasut ilinniarfimmit, ilinniakkamik neqerooruteqartumit aalajangersarneqassasut.

Imm. 2-mut

Aalajangersakkami siunnersuutigineqarpoq, ilinniarfiit aalajangersinnaassagaat, misilitsinnermi ilinniarfimmit immikkut aaqqissuussaasumi angusaq, aammalu assingusunik piginnaaneqarnermik uppersarsaasoq, qinnuteqartunut karakteritigut piunasaqaammik naammassinninngitsunut, kartakteeritigut piunasaqaatinik naammassinninnertut naleqartinneqarsinnaasoq. Taamaaliornikkut qinnuteqartunik ilinniartunngortitsisoqarsinnaavoq ilinnialernissamut karakteritigut piunasaqaataasunik naammassinninngitsunik, kisiannili tunuliaqutaasut allat tunngavigalugit ilinnialernissamut piukkunnartutut isigineqartunik. Ilikkagassat ilaanni piginnaaniviit iluaqutaasumik pineqartup aalajangersimasumik agguaqatigiissitsilluni karakterimik aalajangersimasumik angusaqarsimaneranik allaanerusumik tunngaveqarluni uppersarsarneqarsinnaapput.

Imm. 3-mut

Imm. 2-mut tapiliullugu siunnersuutigineqarpoq ilinniarfiit karakterinik piunasaqaataasuniit saneqquטיםinnaasut, pissutsinik immikkut ittunik tunngaveqartumik. Tamatumunnga ilanngullugit pingartinneqarsinnaapput piginnaasat allat, tamatumunnga ilanngullugit inuttut piginnaasat, ilinniakkanit allanit imaluunniit siusinnerusukku suliffigisimasanit misilittakkat il.il.

§ 25-mut

Imm. 1-imut

Aalajangersakkakku matumuuna siunnersuutigineqarpoq § 21-mi ilinnialernissamut piunasaqaatinut naleqqiullugu nalinginnaasumik saneqquטיםinnaanermut aalajangersagaq,. Tunngaviusoq alla assersuutigalugu tassaasinnaavoq inuutissarsiummik ilinniagaq. Qitiusoq tassaavoq piginnaasat § 21-mi piunasaqaataasunut sanilliunneqarsinnaanissaat. Aammattaq ilinniarfiup nalilertussaavaa qinnuteqartoq ilinniakkamik naammassinnissinnaasutut naatsorsuutigineqarsinnaanersoq.

Imm. 2-mut

Qinnuteqartoq ilinniartussatut akuerineqarsimappat piginnaanernik imm. 1-imi eqqaaneqartunik tunngaveqartumik, ilinniarfiup piunasaqaatigisinnavaa qinnuteqartoq naammattusaataasunik misilitsinnermi angusissasoq. Taamaalilluni misilitsinnerit taamaattut ilinniarfiup ilinniartup ilinniakkamik naammassinnissinnaaneranik nalilersuineranut ilaatinneqarsinnaapput.

§ 26-imut

Aalajangersakkami ersipput kandidatitut ilinniakkami ilinnialernissamut piunasaqaataasut suuneri.

Imm. 1-imut

Ilinnialernissamut piumasaqaataavoq naapertuuttumik bacheloritut ilinniagaqarnissaq, imaluunniit naapertuuttumik allamik, assingusumik qaffasissusilimmik Kalaallit Nunaanni, Danmarkimi nunamiluunniit allami ilinniagaqarsimanissaq. Tassami atorfinissutaasinnaasumik bacheloritut ilinniakkat aamma nalinginnaasumik bacheloritut ilinniakkat assigiinngisinneqarunnaarmata, tak. nalinginnaasumik oqaaseqaatit, siusinnerusukkut atorfinissutaasinnaasumik bacheloritut ilinniakkanik taaneqartartut aamma ilinnialissutaasinnaapput, ilinniagaq naapertuuppat.

Pingaarnerusoq tassaavoq ilinnialissutaasinnaasumik ilinniagaq bacheloritut naleqassammat, (pitsaassusissanut sinaakkusiussani qaffasissuseq 6), aamma ilinniakkap kandidatitut ilinniakkamut qinnutigineqartumut naapertuuttuunera.

Imm. 2-mut

Ilinniarfiit kandidatitut ilinniakkani ataasiakkaani ilinnialernissamut piumasaqaatit aalajangersassavaat. Taamaalilluni ilinniarfiup nammineq aalajangersinnaavaa bacheloritut ilinniakkat il.il. suut ilinnialissutaasinnaassanersut.

Imm. 3-mut

Siunnersuutigineqarpoq bacheloritut ilinniakkamik aalajangersimasumik piumasaqaatip sanioqqunneqarsinnaanissaa periarfissaassasoq, ilinniarfiit nalilerpassuk allaanerusumik tungavigisaq kandidatitut ilinniakkap naammassinissanut piumasaqaatinik piviusunngortitsisoq. Qinnuteqartoq taamaalilluni ilikkagassatigut piginnaaneqassaaq, bacheloritut ilinniakkamut sanillunneqarsinnaasunik.

Aammattaaq ilinniarfiup aalajangersinnaavaa, qinnuteqartup kingusinnerpaamik ilinniarnerup aallartinnerani naammattusaammik misilitsinnermi anguseqqaarnissaa, imaluunniit ilinniarfittissutinik naammattusaataasunik ingerlatseqqaarnissaa. Ilinniarfittissutit imaluunniit misilitsinnerit aalajangersimasut kandidatitut ilinniakkap naammassinissanut pisariaqartut ilinniarfiup isigisinnaavai. Taamaattoqartillugu ilinniarfiup piumasarisinnaavaa qinnuteqartup ilinniakkap aallartinginnerani ilinniarfittissutinik pineqartunik ilassutitut ingerlatseqqaarnissaa misilitseqqaarnissaaluunniit.

§ 27-mut

Imm. 1-imut

Ph.d.-tut ilinnialinnginnermi piumasaqaataavoq qinnuteqartoq ilinniagaqarsimassasoq kandidatitut ilinniakkap naligisaanik. Imaappoq masteritut ilinniagaqarsimaneq aamma ph.d.-tut ilinniagaqalissutaasinnaavoq.

Imm. 2-mut

Aalajangersakkami aalajangiunneqarpoq ph.d.-tut ilinniarfoq kandidatitut ilinniarnermi ingerlanneranili ph.d.-tut ilinnialersinnaasoq. Taamaattoq kandidatitut ilinniagaq imaluunniit

ph.d.-tut ilinniagaq annertussutsimikkut qaffasissutsimikkulluunniit annikillisinneqassanngillat. Taamaalilluni aalajangersakkami aalajangerneqarpoq ilinniakkanik qaleriissitsisoqarsinnaasoq, taamaattorli piumasaqaataalluni ilinniakkat arlaannaalluunniit ajornerulissanngitsoq.

Imm. 3-mut

Ilinniarfinni ataasiakkaani namminerni aalajangigassavaoq kikkut ph.d.-tut ilinnialersussatut akuerineqassanersut. Aammattaaq ilinniarfiup nittartagaani ersersinneqassaaq ph.d.-tut ilinniartussanik toqqaanermi piumasaqaatit qanoq ittut tunngaviillu qanoq ittut ilinniarfiup pingaartinnerai.

§ 28-mut

Imm. 1-imut

Aalajangersakkamut siunnersuummi ersippoq qaffasinnerusumik inuutissarsiutinut (akademimi) ilinniakkami ilinnialissagaanni piumasaasoq ilinniarnertuunngorniarmimmi ilinniarsimanissaq, tamatumunnga ilanngullugit immikkut aaqqissuussamik ilinniarnertuunngorniarnermik ingerlatsisimaneq, imaluunniit naapertuuttumik inuutissarsiummik ilinniagaqarsimanissaq, tak. Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat.

Ilinniarnertuunngorniarmimmi ilinniarsimanertut paasineqassaaq ukiuni pingasuni ilinniarnertuunngorniareerluni soraarummeersimaneq, ukiuni marluunni ilinniarnertuunngorniareerluni soraarummeersimaneq, ilinniartitsissutinik ataasiakkaanik katitsikkanik ilinniarnertuunngorniarnertut inaarutaasumik soraarummeersimaneq, nunat tamat akornanni ilinniarnertuunngorniareerluni soraarummeersimaneq (IB, UWC assigisaalluunniit) aamma ilinnialernissamut piareersarluni ilinniakkat taamatut qaffasissuseqartut.

Inuutissarsiummik ilinniakkatut paasineqassapput ilinniakkat ilinniakkami pineqartumi ilinniagassanut pilersaarutaasut naapertorlugit inuutissarsiorsinnaalersitsisartut ilinniagaqarsimasutut naleqartumik, nalinginnaasumillu ukiut marluk sinnerlugit sivisussuseqartartut. Aammattaaq piumasaavoq inuutissarsiummik ilinniagaq naapertuuttuussasoq. Taamaalilluni inuutissarsiummik ilinniagaq qaffasinnerusumik ilinniakkap sammisaata iluaniissaaq.

Aammattaaq ilinniarfiup piumasaqaatigisinnaavaa ilinniartup lærlingitut isumaqatigiissuteqarsimanissaa. Inuussutissarsiutinut akademimi ilinniagaq nikerartumik ingerlanneqartarpoq teori aamma sulineq paarlakaanneqarlutik, aamma qinnuteqartut ilinniarfimmi aallartikkaluarlutik kingornagut sungiusarluni suliffissap assigisaataluunniit amigaataanera pissutigalugu ingerlaqqissinnaajunnaarnissaat pinngitsoorumallugu,

siunertamut naapertuuttut isigineqarpoq, ilinniarfiit ilinniartussaminnik akuersinnginnerminni piumasarinnaagaat isumaqatigiissuteqartoqareersimanissaa.

Imm. 2-mut

Ilinniarfiit aalajangersagaq una naapertorlugu qinnuteqartunik ilinniartunngortitsisinnaapput imm. 1-imi allassimasut saneqqullugit. Ilinniarfiit pissutsinik atuuttunik nalileereerner mikkut aalajangersinnaavaat qinnuteqartup ilinnialernissaa akueriumallugu, nalilerneqarpat pineqartoq piginnaaneqartoq ilinniakkamik naammassisaqarnissamut. Nalilersuinnermut atatillugu ilinniarfiup qinnuteqartoq qinnuigisinnaavaa misilitsinnissaanik imaluunniit immikkut inuttut oqaloqatigineqarnissaanik. Aamma piumasarineqarsinnaavoq qinnuteqartoq qinnuteqaammik tunngavilersukkamik suliaqassasoq. Tunngavilersukkamik qinnuteqaat tassaavoq inuttut nassuiaat, qinnuteqartup ilaatigut ilinniakkamik ingerlatsiniarnerminut piumassutsiminik nassuiaateqarfigigaa, tassalu sooq qinnuteqartup ilinniagaq qinersimaneraa, qinnuteqartullu ilinniagaq qanoq atorniarneraa. Kiisalu ilanngullugit nassuiaateqarfigineqarsinnaapput qinnuteqartup nammineq inuttut aamma misilittakkatigut piginnaaneri kiisalu suliffimmi misilittakkat, ilinniakkamut tunngatillugu oqaluuserissallugit naleqquttut.

§ 29-mut

Imm. 1-imut

Diplomitaarniarluni ilinniakkami ilinnialernissamut piumasaqaataavoq qinnuteqartup naleqquttumik ilinnialissutaasinnaasumik ilinniagaqarnissaa, minnerpaamik qaffasinnerusumik inuussutissarsiutinut (akademimi) ilinniakkap naleqqatigisaanik, aammalu diplomitaarniarluni ilinniakkami ilinnialernissamut immikkut piumasaqaataajunnartunik naammassinnissimanissaa. Taamaalilluni qinnuteqartut minnerpaamik ilinniakkamik pitsaassusissanut sinaakkusiussani qaffasissuseq 5-imi inissisimasumik naammassinnissimassapput. Ilinnialernissamut immikkut piumasaqaatit tassaasinnaapput ilinniartitsissutit aalajangersimasut, ilinniartitsissummi aalajangersimasumi minnerpaamik karaktereqarnissaq assigisaaluunniit.

Imm. 2-mut

Ilanngullugulu piumasaqaatigineqarpoq qinnuteqartoq ilinnialissutaasinnaasumik soraarummeereerner mi kingorna minnerpaamik ukiuni marlunni naapertuuttumik inuussarsiumik misilittagaqassasoq. Ilinniarfiit ataasiakkaat namminneq nalilissavaat suut naapertuuttuunersut.

§ 30-mut

Imm. 1-imut

Masteritut ilinnialernissamut piumasaqaataavoq qinnuteqartup minnerpaamik naleqquttumik bacheloritut ilinniakkamik, diplomitaarniarluni ilinniakkamik imaluunniit nunani allani

ilinniakkap pineqartup naleqqataanik naammassillugu ingerlatsisimanissaa. Qinnuteqartup *minnerpaamik* bacheloritut naleqqataanilluunniit ilinniagaqartuunissaanut patsisaavoq, kandidatitut ilinniarsimasut aammattaaq masteritut ilinniakkamut qinnuteqarsinnaanerat.

Atorfinissutaasinnaasumik bachelorit, siunnersuut naapertorlugu taamatut taagorneqartussaajunnaartut aamma masteritut ilinniakkami ilinniartunngorsinnaapput. Pingaarnepaaq tassaavoq ilinniakkap bacheloritut ilinniakkatut naleqarnissaa, aamma naapertuuttuunissaa, imaappoq ilikkagassaqaarfiup pineqartup iluaniinnissaa allatulluunniit naapertuuttutut isigineqarnissaa.

Imm. 2-mut

Aammattaaq piumasaqaataavoq qinnuteqartup *minnerpaamik* ukiuni marlunni inuutissarsiummik naleqquttumik misilittagaqarnissaa, ilinnialissutaassinnaasumik soraarummeerummik naammassisaqareernermini. Ilinniarfiit ataasiakkaat namminneq nalilissavaat suut naapertuuttuunersut.

Imm. 3-mut

Aalajangersakkami tassani ersippoq ilinniarfiup qinnuteqartut imm. 1-imi piumasaqaatinik naammassinninngitsut, kisiannili ilinniakkamikkut nallersuussinnaasunik piginnaaneqareersutut nalilerneqartut, ilinniartussatut akuerisinnaagai. Pisuni taamaattuni ilinniarfiup piumasarisinnaavaa ilassutitut misilitsinnissaq, tamarmiusermut ilanngunneqarsinnaasunik.

§ 31-mut

Imm. 1-imut

Qinnuteqartut ilinnialissutaasinnaasumik ilinniagartik ilinniarumasatut kissaatigisami piumasaqaataasunut naleqqussassappassuk pingaartuuvoq ilinnialernissamut piumasaqaatinik sukaterinerit siumoortumik nalunaarutigineqartarnissaat. Taamaattumik piumasaqaataavoq sukaterinerit siumoortumik atuutilernissaat ukiunik 2-nik sioqqullugit nalunaarutigineqareertassasut. Imaassinnaavoq bacheloritut ilinnialernissamut ilinniartitsissutit aalajangersimasut aalajangersimasumillu killiffillit ilinniarnertuunngorniarfimmi ilinniarneqarsimanissaat piumasarineqartoq. Qinnuteqartup taakkuninnga toqqaanissamut periarfissaqarnissaa pissutigalugu piumasaqaatit siumoortumik nalunaarutigisariaqarput.

Imm. 2-mut

Aalajangersarneqarpoq siumoortumik nalunaaruteqareerneq iliniarfiup pineqartup nittartagaatigut pisassasoq.

§ 32-mut

Imm. 1-imut

Aalajangersagaq siunnersuutigineqartoq naapertorlugu aalajangigassat ilinniarfiit namminneq aningaasaliissutit killiliussaasut iluanni aalajangersassavaat, ilinniartut qassit ilinniakkami ilinniartunngortinniarnarlugit. Taamaattoq tamanna imm. 2-mut aamma 5-imut, tak. ataaniittoq, ataqatigiissillugu isiginiarneqassaaq. Aammattaaq aalajangersagaq § 9, nr. 3-mut ataqatigiissillugu isiginiarneqassaaq, taanna malillugu Naalakkersuisut ilinniakkamik aalajangersimasumik akuersissut tunuartissinnaavaat, ilinniakkamut qinnuteqartut amerlassusaat imaluunniit ilinniartut naammassisartut amerlassusaat nukissanut ilinniakkamut atorneqartunut naapertuukkunnaarpata. Taamaalilluni Naalakkersuisut isumaqarunik, ilinniakkamut aalajangersimasumut qinnuteqartartut naammakkunnaarsimasut, imaluunniit naammattunik amerlassusillit ilinniakkamik naammassinittarunnaarsimasut, taava Naalakkersuisut akuersissut tunuartissinnaavaat, ilinniarfik pineqartoq isumaqaraluarpuunniit qinnuteqartut amerlassusaat naammattut, imaluunniit ilinniartut naammassisartut naammattut.

Aammattaaq aalajangersakkami ersippoq, ilinniartut piffissaq tamaat ilinniakkami allami ilinniartussatut akuerisaasut ilinniartunngortinneqarsinnaanngitsut. Taamaalilluni ilinniartut piffissaq tamaat ilinniakkami ataasiinnarmi allatseqqasinnaapput. Taamaattoq pissutsit immikkut illuinnartut pissutigalugit aallaavik taanna sanioqqunneqarsinnaavoq. Aammattaaq aallaavigisaq taanna § 27, imm. 2-mi sanioqqunneqarpoq, tamatuma malitsigisaanik, ilinniartooq ph.d.-tut ilinnialersinnaammat, suli kandidatitut ilinniarnermi ingerlanerani.

Imm. 2-mut

Aalajangersakkami erseqqissarneqarpoq ilinniakkami inissat amerlassusissaasa aalajangersartarnerani, tak. imm. 1, ilinniarfiup qularnaartassagaa ilinniartitsinermik isumannaatsumik ingerlatsisoqarsinnaanera, ilinniartitsisut piginnaaneqarluartut ilinniartitsisoralugit, inillu isumannaatsut atorlugit ingerlatsilluni. Imaattoqarsinnaavoq ilinniarfiup qinnuteqartunit amerlavallaartut ilinniartussatut akuerigai, ilinniartitsisussanut imaluunniit ininut ilinniartitsiviusussanut naapertuutinnngitsumik. Ilinniarfiit ilinnialersussanik amerlavallaartunik akuersisinnaanngillat naammattunik sulisutigut inissatigullu periarfissaqanngippat. Taamalu ilinniagaqartunut ataasiakkaanut piffissaqartoqarlunilu inissaqartitsisoqassaaq, ilikkagassatut anguniagaasut anguneqarsinnaaqullugit.

Aammattaaq ilinniarfiit ilanngullugu isiginiassavaat inuiaqatigiinni pineqartut ilinniagalinnik pisariaqartitsinerup annertussusaa. Sapinngisamik ilinniartitsisoqassanngilaq suliffissaaleqilernissamut, suliasaqarfinnilu sulisussanik pisariaqartitsineq isiginiarneqassalluni.

Imm. 3-mut

Siunnersuutigineqarpoq ilinniarfiit qinnuteqartut amerlavallaartillugit, ilinniakkami naammassineqarsinnaasunut sanilliullugit, utaqqisutut allattuiffiliorinnaasut. Ilinniakkamut akuerisaanermik nalunaaruteqartoqareerneratigut qinnuteqartuni aallartinnissamik

kissaateqanngitsoqarsimappat, taava qinnuteqartut utaqqisutut allassimasut neqeroorfigineqarsinnaapput ilinnialernissamik. Taamatut aaqqissuussinikkut ilinniarfiup qinnuteqartut siullermik akuerineqanngikkaluartut isiginiarsinnaavai aqqtissiuullugillu, ilinniarfiullu naammassisinnaasaanik inissaatini inuttalersinnaallugit, qinnuteqartunit sulii aallartinnginnermi tunuortoqaraluarpalluunniit.

Imm. 4-mut

Aalajangersakkami aalajangiunneqarpoq qinnuteqartut ilinnialernissamik piumasqaateqarsinnaanngitsut, ilinniakkamut qinnuteqartut ikippallaarsimappata. Ilinniarfiup ikinnerpaaffissat aalajangersarsinnaavai, Naalakkersuisunit imm. 5 naapertorlugu aalajangersarneqartunit qaffasinnerusunngorlugit. Ilinniarfiup amerlasuutigut misilittagaqarfigigajuppaa nalinginnaasumik ilinniakkap ingerlanerani ilinniartut qassit taamaatiinnartarnersut, taamaattumillu ikinnerpaaffissanut killilisinnaallutik Naalakkersuisut aalajangigaannit qaffasinnerusumik. Ilinniarfillu aamma aningaasartuutitut tunngatillugu akisussaaffeqarpoq, tunngavissarissaarnerullunilu ilinniakkamik aalajangersimasumik neqerooruteqarnerup, qinnuteqartut aalajangersimasunik amerlassusissaannut naleqqiullugu akilersinnaassusiata nalilernissaanut.

Ilinniarfik pisuni taamaattuni ilinniakkamik ukioq allortarlugu neqerooruteqarsinnaavoq. Taamatut aaqqissuussinikkut ilimanaateqarsinnaavoq qinnuteqartut amerlanerusarnissaat.

Imm. 5-imut

Aalajangersakkap Naalakkersuisut periarfissaqartippai ilinniakkami ilinniartunngorsinnaasut killilersornissaannut. Ukiumoortumik amerlanerpaaffissanik killiliinissamut tunngavilersuutaasinnaavoq, Naalakkersuisut isumaqarnerat ilinniakkami pineqartumisut ilinniagallit amerlanerit pisariaqartinneqanngitsut.

Aalajangersakkallu aamma Naalakkersuisut periarfissaqartippai ilinniakkamik neqerooruteqartarnermik killiliinissamut. Minnerpaaffissanut killiliussat aamma aalajangersarneqarsinnaapput qularnaarumallugu iliniakkat neqeroorutigineqannginnissaat, ilinniartussat ikippallaarpata. Periarfissaq taanna siunnersuutigineqarpoq pinngitsoorumulugu ilinniartunut ataasiakkaanut aningaasartuutit qaffasippallaalernissaat. Taarsiullugu ilinniarfiit ilinniartussanik amerlanerusunik soqutiginnilersitsisinnaanertik neriutugalugu aammalu ilinniakkamik neqerooruteqarsinnaanerup akuersissutigineqarneranik tunuartsinissaq pinngitsoorumulugu, ilinniakkamik ukioq allortarlugu neqerooruteqartarnissaq toqqarsinnaavaat.

§ 33-mut

Imm. 1-imut

Aalajangersakkami ersippoq qinnuteqartut piginnaanillit amerlaneruppata ilinniartunut inissaniit, ilinniakkani ataasiakkaani, taava qinnuteqartut tulleriarinissamut malittarisassat

ilinniakkamik aaqqissuussinernut ataasiakkaanut namminernut aalajangersagaasut naapertorlugit nalunaarsorneqartassasut.

Tulleriarinissamut malittarisassat assersuutigalugu tassaasinnaapput karakterit qaffasinnerpaaniit, inuussutissarsiutinit misilittakkaniit il.il. tulleriarineq.

Imm. 2-mut

Aalajangersakkami ersippoq qinnuteqartut utaqqisutut allattorsimaffimmut nalunaarsorneqarsinnaasut, qinnuteqartut piginnaanillit inissaqartitanit amerlanerusimappata. Qinnuteqartoq utaqqisunut allattorsimaffimmi allanneqarsimanini pillugu ilisimatinneqassaaq, tak. § 32, imm. 3, ilinniarfissamillu neqeroorfigineqarnini uppersassallugu, tak. malittarisassat § 34, imm. 4-mi.

§ 34-mut

Imm. 1-imut

Ilinniarfiit qinnuteqartut akissuteqarfigissavaat piffissaliussap Naalakkersuisunit aalajangerneqartup iluani. Piffissaliussaq tamanut saqqummiunneqassaaq. Qinnuteqartut ilisimatinneqassapput ilinnialersinnaallutik ilinniakkamilu inissamik neqeroorfigineqassallutik.

Imm. 2-mut

Qinnuteqartut ilinniakkami ilinniartussatut akuerineqanngitsut, piffissap imm. 1-imi aalajangerneqartup iluani akuerineqannginnerminnik ilisimatinneqassapput.

Imm. 3-mut

Qinnuteqartoq ilinnialernissamut akuerineqanngippat, kisiannili utaqqisunut allattorsimaffimmi ilanngunneqarsinnaalluni, qinnuteqartoq tamanna pillugu ilisimatinneqassaaq. Qinnuteqartoq aamma ilisimatinneqassaaq utaqqisunut allassimaffimmi tullerinnerni qanoq inissisimansoq. Qinnuteqartup taanna tunngavigalugu nalilersinnaavaa ilinnialersinnaanini qanoq ilimanaateqartiginersoq.

Imm. 4-mut

Qinnuteqartut imm. 1 aamma 3 naapertorlugit nalunaarfigineqarnerminnut atatillugu, ilinniakkami inissamik neqeroorfigineqarnermik kingusinnerpaamik akuerinissaanut piffissalernerneqassapput. Nalunaarummi piffissaliussaq nallertinnagu qinnuteqartoq ilinniarfimmuut nalunaarsimannippat ilinniakkami inissaralua allamut neqeroorutigineqarsinnaavoq, ilinniakkamut utaqqisuniittoqarpat. Taamaaliortoqassaaq sapinngisamik amerlanerpaat ilinnialernissaat qularnaarumallugu.

§ 35-mut

Imm. 1-imut

Aalajangersakkami tassani aalajangiunneqarpoq, Naalakkersuisut ilinniakkani ilinnialersinnaaneq ilinniartutullu akuerisaaneq pillugit malittarisassanik erseqqinnerusunik aalajangersaasinnaasut. Malittarisassani assersuutigalugu pineqarsinnaapput ilinnialersinnaasut amerlassusilerneri aqquutigalugit ilinniartunngortitsisarnissat.

§ 36-mut

Imm. 1-imut

Nutaatut siunnersuutigineqarpoq bacheloritut ilinniartut tamarmik ilinniakkap ingerlanerani ilinniarnermiinnut atatillugu Kalaallit Nunaata avataaniittassasut. Tamanna pisinnaavoq semesterimi ilivitsumi, ilinniartitsissutini ataasiakkaani imaluunniit ataasiarluni arlaleriarluniluunniit sungiusarluni sulinertut. Nunani allaniinnissap sivisussusissaanut tunngatillugu piumasaqaateqartoqanngilaq, kisianni paasisassarsiorluni angalanerinnaassanngilaq. Taamaattoq ikaarsaariarnermi aalajangersagaq siunnersuutigineqarpoq, tak. § 41, imm. 1, tassami ilinniakkanut qinnuteqartut naammaginantumik piffissalerlugit siumoortumik kalerrittariaqarput, ilinniakkami qinnutigilersaakkaminni nunami allamiinnissap qanoq ittuunera naapertorlugu aaqqissuussisinnaaniassammata. Taamaammatt Kalaallit Nunaata avataani ilinniarnissaq aatsaat pinngitsoorani atuuttussatut atuutilissaaq ilinniartunut 1. august 2021-mi kingusinnerusukkulluunniit bacheloritut ilinnialersunut.

Imm. 2-mut

Ilinniakkap aaqqissugaanerani aalajangersarneqassapput nunani allamiinnermut malittarisassat. Aalajangersarneqarsinnaavoq nunami allamiinneq ilinniakkap ingerlanerani piffissami aalajangersimasumi pissasoq. Aamma aalajangersarneqarsinnaavoq, semesteri aalajangersimasoq, ilinniartitsissut aalajangersimasoq ataaseq imaluunniit ilinniartitsissutit aalajangersimasut arlallit, ataasiarluni arlaleriarluniluunniit sungiusarluni sulinerit assigisaalluunniit nunami allami ingerlanneqassanersut. Aamma takorlorneqarsinnaavoq Kalaallit Nunaata avataaniinnissaq arlalinnik periarfissaqartoq, taamaalillunilu holdimiittut imaluunniit klassimiittut tamarmik ataatsikkut aallartariaqanngitsut.

Imm. 3-mut

Bacheloritut ilinniakkami pinngitsoorani ilinniarnermut atatillugu nunami allamiinnissaq ilaavoq. Taamaattorli siunnersuutaavoq ilinniakkaat aaqqissugaaneranni aalajangerneqarsinnaasoq qaffasinnerusumik ilinniakkat sinnerini piumasaqaataassasoq ilinniakkamut atatillugu Kalaallit Nunaata avataaniinnissaq. Tassanilu aamma pineqarsinnaapput semesteri, piffissaq sungiusarluni suliffik assigisaaluunniit. Ikaarsaariarnermi aalajangersakkamik aalajangersaasoqarpoq, tak. § 41, imm. 2, tassanilu ersippoq, aatsaat pinngitsoorani nunani allani ilinniarnissaq pillugu piumasaqaateqartoqarsinnaasoq, ilinniartunut 1. august 2021-mi kingusinnerusukkulluunniit aallartittussanut tunngatillugu.

Imm. 4-mut

Pisariaqartinneqarsimavoq imm. 1-imut atatillugu saneqqutsisinnaanermut periarfissamik ilanngussisoqarnissaa, tassanilu ersippoq bacheloritut ilinniartut tamarmik ilinniakkamut atatillugu Kalaallit Nunaata avataani ilinniassasut. Ilinniartoqarsinnaavoq Kalaallit Nunaannik qimatsinissamut periarfissaqanngitsunik. Taamaattoq piumasaqaataavoq pissutissarititaasunik immikkut ittunik peqassasoq, immikkut akuersissuteqartoqarsinnaassappat.

Immikkut akuersissuteqarnissamut pissutissaasinnaasut immikkut ittut eqqarsaatigalugit eqqaaneqarsinnaapput ilaqutariinni pissutsit, tamatumunnga ilanngullugit angajoqqaatut kisimiittut meeqqaminnik nassarnissamut periarfissaqanngitsut, imaluunniit peqqissutsimut tunngasumik apeqqutit, tamatumunnga ilanngullugit uppersaatissalimmik nappaatit imaluunniit innarluutit ilinniartumi, ajornakusoortitsisut inuup pineqartup nunatsinnik qimatsigallarsinnaanissaanik. Aamma ilinniarnermi pissutsit ilinniartup nunamut allamut ilinniariartornissaanik ajornakusoortitsisinnaapput. Ilinniartoqarsinnaavoq ilinniarnermi kinguaattooqqasunik, soraarummeernerit ilaannik angusinngitsoorsimaneq pissutigalugu, ilinniartup nunami allamiinnissamut nalinginnaasumik piukkunnassusaa assigisaalluunniit aamma pineqarsinnaapput.

Taamaattoq immikkut akuerisaanissamut tamatigut piumasaassaaq, ilinniartup nammineq qinnuteqarnissaa, tassami ilinniartup nunami allami ilinniarnissaaq inatsisitigut piumasarisinnavaa. Taamaalilluni ilinniarfik aalajangersinnaanngilaq, ilinniartoq nunami allami ilinniassanngitsoq ilinniarnermi pissutsit pissutigalugit

Aalajangersakkatut siunnersuut naapertorlugu ilinniartut allamut atatillugu Kalaallit Nunaata avataaniissimasut aamma sanioqqutitsisinnaapput, tassami aalajangersakkami pissutsit immikkut ittut eqqaaneqartut ilaat tassaammat ilinniarnermik nunanit tamanit misilittagaqarneq. Tamatumani assersuutigalugu eqqarsaatigineqarput inuit Danmarkimi efterskolersimasut, EF, AFS kattuffiilluunniit assingusut aqutigalugit parlaaseqatigiinnermut peqataasimasut il.il. Naatsorsuutigineqarpoq ilinniartoq nammineerluni nunami allami ilinniarsimassasoq, taamaammallu ilinniartup siusinnerusukkat angajoqqaani, inooqatini assigisaalluunniit ilagalugit, taakkulu ilinniarnernut atatillugu Kalaallit Nunaata avataaniissimanera sanioqqutitsinissamut tunngavigineqarsinnaanngilaq.

Aalajangersakkami imm. 3 naapertorlugu qaffasinnerusumik ilinniakkamut allamut bacheloritut ilinniagaanngitsumut pinngitsoorani Kalaallit Nunaata avataani ilinniarnissamik aalajangersagaqarpat, sanioqqutitsisinnaanermut aalajangersakkat qulaaniittut aammattaq atuutissapput.

Ilinniarfiit ataasiakkaat sanioqqutitsisoqarsinnaanera namminneq aalajangissavaat. Ilinniarfiit sanioqqutitsinissamik qinnuteqaatinut atatillugu ilusiliussassat, piffissaliussassat il.il. pillugit malittarisassanik aalajangersaasinnaapput.

Imm. 5-imut

Ilinniartuq immikkut akuersissuteqarfigineqarpat imm. 4-mi aalajangersagaq naapertorlugu, ilinniartuq aaqqissuussinermik allamik neqeroorfigineqassaaq. Kalaallit Nunaata avataani ilinniarneq assersuutigalugu semesterimi aalajangersimasumi pissappat, ilinniaqatigiillu sinneri, ukioqatigiit assigisaalluunniit piffissami ataatsini angalappata, periarfissamik allamik aaqqissuussisoqassaaq, ilinniartup pineqartup Kalaallit Nunaanni malinnaavigisinnaasaanik.

§ 37-mut

Imm. 1-imut

Aalajangersakkami aalajangiunneqarpoq Naalakkersuisut malittarisassiussasut piginnaanernut ilinniartitsisunut qaffasinnerusumik ilinniakkani ilinniartitsisuusunut piunasaqaataasunut tunngatillugu.

Siunertamut naapertuuttutut isigineqarpoq Naalakkersuisut malittarisassanik nalunaarutikkut aalajangersaanissaat. Taamaaliornikkut malittarisassat allanngortikkuminarnerullutillu naleqqussaruminarnerussapput, ilinniakkani nalinginnaasumik qaffasissutsit annertusiarturnerat ilutigalugu. Malittarisassatigut qularnaarneqassaaq ingerlaavartumik ilinniartitsisut ilniarsimassusaasa ineriartortinneqarnissaat, peqataassallutillu qularnaarinissami ilinniartitsinermi piginnaasatigut qaffasissumik ingerlatsisoqarnissaanik. Piffissap ingerlanerani anguniagaa voq qaffasinnerusumik ilinniakkani ilinniartitsisut amerlanerpaat ph.d.-tut ilinniagaqartuunissaat.

Malittarisassat ilinniakkanut piunasaqaatinik imaqassapput, piginnaanngorsarsinnaanermut periarfissanik imaqassallutik, ilinniaqqissinnaanermik il.il. Malittarisassat assigiinngiiaarsinnaapput apeqqutaatillugu ilinniakkat pineqartut Iisimatusarfimmi imaluunniit qitiusumik ilinniarfinni inuutissarsiutinilluunniit ilniarfinni neqeroorutigineqatarnersut. Malittarisassallu ilanngullugu isumannaassavaat pineqarnersut inuit piffissaq tamaat ilinniartitsisarnersut, imaluunniit sulinermik ilaatut piffissap annikinnerusup iluani taamaallaat ilinniartitsinermik ingerlatsisartuunersut, assersuutigalugit ilinniartitsisuusartut avataaneersut, ilinniartitsissutinik ataasiakkaaginnarnik imaluunniit nal. ak. ataasiakkaaginnarnik ilinniartitsisartut.

§ 38-mut

Imm. 1-imut

Aalajangersakkami erseqqissaatigineqarpoq ilniarfii pisussaaffigigaat ilniartunik ilitsersuisarnissaq. Ilitsersuineq ingerlanneqartussavaoq ilniakkamik ingerlatsinermi, sammissallugillu ilniagaq aamma ilniarnerup kingornagut suliffissaasinnaasunut tunngasut. Ilitsersuineri ilaatigut sammineqarsinnaapput ilniartitsissutit toqqagassat, suliffinnik sungiusarluni suliffissamik toqqaaneq, Kalaallit Nunaata avataani ilniarnissaq, tak. siunnersuummi § 36, ilniagaqarnersiutit il.il.

Ilitsersuineq inuit ataasiakkaarlugit oqaloqatigiinnikkut pisinnaavoq, kisiannili aamma oqalugiarnertut aaqissuussinertigulluunniit assigiinnigitsutigut ingerlanneqarsinnaalluni.

Imm. 2-mut

Ilinniakkamiit taamaatitsiinnartarnejq annikinnerulersikkumallugu ilinniarfiit ilinniartunut ilinniakkaminni kinguartoorsimasunut annertusisamik ilitsersuinissamik pisussaaffeqarput. Taamaattuni ilitsersuisarnejq ilinniartumik pineqartumik nammineramik naapillugu ilitsersuinertut ingerlatsisoqartassaaq.

Imm. 3-mut

Naalakkersuisut aalajangersagaq taanna tunngavigalugu ilitsersuisarnermut malittarisassiorsinnaapput. Malittarisassat taakku ilaatigut ilitsersuisarnerup annertussusissaanut, annertuumik takkutinnigisoortarnermut atatillugu ilitsersuinernut, pinngitsoorani suliassanik tunniussinngitsoornermut assigisaannulluunniit tunngasuusinnaapput.

§ 39-mut

Imm. 1-imut

Aalajangersakkami aalajangiunneqarpoq ilinniarfiit aalajangiineri Inatsisartut inatsisaat una naapertorlugu Naalakkersuisunut maalaarutigineqarsinnaasut. Pissusiviusoq tassaavoq naalakkersuisoqarfiup akisussaasup maalaarutinik pineqartunik suliqartuusarnera. Taamaattoq killiliussanik aalajangersagaqarpoq, aalajangiinerit qanoq ittut Naalakkersuisunut maalaarutigineqarsinnaaneri pillugit.

Aalajangersakkami ersippoq, aalajangiinerit ilinniartup inatsisitigut inissisimaneranut tunngasut, Naalakkersuisunut saqqummiunneqarsinnaasut. Aalajangiinerit inatsisitigut inissisimaneremut tunngasut tassaasinnaapput ilinnialerumalluni qinnuteqaammik itigartitsinerit, pinngitsoorani nunani allani ilinniarnissap sanioqqunneqarnissaanut tunngasut il.il. Imaappoq tamatumani pineqassaaq maalaarut inatsisitigut naliliinikkut aalajangiiffigineqarsinnaasoq, assersuutigalugu aalajangiineq inatsisit atuuttut naapertorlugit pisimaneranut tunngasut, tamatumunnga ilanngullugit ingerlatsinermi malittarisat tunngaviillu.

Maalaarut Naalakkersuisunut saqqummiunneqareersimassaaq, ullormit aalajangiinerup maalaaruteqartumut nalunaarutigineraniit sapaatip-akunneri 4 qaangiutinnagit. Taamaalillutik Naalakkersuisut maalaarutip piffissaliussap qaangiutereernerani tunniunneqartup sularinissaa itigartitsissutigisinnaavaat.

Imm. 2-mut

Aalajangersakkami uani ersippoq, maalaarutit Naalakkersuisunut ingerlatinneqartut kinguartitsinermik sunniuteqarsinnaangitsut, imaappoq ilinniarfiit aalajangiineri pineqartumut nalunaarutigineqarnerminniit inatsisitigut atuupput. Taamaattoq imm. 3-mi aalajangersagaq innersuunneqassaaq, tassani ersimmat Naalakkersuisut aalajangersaasinnaasut maalaarutit aalajangersimasut kinguartitsinermik sunniuteqarsinnaasut.

Imm. 3-mut

Siunnersuutigineqarpoq Naalakkersuisut piginnaatinneqassasut maalaaruteqartarnek aamma maalaarutit suliaqartarnek pillugit annertunerusunik malittarisassiornissamut. Tamatumunnga assersuutigalugu ilaasinnaapput ilusiliinissamut piumasaqaatit, oqaaseqaateqarnissamut piffissaliussat, maalaarutaasoq kimut qaatiguuliorneqassanersoq il.il. Tamatuma saniatigut Naalakkersuisut malittarisassanik aalajangersaasinnaapput, maalaarutit aalajangersimasut kinguartitsinermik sunniuteqarsinnaangorlugit, tassami imm. 2 naapertorlugu aallaavittut taamaattoqanngimmat.

§ 40-mut

Imm. 1-imut

Siunnersuutigineqarpoq Inatsisartut inatsisaat atortuulissasoq 1. august 2019. Piffissaq taanna siunertamut naapertuuttut isigineqarpoq, Inatsisartut inatsisaata upernaakkut ataatsimiinnermi akuersissutigineqarnissaanut ilinniarfillu ukiumik ilinniarfiusumik nutaamik aallartitsinissaannut naleqqiullugu.

Imm. 2-mut

Inatsisartullu inatsisaata akuersissutigineqarnerata ilutigisaanik siunnersuutigineqarpoq Isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersoq atorunnaarsinneqassasoq. Taanna siusinnerusukut perorsaasussanik ilinniartitsinernut inatsisitigut tunngaviugaluarpog, kisiannili pisariaarulluni, siunnersuutigineqarmat qaffasinnerusumik ilinniakkat tamarmik siunnersuutikkut matumuuna malittarisassaqaalissasut. Aammattaaq isumaginninnermi perorsaasunngorniartarnek pillugu nalunaarutit marluk, Inatsisartut peqqussutaatigut atuutsinneqartut atorunnaarsinneqarput. Nalunaarutit marluk pineqartut tassaapput Inunnik isumaginnittussat ilinniartitaaneranni fagit pillugit Namminersornerullutik Oqartussat nalunaarutaat nr. 16, 15. april 1991-imeersoq aamma Inunnik isumaginnittussat ilinniartitaasarnerat pillugu Namminersornerullutik Oqartussat nalunaarutaat nr. 14, 15. april 1991-imeersoq.

§ 41-mut

Imm. 1-imut

§ 36, imm. 1-imi aalajangersagaq, aalajangersagaq una naapertorlugu aatsaat atuutilissaaq ilinniartunut bacheloritut ilinniakkamik 1. august 2021 tamatumaluunniit kingorna

aallartitsisunut. Taamaaliornikkut qularnaarneqassaaq, ilinniarfiit nunani allani ilinniarfinnik il.il. isumaqatigissuteqarnissamik angumersisinnaanissaat. Aammattaaq ilinniartut pineqartut naapertorlugit piareersarnissaminut piffissaqassapput.

Imm. 2-mut

Aalajangersakkami uani aalajangersarneqarpoq, siunnersuummi § 36, imm. 3 naapertorlugu pinngitsoorani nunani allaniittarnissaq pillugu malittarisassat aatsaat atuutilersinnaasut ilinniartunut 1. august 2021-mi kingusinnerusukkulluunniit ilinniarlutik aallartittunut. Taamaalilluni ilinniarfiit ilinniartullu piareersarnissartik angumerisinnaalissavaat.